




1/1/2.



Ex Libris Joannis Nenoim

1874




20

POÉSIES
DE
LASPHRISE



100

POÉSIES
DE
LASPHRISE



TIRÉ A CENT EXEMPLAIRES NUMÉROTÉS,

dont 96 sur papier vélin anglais
et 4 sur papier de Chine

Exemplaire N° 58.

VINGENT BONA, Imprimeur de S. M., à TURIN.





MARC DE PAPILLON
S^r DE LASPHRISE

Photographie Dardan




MARC DE PAPILLON
SE DE LASPHRISE

Protonotaire d'ordon

LES
GAILLARDES POÉSIES
DU
CAPITAINE LASPHRISE

publiées d'après les éditions de 1597 et de 1599

PAR UN MEMBRE DE LA SOCIÉTÉ
DES BIBLIOPHILES GAULOIS



TURIN
J. GAY ET FILS, ÉDITEURS

—
1870



MARC PAPILLON

SIEUR DE LASPHRISE

SA VIE, SES POÉSIES

(1555 - 1599)

Le Capitaine Lasphrise jouit d'une réputation détestable; c'est un coureur, un vicieux, un débauché, un pillard, un arrogant; en un mot un homme de sac et de corde. D'abord il s'en vante lui-même; l'abbé Goujet, grand juge en matière de poètes du XVI^e siècle, et tous les auteurs à sa suite ont confirmé son arrêt. Mais si l'on écoutait l'abbé Goujet, on brûlerait tous les rimeurs qui ont chanté l'amour; et on sait qu'il ne les a pas brûlés lui-même; car tous ces chanteurs de sonnets et d'élégies, qu'il a doctement analysés, et qui lui ont appartenu, enrichissent aujourd' hui la Bibliothèque de Versailles. Les Annales poétiques et les autres recueils qui ont emprunté des vers au galant capitaine ont été moins sévères, j'oserai dire

plus justes; ils lui reconnaissent de la verve, du talent et une certaine allure gasconne, qui donne à sa poésie un caractère martial et délié.

Tout n'est pas également à louer chez lui. On y trouve une foule de sonnets alambiqués, dans le goût détestable des Pindariseurs d'alors, qui, ne pouvant s'approprier le génie de Ronsard, se faisaient gloire d'exagérer ses défauts. Mais, quand Lasphrise s'abandonne à lui-même, il n'a besoin d'emprunter ni l'esprit, ni le style de personne. Il n'est pas toujours correct, et ne cherche point, comme on dit, la petite bête; mais il n'affecte point non plus de voiler sa pensée. On n'a pas besoin de lire entre ses lignes pour savoir ce qu'il entend dire.

Loin d'éviter une gaularie, il l'aborde gaillement de front et vous la lâche tout à trac. Pas plus que Rabelais, son héros et son maître en fait de langage, il ne mâchera le mot, qui sort, comme un trait d'arbalète, de ses bonnes lèvres dilatées par le rire, à travers ses moustaches blondes; et l'on ne songe pas à s'en effaroucher, tant il sait mettre d'innocente effronterie sur son visage ouvert et dans ses yeux brillants de gaieté.

Marc de Papillon naquit, vers 1555, près d'Amboise, dans le petit fief de Lasphrise qui appartenait à sa famille et dont il prit le nom. Il avait un frère aîné, Jean de Papillon, écuyer, sieur du Puy de la Source, qui fut tué devant Orléans, et une sœur Geneviève, qui mourut

en couches. Il n'était encore âgé que de quatre ans lorsqu'il perdit son père, N. de Papillon, sieur de Vauberault. Il semble avoir conservé sa mère, née Marie du Plessis-Prévost, beaucoup plus longtemps. Mais, avec la mort, la mauvaise fortune était entrée dans cette famille privée de son chef; si bien qu'à douze ou quinze ans le jeune Lasphrise, quoique son enfance eût été malade, fut contraint de quitter son éducation commencée pour embrasser la carrière des armes. Il a pris soin lui-même de consigner tous ces détails, çà et là, dans ses poésies; mais ce dont il se vante aussi, sans que je puisse y avoir foi, c'est qu'il n'aurait désormais plus ouvert un livre et aurait composé ses vers, sans étude,

*Pour monst'rer la grandeur de sa mufz soldarde
Et pour Gentilhomme estre uniquement prisé.*

Je crois qu'il fait, en ce cas, parade d'une fausse ignorance, démentie par ses propres écrits. Evidemment il connaissait le latin, l'italien, d'autres langues encore et possédait la mythologie, l'histoire, etc.; de même il fait ailleurs le fanfaron de vice, tandis que son bon cœur et son excellent naturel éclatent, comme en dépit de lui-même.

Nous n'essaierons pas de suivre le capitaine Lasphrise dans toutes ses garnisons et dans tous ses combats, à Dormans, au Vernay, à Vimory, à La Rochelle, à Lusignan, à Domfront, à Saint-Lô, à Brouage, à Fontenay, à Maran,

à Saintes, à Mesle, à La Mûre, en Dauphiné, en Gascogne et jusque sur mer, où, pendant une année, il parcourut les côtes d'Europe, d'Asie et d'Afrique. Nos lecteurs trouveront dans ses vers le peu de détails qu'il donne lui-même sur ses campagnes. Il est plus à propos de jeter un coup d'œil rapide à travers sa vie de poète et d'amoureux, afin d'expliquer comment notre édition, sans renfermer toutes les poésies du galant capitaine, offre néanmoins la physionomie complète de ce talent original.

A vingt ans, il tenait garnison au Mans, lorsqu'il entendit, dans la chapelle d'un couvent de Bénédictines, qu'il appelle LE PRÉ, une voix qui lui alla au cœur. Il sut bientôt que la chanteuse était une novice, qu'il parvint à voir, à connaître, l'accès des couvents étant alors plus facile qu'aujourd'hui. Depuis ce moment et pendant dix années consécutives, ce fut un déluge de sonnets, d'élégies, de chansons, de poulets d'amour, pour engager celle qu'il avait surnommé Théophile à quitter son cloître. Je crois que les intentions de l'amant étaient pures; mais ses peines furent perdues. Pendant que les hazards de la guerre l'éloignaient du Mans, Théophile prononça ses vœux. Il n'eut plus qu'à pleurer son désespoir et il put alors révéler, dans deux sonnets acrostiches, le nom de l'inexorable beauté que Dieu lui ravissait. — Elle se nommait Renée Le Poulchre et tenait sans doute à la famille de ce François Le Poulchre de la Motte Messemé qui a écrit un vo-

lume de vers intitulé les Honnestes Loisirs, où il raconte sa vie et l'histoire de son temps (*Les Sept livres des honnestes Loifirs, &c.*, Paris, Orry, 1587, in-12. Douze ff. préliminaires, un nouveau titre différent du premier et 288 ff. chiffrés).

Les Amours de Théophile sont le début de Lasphrise et la moins vigoureuse de ses œuvres. Nous en avons toutefois reproduit au delà de ce qu'il fallait, pour qu'on pût suivre les péripéties de sa passion et apprécier les progrès de son style. Nous avons donné plus de développement à l'amour passionnée de Noémie, dont la plus grande partie est conservée. Cette flamme avait pour objet une dame noble, mariée à un vieil époux fort peu capable de l'apprécier, dont la demeure était en Bourgogne. D'après certains indices elle était quelque peu parente de Lasphrise. Cette passion atteignit rapidement son paroxysme et fut récompensée autant que le hardi capitaine pouvait le désirer. Il en dépeint avec feu tous les désirs, toutes les jouissances, toutes les ivresses, et, comme il n'entraît nullement dans notre pensée de composer un recueil destiné aux pensions de jeunes demoiselles, nous n'avons eu à retrancher aucune de ces descriptions brûlantes, aucun de ces cris d'ardent amour où triomphe la verve endiablée de Lasphrise. Hâtons-nous d'ajouter qu'il n'y a pas un vers, pas un mot en l'honneur de ces plaisirs contre nature qui deshonorèrent la cour des derniers Valois. Ses amours sont celles d'un homme passionné, mais honnête, et ses

La *Nouvelle tragi-comique*, qui a le double mérite d'être courte et amusante, a été respectée; mais je me suis montré impitoyable pour les pièces chrétiennes qui terminent le volume, pensant que le lecteur daignera me croire quand je lui aurai affirmé qu'elles respirent en même temps l'ennui le plus profond et les plus purs sentimens chrétiens.

Il faut dire, afin d'excuser l'auteur, qu'il les composa pendant une grave maladie, qui avait affaibli en même temps son corps et son esprit.

Il était pourtant à l'âge où l'homme conserve encore toute sa vigueur quand il publia ses premières poésies; il avait à peine quarante-deux ans. Mais il faut penser que, pendant plus de vingt ans, il avait mené la dure existence du soldat, à travers les guerres civiles qui n'avaient cessé d'ensanglanter la France; couvert de blessures, il était en outre perclus de goutte et de rhumatismes, que l'amour passionnée de Noémie et d'autres aventures de garnison, n'avaient pas peu contribué à augmenter. Retiré dans son petit fief de Lasphrise, le vieux loup s'était fait ermite, si non de son plein gré, du moins avec résignation. Il y achevait de vivre sur les débris de sa fortune. Soldat des Valois, fervent catholique (cela s'alliait alors parfaitement avec les plus profanes amours), il réclamait vainement à Henri IV l'arrière de sa solde de capitaine. Le roi, fort chiche pour ses plus dévoués amis, faisait la sourde oreille aux doléances du vieux ligueur.

Ce n'était pas pour lui seul que Marc de Papillon insistait. Il avait recueilli, près de lui, un fruit de je ne sais quelles amours, une jeune fille qui s'appelait Marguerite. Il a écrit pour elle le désaveu du Fléau féminin et une pièce assez touchante : les Regrets de Philasser (c'est-à-dire Lasphrise). Marguerite semble avoir été pour lui une garde-malade dévouée, en ces années de souffrances, pendant lesquelles il réunit ses vers et les publia sous le titre de :

Les Premières œuvres poétiques du Capitaine Lasphrise, à Cesar Monsieur. Paris, Jean Gessein, 1597, in-12 de 14 ff. préliminaires et 612 pages numérotées. Le privilège, donné à Rouen, est du dernier de Janvier 1597. Il est suivi d'un beau portrait, finement gravé par Th. de Leu, représentant le buste du Capitaine, cuirassé, tenant de la main droite son épée enlacée de palmes et de lauriers, de l'autre s'appuyant sur son casque, environné de myrtes et de charmes ; ainsi qu'il le dit lui-même en ce quatrain :

*Le Paladin heureux couronnera son chef
De palmes, de lauriers, de myrtes & de charmes.
Il me suffit qu'ils foyent à l'entour de mes armes,
N'ayant eu pour tous biens qu'honorable méchef.*

Ce premier recueil eut beaucoup de succès. Un imprimeur de Rouen aurait été jusqu'à le contrefaire (ainsi qu'il le dit page 468 de sa seconde édition). Mais je n'ai vu signalée nulle

part cette contrefaçon, qui semble, jusqu'à présent, inconnue aux bibliographes.

Une seconde édition parut deux ans plus tard sous le titre: *Les Premières œuvres poétiques du Capitaine Lasphrise, reveues & augmentées par l'Auteur, à tres-illustre & tres-excellent Prince Cæsar de Bourbon, Duc de Vendosme, Gouverneur des Pays de Bretagne & Lyonnais*. Paris, Jean Gesselin, 1599, in-12 de 18 ff. prélim., dont un blanc et 683 pages numérotées. Le privilège est celui de la première édition. L'achevé d'imprimer est du 25 novembre 1559. Le même portrait de Th. de Leu s'y trouve sur l'avant dernier des feuillets préliminaires, et dans quelques exemplaires il est répété à la page 440.

Cette édition contient un plus grand nombre de pièces que la première; mais elle n'offre ni retranchements, ni corrections de quelque importance. Lasphrise était un poète de premier jet et, quand il avait écrit un sonnet ou une chanson, il préférait en composer d'autres, plutôt que de revenir sur les premiers, pour les corriger.

Je croyais que, depuis cette époque, on n'avait plus entendu parler de lui; mais je vois dans les Poètes François publiés chez Crapelet, à Paris, en 1824 (6 vol. in-8°), qu'un éditeur, désigné seulement par les trois initiales J. B. Q. fit paraître un second recueil des Poésies de Papillon (Lyon, 1600, in-8°). Ce recueil renfermerait cinquante-six stances sur l'amour con-

jugal et sur le mariage de Henri IV avec Marie de Médicis, plus quatre sonnets au Roi et à la Reine. Je ne sais trop si ce livre est bien en effet de Marc Papillon sieur de Lasphrise; toutefois il n'a pas, comme les précédents, été publié par l'auteur lui-même. On pourrait en conclure que le capitaine avait alors succombé à ses infirmités et qu'il ne vit pas commencer le XVII^e siècle.

P. B.





A TRES-ILLVSTRE ET TRES-EXCELLENT
PRINCE CÆSAR DE BOURBON

Duc de Vendosme

SONNET

*Je me puis bien vanter comme ie me vante ore
De t'auoir faict premier vn present glorieux
Dont tu es reconnu en mile estranges lieux,
Où l'on ne pensoit pas que tu fusses encore.*

*Chacun desia te craint, chacun desia t'honore,
Esperant quelque iour sous le ciel de tes yeux
Voir reluire le temps de l'aage precieux,
Où fut toute equité, & tous biens qu'on decore.*

*Je me sens donc heureux en mon ingrat ennuy,
Si ie n'ay faict pour moy, d'auoir faict pour autrui,
Pour toy, second CÆSAR, que la Fortune iuste,*

*Par ton pere CÆSAR (non de nom) mais d'effect
Saluë heureusement, tant qu'elle te promet
De te faire appeler le grand CÆSAR AVGVSTE.*

L'ASPHRISE.



L'ASPHRISE A SON LIVRE

*Mon livre, ains de Cæsar à qui ie t'ay donné,
Il ne faut plus tarder, il ne faut plus se taire,
Marche, conte sans peur ton desastre obstiné ;
Car estant à Cæsar, qui t'oferoit malfaire ?*



PRIVILEGE DU ROY

Par grace & privilege du Roy est permis au Capitaine Lasphrise, Gentilhomme Tourangeau, faire imprimer par tel imprimeur que bon luy semblera, vendre & distribuer par tout le Royaume ses *Œuvres poétiques* sans qu'autres que celui que ledit Escuier aura choisi & esleu les puissent imprimer ou faire imprimer, & ce pour le temps & terme de six ans prochains venans, à compter du jour & datte de l'impression dudit livre. Sur peine de confiscation desdicts livres, despens, dommages & interets de l'imprimeur ainsi choisi par ledit Capitaine & d'amende arbitraire.

Donné à Rouen le dernier jour de Janvier 1597 & de son regne le huitiesme.

Par le Roy en son Conseil
HUILLIER.

Nous, Capitaine Lasphrise, Gentilhomme Tourangeau, suyvant la permission à nous donnée par le Roy, & son privilege donné à Rouen du jour & datte que dessus, avons donné permission à Jean Gesselin, de la ville de Paris, d'imprimer nos *Œuvres poétiques*, & ce pour & durant le terme porté par lesdittes lettres de permission à nous octroyées par Sa Majesté.

Achevé d'imprimer le 25 Novembre 1599.



LES AMOVRS

DE THEOPHILE

par le Capitaine Lasphrise

STANCES

*Si mes Vers ne sont tels que vostre honneur merite,
S'ils ne sont à vos yeux agreablement doux,
Prenez-vous-en (mon TOVT), prenez-vous-en à vous,
Car c'est vostre beauté qui seule les incite.*

*Alors que ie vous vis ils n'auoyent seulement
Ni pensé, ni songé l'ombre d'une lumiere,
Et comme enseuelis dans l'obsure poussiere,
Ou comme estant sans estre en leur enfantement,*

*Ils jouoyent dedans moy, sans cognoistre leur chance,
Mais voyans ma raison se perdre en toutes pars,
(Par vostre œil rigoureux) lors comme bons soldars,
Sont apparus hardis, pour ma seule defence.*

*Ils ne m'ont dedaigné absentant vos beaux yeux ;
Car près & loin toujours, ils m'ont presté l'oreille,
Ores chauds, ores froids, ore en couleur vermeille,
Tout ainfi que l'Archer leur estoit gracieux.*

*S'ils se trouuent polis d'une mauuaise lime,
S'ils logeoyent avec eux quelque fragilité,
Ous'ils estoyent voyfins de l'humble pauvreté,
Ils en ont (mes Amours) excuse legitime :*

*Car estant tendrelet, sortant de mon berceau,
Mal sur mal m'est venu, & puis comme à l'enuie,
S'entrebattoit chez moy la laide maladie,
Qui par playes m'a faict condamner au Tombeau.*

*Oncques ie n'ay vescu vne heure en patience ;
Mille bouillans ennuis m'ont tousiours agité,
Ore aux champs de Thetis loing de ma liberté,
Tantost haut, tantost bas, en douteuse balance.*

*Iamais ie n'ay suyui que l'honneur Martial,
Qui m'enleua (hélas !) auant ma tendre Aurore,
Me gardant d'adorer Phœbus que tant i'honore,
Le felon m'a payé d'un tourment inefgal.*

*Excusez donc l'orgueil de ma Muse animée,
D'auoir osé chanter si bas en si haut lieu,
Sa flammesche à vos yeux plaise comme vn grand feu,
Croyant que son ardeur ne consume en fumée.*

*Car ma flamme est diuine esprise viuement
Rendant vostre beauté dauantage accomplie,*

*Aussi ne pouuiez-vous iamais estre seruie
D'un plus braue Escuyer, ni d'un plus digne Amant.*

*Allez donc, compagnons, accoller ceste-là,
Qu'auiez pris pour espouse (ô plaisant mariage !)
Sus, allez luy donner vostre doux pucelage ;
Je ne veux rien de vous, mes mignons, que cela.*

*Vous ferez en bon-heur, les premiers de la terre,
Vous irez en un lieu noble sur tous endroicts,
Aimez de tout le monde, & si oyrez la voix
Des plus sainctes beautez que l' Vniuers enferre.*

*Mais ie veux que baifiez ce bel œil chasque iour
Mille fois, luy comptant mes passions austeres,
Mes peines, mes ennuis, mes fortunes ameres,
Et la glaçante ardeur de ce bisarre Amour.*

*Que vous couchiez aussi tousiours près de m'amie,
Baissant ce petit qui m'a tant martelé,
Et ie veux que par vous il me soit reuelé
Celle qui vous fera plus douce courtoisie.*

*Je vous commande aussi mon honneur en tous lieux.
Si quelqu'un en mesdit rendez sa vie égale,
Et aux siens aduenir, à celle de Tantale ;
Qui dira verité poussez-le iusqu'aux Cieux.*

*Adieu donc, mes enfans, courriers de ma misere ;
Ce bel œil, mon soucy, vous aille r'accoisant,
Vous ne craindrez alors l'orgueil du mesdisant,
Et viurez bien-heureux avecques vostre pere.*

SONNETS

*Si pour vous courtiſer ie fay vne folie,
Si ie n'eſpere rien de ceſte grande erreur,
Que tomber temeraire accablé de fureur,
Ie ne laiſſeray point d'en paſſer mon enuie.*

*L'enfant outrécuidé du Prince de Lycie,
Pour eſtre dans les Cieux ſuperbe entrepreneur,
Ne laiſſa, treſbuchant, d'acquerre de l'honneur,
L'honorable treſpas eſt une belle vie.*

*On ne doit iamais craindre à s'auancer bien fort,
Bien qu'on ſente en montant vne cruelle mort,
Quand le braue renom ſuit la faute commiſe.*

*Si ie chay donc, Madame, adorant vos beaux yeux,
Ie me ren immortal par ma vaine entrepriſe,
Et compagnonneray les magnanimes Dieux.*

*Ce riche entendement, ceſte agreable grace,
Ce ieune tein& ſerain de l'Aurore emprunté,
Ces deux yeux ſoleillans, flambeaux de chaſteté,
Ce langage doré qui doucement menace ;*

*Ce poil blond ondoyant, ceſte angelique face,
Ce graue-doux accueil, ceſte humble priuauté,
Ceſt honneſte maintien, ceſte belle beauté,
Ce grand front yuoirin où tout honneur ſe place ;*

*Ceste petite bouche entournée d'œillet,
Ce nez assez traitif, ceste gorge de lait,
Ces coutaulx emboutis d'une fraise pourprine ;*

*Ce bras, ce pied, ce corps qui à Pallas ressemble,
Ce petit mon mignon, que sans voir j' imagine,
Cela me fait languir, mourir, & viure ensemble.*

*J'ay veu les belles fleurs du Prin-temps desirable,
J'ay veu le Ciel paré des flambeaux lumineux,
J'ay veu calmer la mer, j'ay veu l'or précieux,
J'ay veu du Dieu guerrier l'ordonnance agreable ;*

*J'ay veu du Delien le bel œil fauorable,
J'ay veu des grands Palais le front audacieux,
J'ay veu les champs, les bois, les monts delicieux,
J'ay veu gazouiller l'eau d'un ruisseau delectable ;*

*J'ay veu le bled cresté ondoyamment baisser,
J'ay veu l'humble Venus son Adon caresser,
J'ay veu le bal sacré des huit sœurs de Thalie ;*

*J'ay veu le bien, l'honneur, la douceur, la santé,
J'ay veu le plaisant fruit de chere nouveauté ;
Mais ie n'ay rien veu beau, comme ma fiere Amie.*

*Pourquoy negliges-tu l'extresme affection,
Dont ie te veux seruir, ma gente Theophile ?*

*Tu m'amenes la Loy, qui est toute mobile,
Estant subiecte aux Rois diuers d'opinion.*

*Je ne trouue au Conuent nulle religion ;
Sans l'effect apparent la voix est inutile,
La Royale AMILLY si belle, & si subtile,
S'abuse comme toy en la deuotion.*

*La vie sans plaisir est vne mort hideuse,
L'aïse que tu reçois d'estre religieuse,
C'est chanter (quel soulas!) iour & nuict en Latin.*

*Bien qu'en psalmodiant, ton ame s'esioüisse,
Mais ton honneur mignon, ta bouche, & ton tetin,
Ont mal-gré les saints vœus besoing d'autre delice.*

*Je porte habit de blanc en signe d'innocence,
Je ieufne (ma Déesse) avec sincerité,
Je veille, ie supplie, on me void contristé,
Je ne chomme iamais, ie fay grand' penitence :*

*Toutesfois (ô pitié!) ie ne trouue allegence,
Et ne m'esbahis pas de vostre cruauté.
Vous pensez estre sainte aimant la Deité,
Qui punit l'innocent en son obscure offence.*

*Or puis qu'il est ainsi, ie ne feray plus cas
Du blanc, mere-couleur ; ie feray deux repas,
Je dormiray mon saoul, ie ne priray personne ;*

*Je fuiray le travail ; peste du Dieu desir !
Car i'estime un grand sot cestuy-là qui se donne
De la peine en pouuant recevoir du plaisir.*

*Quand viendra l'heureux iour que ie sacrifieré,
Mon Corps sur vostre Autel que saint DESIR dedie,
Que i'espendray mon sang en memoire infinie,
D'auoir par vn'erreur si long-temps soupiré ?*

*Quand viendra l'heureux iour que ie vous offriré
Vn benist Cierge ardent avec ceremonie,
Estant à deux genoux près de vous accomplie,
Afin d'auoir pitié de mon cœur martiré ?*

*Hé ! quand seray-ie orné, dans vostre sacré temple,
Seruant vos Deités que deuot ie contemple ;
Quand accepterés-vous ma chere Oblation,*

*Pour fidelle tesmoing de mes peines souffertes ?
Mais quand en receuant mes diuines offertes
Auray-ie de vos mains la benediction ?*

*Qui n'a conneu la perle de Noblesse,
Le bel accueil, le bon-heur plus heureux,
Vn entretien chastement amoureux,
L'alme beauté éprise de sagesse :*

*Qui n'a conneu l'habit d'une Deesse,
Et du Prin-temps les threfors precieux,
Qui n'a conneu le mesme Amour de Dieux,
La haine aimée, & la triste lieffe,*

*Qui n'a conneu l'œil, la grace, le ris,
La grauité d'une sainte Cypris,
L'honneur d'ANIOV, & l'ornement du MEINE,*

*Qui n'a conneu le chef-d'œuvre du Ciel,
Qu'il aille voir au PRÉ mon beau soleil,
Il connoistra l'image de ma peine !*

CHANSON

*C'est donc par vostre beauté, belle,
Que ie voy l'enfer Amoureux,
Mais sans moy vous ne seriez telle,
Vostre iour seroit tenebreux.
Ha ! vous en faictes trop à croire,
Par ma grand' liberalité,
Vostre beauté est vostre gloire,
Vostre gloire est vostre beauté.*

*J'ay mis sus ceste blanche face
Vne moisson d'œillets fleuris,
J'ay donné l'esprit & la grace
A ce beau corps sur tous exquis,
Qui est d'immortelle memoire
Par ma grand' liberalité,*

*Vostre beauté est vostre gloire,
Vostre gloire est vostre beauté.*

*Puis donc que vostre faueur grande
Vient de moy vostre seruiteur,
La sainte raison vous commande
Que m'aimiez de tout vostre cœur,
Qui triomphe de ma victoire
Par ma grand' liberalité;
Vostre beauté est vostre gloire,
Vostre gloire est vostre beauté.*

*Viue, viue HENRY, mon Roy victorieux,
Viue ce grand FRANÇOIS, viue heureuse la Royne,
Viue tousiours Bourbon, viue tousiours Lorraine,
Viue Neuers, Nemours, le fauorit des Cieux;*

*Viue tous les Prelats, viue ieunes & vieux,
Viue petits & grands, viue la Dame humaine,
Viue m'Amie aussi (l'Eternel la maintienne),
Viue le liberal & l'auaricieux;*

*Viue le Huguenot, & viue le Papiste,
Viue le MALCONTENT, viue le Realiste,
Viue l'Enuie encor seule nuit de mes iours,*

*Viue le Publicain, viue le Politique,
Viue le Gentil-homme & le vilain rustique,
Viue Satan, pourveu que i'aye mes Amours.*

CHANSON

*L'Amant ressemble au pauvre marinier,
Qui est tousiours en douteuse balance,
Sujet, hélas ! au vent traistrement fier :
En mer, en femme il n'est nulle assurance.*

*Tantost Neptune apparoint gracieux,
Et tantost plein de mortelle furie ;
La femme ainsi se demonstre à noz yeux,
C'est vn beau temps soudain mué en pluye.*

*Quand nous voulons voguer dessus la mer,
Elle se faict agreablement calme,
Et tout ainsi quand nous venons aimer,
On ne void rien si beau comme la femme.*

*Lors que la Nef est au milieu des flots,
Quelle pitié ! quelle estrange tourmente !
Lors que l'Amour est ancré dans noz os,
Est-il, ô Dieux ! douleur plus violente ?*

*Aussi Venus la mere aux Amoureux
Vint de ceste eau, & du traistre Saturne :
Quiconque donc voudra bien vivre heureux,
Ne suyue Amour ne l'impiteux Neptune.*

CHANSON

*Je me plains, mes Amours, & vous l'entendez bien,
Et toutesfois, hélas ! vous ne respondez rien.
Ha ! vous avez raison : c'est ainsi qu'il faut faire,
Les glorieux vainqueurs se doivent tousiours taire.
O mal-heureux vaincus, c'est à vous de prier,
C'est à vous de gemir, c'est à vous de crier.
Bien-heureux qui par pleurs peut destourner l'orage
De son fier ennemy qui se plait à l'outrage.
Mais si tu m'as vaincu, ie n'en perds mon honneur,
C'est faute de fortune & non faute de cœur,
Non, que dy-ie ? il n'est temps de publier ta gloire,
C'est chanter le triomphe auant qu'auoir victoire.
Je me repens, Amour, tu ne m'as surmonté,
Je suis tousiours en vie, & en ma liberté,
Bien que ie sois blessé, si ay-ie encor les armes
De ce mauuais garçon qui se repait de larmes ;
S'il n'estoit inuincible, il seroit serf par moy,
Qui suis inuiolable en Amour & en foy.*

TRISTESSE

*Faut-il, ô bons Dieux !
Que pour deux beaux yeux,
Pour vn doux propos,
Pour un blanc visage,
Qui d'œillets s'ombrage,
Brusler iusqu'aux os ?*

*Non, ie ne veulx pas,
Plustost le trespas
Saïfisse mon cœur.
D'une ardeur cruelle
La mort est plus belle,
Que n'est la langueur.*

*Adieu donc, Amours,
Mais tout au rebours,
Adieu mon soucy,
Maudite l'année,
L'heure & la iournée
Que ie vins icy.*

*Pensant me guerir,
Tu me fais mourir,
Semblable au poisson,
Qui cherchant sa vie,
La trouue rauie
D'un traistre hameçon.*

*Tu ris de mes pleurs
Et de mes douleurs
Tu te resjouis,
Comme vn fier corsaire,
Qui rit du forsaire,
Tousiours plein d'ennuis.*

*Donc pour ton plaisir,
Adieu, cher desir,
Tragique destin !
Bourreau de moy-mesme,*

*Puis que tu ne m'aime,
Je veux prendre fin.*

*Quelle Religion trouvez-vous en ce lieu ?
Dites, rare beauté, de la beauté ventée ?
En estant mal-heureuse ainsi desheritée,
Sans auoir offensé, ni le monde, ni Dieu ?*

*Quelle Religion, quel desirable vœu,
De paistre maigrement & tousiours enferrée ?
Quelle Religion de ne viure honorée,
D'estimer tout le monde, & de s'estimer peu ?*

*Quelle Religion d'aimer la peine dure,
De fuyr le plaisir souhaitté de nature,
De n'oser descouvrir des mysteres couuers ?*

*Autheurs de mon malheur, & plus de vostre encombre,
J'atteste l'Eternel Pere de l'vniuers,
Si de Religion il y a vn seul ombre.*

*Tu ne t'enquiers iamais de moy ton humble frere,
Qui languis desolé sous l'Amoureuse loy
(SOVRCES) ie fay donc plus, ie fay donc plus que toy,
Je sçay que tu es pris d'une douce Iolierre.*

*Tu n'as autre soucy qu'à mener chere entiere ;
Ton plaisir te commande, exempt d'aucun esmoy,*

*Tu baïses ta Franchon, l'amour, l'honneur, la foy,
Que n'adoré-ie (heureux) si belle Cordeliere?*

*L'aspire vne Déesse où sont mille dédains,
Qui se targue tousiours de Dieu & de ses Saints,
Et ne daigne approcher du doux feu qu'elle attise.*

*On gagneroit plustost le fort des ennemis,
Qu'Amour pût refueiller ses beaux sens endormis,
Soubs l'ombre d'un honneur qui n'est qu'une sottise*

*M'Amour tu as dans la bouche vn serment,
Courrier du dueil, dont tristement ie pleure ;
A tous propos tu vas disant : LE MEVRE,
Bien doux iurer, au deuis seulement.*

*Helas ! il est bien cruel autrement,
Car par luy seul, Maïstresse, tu m'asseure
Plustost la mort, que de m'estre meilleure,
Dieux ! suis-ie pas vn miserable Amant ?*

*Comment feray-ie, hé ! vraiment ie desire
Perir plustost d'un funeste martyre,
Que tu endure vn seul poinct de douleur.*

*Ie meure aussi, par ton serment ie iure,
(Estrange effect d'aimer sa peine dure)
Si ie ne suis tousiours ton seruiteur.*



DIALOGUE AVEC L'AMOUR.

*Sous mesme signe, & sous mesme Planette,
En l'an, au mois, au iour, à l'heure, au point
Que ie nasquis vint ma Dame parfaicte;
Amour, pourquoy ne m'aime-t-elle point?*

AM. - *Si tu ne sens l'or blond de ma sagette,
Qui est au vif dedans son cœur conioinct,
Et si mon dard encore ne la poind,
Ne rends pourtant ma verité suspecte.*

*Vous n'estes nez sous vn aspect malin;
Mais ma douceur semble aux femmes venin,
Auant qu'auoir gousté ma friandise.*

*Il ne faut donc si tost desesperer,
Mars & Venus aucunement ne prise
Cil qui paruient sans beaucoup endurer.*

*Vniques sœurs, semence Titanine,
Secourez-moy (moy vostre cher enfant);
Si vostre appuy vistre ne me defent,
C'est faict, ie voy ma mortelle ruine.*

*Le traistre Amour allume ma poitrine
En vn lieu sainct où l'on n'entre souuent,
Où rien que Dieu ne se met en auant,
Et m'a bruslé par vne ardeur diuine.*

*Dame, voyez l'orgueil de ma poison ;
Mon corps est libre, & mon cœur en prison
D'une beauté, qui est mesme captiue.*

*Sus, tancez donc l'Amour qui vous faict tort ;
Car m'offençant il vous outrage fort,
En affligeant vostre vertu naïfue.*

*Toy qui mesprise Amour par un vouloir testu,
(Toy, di-ie, où mon desir en esperance tombe)
Encor que tu sois simple autant que la Colombe,
Et le sacré refuge à la blanche vertu,*

*Mais ie te pry, dy-moi, quel heur en auras-tu ?
Car alors qu'Atropos la grand' beauté succombe,
Ce chef-d'œuvre accompli va sous l'ombreuse Tombe
Au lieu d'estre tousiours de gloire reuestu.*

*Tu sçay que ie dy vray, mesme de ton lignage,
Tant de grands Cheualiers d'illustre douceur sage,
Non plus que de personne on ne parle plus d'eux.*

*Tout se perd en la nuit, au fons de sepulture,
Fors le viuant Amour, par la docte escriture,
Aimez-moy donc à fin que i'en escriue mieux.*

*Ie sçeu mes maux soudain te voyant si iolie,
Par trois certains Courriers, le premier fu si ton nom,*

*(Si benist renommé) & ta Religion,
Puis ton sur-nom Latin qui belle signifie.*

*Voyant si beau nom ioinct à l'alme seigneurie,
Et ta demeure encor dans la laide prison,
Pourquoy ne m'en alloy-ie, ô pauvre de raison ?
La nature & le lieu m'en deuoient faire enuie.*

*Qui pourroy-ie accuser de ce retardement ?
L'amadoureux espoir forcier de mon tourment ;
Mais ores que ie suis desesperemment blefme.*

*Que ne m'en vay-ie donc ? Ha ! Dieux, ie ne scaurois,
Amour fait tout cecy, & me tient sous ses loix,
Pour faire voir en moy sa fermeté extreme.*

TRISTESSE

*Pleurez, pleurez mes yeux, sus, payez vostre faute,
Par vous ie suis entré au labyrint d'Amours,
Noyez, noyez-moi donc dans vostre humeur peu caute,
Vaut-il pas mieux mourir que de languir tousiours ?*

*C'est trop, c'est trop aimer sans auoir recompence,
C'est trop, c'est trop seruy sans estre guerdonné,
Le forçat miserable a bien quelque esperance,
Voire le criminel iustement condamné.*

*Et moy (ô malheureux !) dont fortune se ioué,
Las ! ie ne pretens rien que le tragique sort,*

*Compagnon d'Ixion, ie suis dessus la rouë,
C'est grand cas que l'Amour soit cause de la mort!*

*Rien ne me sert d'offrir mon fidelle seruice;
Car ma Dame ressemble à vn cruel vainqueur,
Ma rençon ne lui plaist; rien, rien que mon supplice!
Miserable guerdon de l'Amant plein d'honneur.*

*La saincte chasteté, dont elle est si ialouse,
Ne faict sentir au corps vn doux chatouillement,
Vn plaisir souuerain, qui parfaict nous espouse,
Qui nous donne la vie, & le contentement.*

*Elle ne baille point d'amoureuse lieffe,
Et viure sans cela c'est comme n'estant pas,
De dire que l'honneur consiste en la tristesse
C'est vn abus bigot meritant le trespas.*

*En ceste simple humeur ma superbe est rengée,
Voire tant qu'elle croit, pour mespriser l'Amour,
Que la terre luy est grandement obligée,
Et que le Ciel diuin luy en doit de retour.*

*Auancez donc, mes yeux, le cristal de vos larmes,
Pour embraser l'ardeur qui m'incite à l'aimer,
Comme le forgeron met de l'eau dans les flames,
Alors qu'il veut son feu dauantage allumer.*

*Et vous, mes grands souspirs, faictes flamber encore,
Comme estans les soufflets de l'Amoureux fourneau,
Je me deferay donc par l'Amour que i'adore,
Faisant de mon cercueil renaisre mon berceau.*

*Je suis comparable à l'oiseau d'Arabie,
Qui ne pouvant fuyr sa mortelle douleur,
Luy-mesme fait le feu dont il brusle sa vie
Et comme il est vnique, aussi suis-ie en mal-heur.*

*Que tu ments, Martial, à l'endroit de ma Belle,
Disant que d'autant plus vn beau corps feminin
Est mis estroictement, & plus il est enclin
Au plaisir Amoureux qui tous plaisirs excelle.*

*La vertu à ma Dame est compaigne fidelle,
Qui veut que chacun ait le merite benin,
Doncques par sa prison en ce Conuent diuin
L'embrasseroy, heureux, l'honneur qui me martelle.*

*Ton dire est pour l'humeur qui retient du mondain,
Mais ceste Deité qui n'a rien de l'humain,
Avec l'humanité ne veut nulle accointance.*

*Pleust aux Dieux (Martial) que sans exception
Ta parolle fust vraye, alors sans passion
Comme digne d'Amour i'en auroy iouissance.*

*Cupidon m'esclaua dans vn Pré verdoyant
Aux beaux champs bocageux du bon pais du Maine,
Mettant mes armes bas me dist en sousfiant:
Vien-ça, que t'a seruy ton Mauors qui te meine?*

*Je te veux faire voir ma puissance haultaine ;
 Tu changeras d'estat, tu m'iras suppliant,
 Ton franc cheual sera vn espoir variant,
 Et ton corps de cuirasse vne Amoureuse peine.*

*Ton ennemy toy-mesme, & pour feu porteras
 Deux beaux yeux dans le cœur que sans cesse aimeras.
 Je veux que ton canon se muë en escritoire,*

*Ton esclatante pouldre en vn grondant desdain,
 Tes balles en papier, l'amorce en ris serain,
 Ton coutelas en plume, & ton mal-heur en gloire.*

*Tout estonné d'une heureuse venueë,
 Comme l'on void, après vn long sommeil
 En regardant la clarté du Soleil,
 Qu'on n'ose ouvrir apertement la veuë :*

*Ainsi voyant l'honneur qui m'esuertué,
 Tout esblouy ie craignoy d'ouvrir l'œil,
 Mais son beau lustre, avec son bel accueil,
 Eut peu remettre vne vie esperduë.*

*Elle estoit là parmy vn saint troupeau,
 Et comme on void au doux prin-temps nonueau
 Des belles fleurs en vn pré delectable,*

*Dont l'une aggrée entre toute à nos yeux,
 Ainsi (DECHOVRSE) en ton Pré gracieux
 Ma Dame luit sur toute autre agreable.*

*Il s'anuitoit lors que demy-certain
Voulus baïser l'honneur saint que ie chante,
Mais de sa bouche vne voix arrogante
Incontinent fist changer mon deſſain.*

*Je m'en courus de grandes fureurs plain,
En protestant de laisser mon Amante ;
La foy d'Amour est comme vn vent qui vente,
Je l'allay voir dès l'aube au lendemain.*

*Pourquoy, luy dy-ie, estes-vous si cruelle ?
Comme vn chagrin vous me dédaignez, Belle,
Et ie ne suis desaggreable ainsi.*

*Le vingtiesme an mon beau chef ne surmonte,
Mil cinq cens soixante & quinze on compte
L'an de ma mort & de ma vie aussi.*

*O LASPHRIS, où vas-tu ? — Je m'en retourne au Meine.
— Que faire ? — Y voir l'Amour borne de mon destin,
Dont les rais soleillans de son bel œil benin,
Me rendent furieux triomphant de ma peine.*

*— Puis qu'elle tient l'honneur de ta gloire certaine,
Pourquoy la fers-tu tant ? — Pay cela du diuin :
Car i'vse de bonté à ce qui m'est malin,
L'esperant conuertir par ma foy souueraine.*

— Si l'esperoir te deçoit ? — Pay vn los merité,

*Ayant souffert pour elle, immortelle beauté,
La beauté sans pitié ne peut estre infinie.*

*Le propre aux Deitez c'est la douce douceur,
Sa rigueur est donc feinte, ainsi j'auray mon cœur :
Car il ne fust iamais beauté plus accomplie.*

*Comme vn Nocher sauué de la tourmente,
Ayant vaincu les flots iniurieux,
Lors qu'il voisine vn terroir gracieux,
Se refiouist pour son heureuse attente ;*

*Reuenant sain de la guerre sanglante,
Je veux donc estre à ceste heure ioyeux,
Voyant de près le lieu deuotieux,
Où mon espoir iustement se presente.*

*Mais comme on void les Matelots experts
Ne craindre tant la tourmente des mers,
Qu'à l'approcher de la terre estimée,*

*Car il ne faut qu'un peu frayer le banc,
Pour submerger : ainsi Amoureux franc,
J'ay peur, L'ANGLOIS, touchant ma Dame aimée.*

ELEGIE

*De tout ce que les Dieux icy bas ont donné,
Pour rendre de tout point l'homme bien fortuné,
Pour le faire admirable afin qu'on le renomme,
Ainsi que s'ils vouloyent pour compagnon vn homme,
C'est d'auoir un esprit galant & Amoureux,
C'est là, ma Dame, là le bon-heur plus heureux,
Chassant l'ombre mal-sain de l'aspre humeur farouche,
Autrement nous serions comme vne vieille fouche.
C'est à la seule Amour qu'il nous faut paruenir,
Qui douce ne se peut par la mort diffinir.
Je croy que ne doutez de la bouillante flame,
Ni d'un mal intestin qui sans cesse m'entame,
Que ie souffre pour vous qu'on me void adorer,
Je ne fay que gemir que tristement pleurer,
Je m'en vay, ie reuiens, i'ay foi, i'ay défiance,
Je ne sçay que ie dy, ie ne sçay que ie pense,
Je pers par vous tousiours & repas & repos,
Vn cruel feu glacé m'outrage iusqu'à l'os,
Vn chaos de penfers dedans moy s'amoncelle,
Desesperant i'espere, & qui plus me martelle,
C'est vne froide peur qui me vient assaillir.
(O maudite nouvelle!) Amour, il faut faillir,
Vagabondant pluslost, pluslost mourir perduë,
Qu'acceptiez le bandeau de Professe renduë.
Je crains que le preniez; non, ne le prenez pas,
C'est en viuant sentir mille horribles trespas.
Vsez de mon conseil, & vous serez plus sage,
Ne laissez perdre ainsi le Printemps de vostre âge,
Venez en terre ferme, & laissez l'ombre sainct
A l'esprit ignorant de la sottise atteint:*

*Car y estant ainsi ce n'est pas estre au monde ;
Certes vous ressemblez aux mariniers sur l'onde,
Qui des morts ni des vifs ne tiennent point les rangs,
Ils sont vifs entre morts, morts entre les vivans.
On ne faict cas de vous, pour morte on vous reclame,
Monstrez à vos parens que vous auez de l'ame,
Que vous reconnoissez & le bien & le mal.
On faict de vous ainsi comme d'un beau cheual,
Qui n'est predestiné que pour vne bataille,
Il ne voyage point iusques à tant qu'il aille
Au rude choc guerrier, dont le tragique effort
Le meine miserable à l'impiteuse mort :
Ainsi, ma Dame, ainsi on vous faict prisonniere,
Iusqu'à temps qu'Atropos vous cille la paupiere.
Or donc, qui se fait beste il est mangé des Loups,
Et trop tard quelquefois nous rabattons les coups.
Tout ce que ie vous dy est sans hypocrisie,
Jamais la bonne Amour n'vse de tromperie,
Et l'on doit en tout temps de l'Amy auoir soing,
Mais la vraye amitié se connoist au besoing
Qui me fait vous escrire, ayant sçeu qu'estes preste
De faire à vostre dam ceste mortelle feste.
Lisez bien, ie vous prie, auant que d'espouser
Ce fard Religieux qui vous fait abuser ;
Vrayment si vous trouuez en la sainte Escriture
Qu'on doie viure ainsi en vne prison dure,
Ie me condamneray, mais Dieu veut autrement,
Et veut estre prié d'un chacun librement.
Qui vous retient donc là ? Un but de grand richesse ;
Aspirez-vous l'honneur de Madame l'Abbesse ?
Ce vous seroit vraiment folle legereté,
Mal-heureux est celuy qui vend sa liberté.*

*Que nous seruent les biens, dictes, ie vous supplie,
Si ce n'est pour passer ioyeusement la vie ?
Dieu les a ordonnez à ceste intention,
Et si beaucoup auoyent vostre Religion,
Pour neant nous aurions tant de bien en ce monde.
Or doncques deformais nagez sur vne autre onde.
Croyez-moy (THEOPHILE) & n'ayez point de peur,
Hommagez l'Amour grand du grand monde vainqueur.
On ne trouve tousiours les odorantes roses,
Le temps ameine tout & mine toutes choses.
Tandis que la saison est belle à les cueillir,
Mandez-moi que i'y aille & i'iray sans faillir.*

*Si tu n'accepte, Amour, ma douce affection,
L'Antiphile bien tost m'en fera la vengeance ;
Non, non, i'en aimeray quelque autre d'excellence,
Et l'Amour contre Amour fera punition.*

*Bien que tu n'aye en moy nulle dilection,
Mon change toutesfois t'apportera souffrance,
Ialouse sans m'aimer, blasmant mon inconstance,
Despite, tu auras extreme affliction :*

*Et pour plus te fascher i'en aimeray quelqu'une
De tes diuines sœurs, qui courent ta fortune,
Que familièrement tu hantes chaque iour ;*

*Ie seruiray Bray-haut, la belle POISSONNIERE,
Ou DANIOV l'aggreable, ou VESINS singuliere,
En me vengeance ainsi de l'Amour par l'Amour.*

*Que ne suis-ie ore Prestre au PRÉ deuotieux
 (Auiourd'huy que chacun confesse son offence),
 Le te verrois venir pleine de repentence,
 Te mettre à deux genoux deuant moy glorieux ;*

*Tu me dirois pourquoy ton bel œil gratieux
 M'a esté si cruel par les feux qu'il élance,
 Puis ie te donnerois, pour iuste penitence,
 A pleurer trente iours ton orgueil ennuieux.*

*Je ne te baillerois l'Absolution sainte
 Que ie n'eusse ta foy de me baiser sans faincte ;
 L'aurois licence après, du PAPE souuerain,*

*De me despresliser ; s'il ne luy plaisoit faire,
 Je me rendrois plusloft Huguenot volontaire,
 Pour embrasser ton cœur que i'aurois fait humain.*

*Quoy? voulez-vous tousiours me faire maigre mine?
 Amour, craignez-vous point qu'Amour nostre seigneur
 Aduisant ma pitié ne blesse vostre cœur,
 Ainsi qu'il fait là bas ceste beauté diuine?*

*Ne sçauuez-vous pas bien (dictes, belle Angeuine)
 Qu'une fust emmarbrée, ayant trop de rigueur?
 Le desdain lui desplait, il chasse son honneur ;
 Ne le mesprifez donc qu'il ne vous exterminé.*

Moy son serf & le vostre, en sortant de ce lieu

*Pour vous dire vn bon-iour avec vn triste adieu,
Je ne demande rien qu'un baiser desirable.*

*Donnez-m'en doncques vn, sinon i'en prendray deux.
L'Amant doit entreprendre en vn lieu honorable;
Je te vay donc baiser & la bouche & les yeux.*

*Nauf d'une beauté, ores ie veux, ma Lyre,
En mille & mille endroicts fredonner de beaux vers,
Non que ie veuille auoir renom par l'Vniuers,
En de si grands honneurs ma ieunesse n'aspire;
Et si veux-ie pourtant mon Amour faire luire,
L'an, le iour, la saison que ie vis ses yeux verds,
Estant la seule ardeur de mes trauaux diuers,
Par qui ie suis, chetif, encomblé de martyre.
Or ie vais t'accorder pour sonner bassement,
Vne pitié tousiours se doit dire humblement,
L'Amour veut les douceurs, bien qu'elle soit cruelle,
Courage donc, ma Lyre, commence tes coups,
Renomme ma Maïstresse en vn ton aigre-doux,
Et la dis hardiment outrageusement belle.*

DOVBLE ACROSTICHE

M adame, quand Amour	D egarde vos beaux yeux,
M ise de sa fortune	E ntierement aimable,
R ien ne luy fait terreur,	N on la mort redoutable ;
C ar l'Amour brusle-cœurs	E st toujours valeureux.
D e grace aimez-le donc,	E stimez-le Amoureux,
E t vous fiez en luy,	N 'acceptant honorable,
P ar luy vous paroistrez	E xtrêmement louable,
A insi qu'une beauté	P laisante aux mesmes Dieux.
P rincesse de son cœur,	O lympe de son ame,
I l vous offre ses vers,	T rais tesmoins de sa flame,
I 'Vranie en leur chant	S uira d'un saint renom.
L 'humble discours est haut	C elebrant Theophile,
O n ne le peut blasmer	D eclamant si beau Nom ;
N e le desdaignez donc	E n vous servant utile.

*Ton voile noir te fait approuver sainte ;
 Il te déguise en cachant tes beaux yeux,
 Et si conuient à ton vœu soucieux,
 Qui est couuert de Religion sainte.*

*Certainement toute chose contraincte
 Est haïssable aux hommes & aux Dieux :
 Par force on entre au Couuent odieux,
 Qui rend la vie estroictement estraincte.*

*Tu me diras: P'y ay deuotion !
 Quelle folie, aimer l'affection !
 Veu que bonté est souuent dangereuse.*

*Ainsi plusieurs se gâstent du bon vin ;
En bonne terre est le mauuais chemin,
Et ta vertu est ainsi viciieuse.*

*Afin qu'Amour-oyseau ne soit plus si volage,
Je veux qu'il ait la forme ores d'un PAPILLON,
Il en sera plus gay, plus mignard, plus mignon,
Plus celeste esueillé, plus reluisant, plus sage.*

*Il ne sera plus triste, estrangement sauuage,
Mais ioyeux, mais priué, tousiours beau, tousiours bon,
Immortel renaissant en la prime saison,
Bien humble voletant sans faire aucun outrage.*

*Le soleil est le pere à cest oyfillon doux,
Qui d'un ver precieux s'engendre ydoine à tous,
Filant pour le public, s'emprisonne soy-mesme,*

*Pour eslargir ses biens à qui le gardera.
En l'honneur de mon nom l'Amour doncques sera,
Deformais plus aimable, aimant comme l'on l'aime.*

CHANSON

*Adieu, Opiniastre, Adieu,
L'endure un trop cruel martire,
Vostre glace m'a mis en feu,
Et si vous n'en faictes que rire,*

*Que m'a seruy vous honorer
Comme l'honneur que l'on honore ?
Que m'a seruy vous adorer
Comme les Dieux que l'on adore ?*

*Chacun me monstre avec le doy,
Disant : Voyla le miserable,
Qui deffous l'Amoureuse loy
Fust à luy-mesme dommageable.*

*Faudra-il, chetif, que ie sois
Toufiours avec si foible force,
Et que i'aye planté le bois
Pour ne iouyr que de l'escorce ?*

*Or baste, aimez qui vous voudrez,
Toufiours ie vous seray fidelle,
Mais en fin vous repentirez
De m'auoir esté si cruelle.*

*Compagnon Chappellet, sur tous biens bien heureux,
D'auoir touché les flancs de ma belle Maistresse,
Tu m'es donné afin que ma prompte ieunesse
Supplie au lieu d'Amour le maistre Dieu des dieux.*

*O dessein esgaré ! i'en suis plus Amoureux ;
Car estant à genoux retiré à la Messe,
Soupirant ie te baise & mignotte sans cesse,
Arrosant ton cristal du cristal de mes yeux.*

*Puis regardant le Ciel, baslement ie profere:
Qu'à ma deuotion i'eusse ainsi ma Cithere !
Je l'accolleroy mieux pour n'estre estimé sot.*

*J'en oy qui en passant vont prisant ma bonne ame,
Ce ieune Gentil-homme est (disent-ils) deuot ;
Mais ils ne sçauent pas quel Sainct c'est qui m'enflame.*

*Je plains le bon soldat pour n'estre souldoyé,
Le braue cheualier pour n'auoir recompence,
Je plains l'Eglise aussi allant en decadance,
Et le marchand sur mer du pillart costoyé ;*

*Je plains le paisant destruit & guerroyé,
Le ieune homme accasant sa gaye adolescence ;
Je plains le voyageur qui n'a point de finance,
Et me plains (moy chetif) de l'Amour foudroyé.*

*Mais ie plains les beautez mises aux monastaires,
Qu'on nomme sottement les prisons volontaires ;
Car là le doux plaisir rarement est trouué,*

*Et qui n'en iouïst point c'est comme vn corps sans ame,
Bref ie plains les Nonnains, mesme ma belle Dame,
Et l'alme de Iovy, l'honneur de PELLEVE.*

CHANSON

*O venimeuse enuie
Que ie te doy hair,
Par toy ma belle vie,
Chetive tragedie,
Est contraincte à finir.*

*La guerre est redoutable,
La mer, la pauvreté,
La peste abominable,
La faim plus miserable,
Et le feu agité :*

*Mais non tant que ta rage
Laide enuie à l'œil roux,
Qui vn chacun outrage
De ton vilain langage
Par ton faux cueur ialoux.*

*Vieille hideusement falle,
Tu ris de nostre dueil,
Si la faueur fatale
Nous paroist liberalle,
Lors tu creues d'orgueil.*

*Va, va, que ta nourrice
Puisse sentir vn iour
Le feu de ton supplice,
Vers la douce delice
Du paradis d'Amour.*

SONNET EN VERS LYRIQUES

*La gentille bergerette
Gardant le bellant troupeau,
Piroüettant son fuseau
Dit la gaye Chanfonnette ;*

*Le Pelerin se delecte
Peinant en son veu nouveau,
Le forçaire rid sur l'eau
Attainct de douleur suiecte ;*

*Le Capitaine resouls
S'esfouist souffrant des coups,
Et moy de mesme, le frere*

*Du Cocher ambitieux,
Au comble de ma misere
Ie chante à ceste heure mieux.*

*Avant que l'ennemy triomphe de ma vie,
Ie m'ensanglanteray de l'œuure de ma main ;
Quelqu'un (sans y penser) dira l'acte inhumain,
Ignorant le subiect de si estrange enuie.*

*Au front de mes soldats, plus braue compagnie,
Hardy ie paroistray suyuant mon beau deffain,
Tu en feras de mesme, & d'un courage hautain,
Ie m'asseure sur toy, compagnon LABATYE.*

*Nous courons grand fortune en ceste aspre saison,
L'ennemy nous attend près de ta garnison,
Dans les champs englacez aux plaines de Bayane.*

*Baste, il nous faut passer ou mourir en chemin,
Qui finist combattant meurt d'un trespas diuin;
Je mourray ou seray gouverneur de MARSANE.*

STANCES

*Tu t'enquiers, mon Amour, par la dure absence ores
(Qui longue sembleroit t'avoir faict oublier)
Comment ie suis venu & devenu encores,
Tu le pourras apprendre en lisant ce papier.*

*Auant mon gay Prin-temps j'ay couru la Fortune,
Soldadin tendrelet aux pais estrangers,
Maintenant trauersant le perilleux Neptune,
Et maintenant en France entre mille dangers.*

*En Aupil, en Esté, sans trefue l'ay suyue,
Bref ie luy ay donné le plus cher de mes ans,
Et Mars m'ayant causé la pasle maladie,
Ie me suis retiré au rang des Mal-contents.*

*Luy qui me fut ingrat (non pas luy, ie l'offence),
Car par mon sang versé il m'a faict de l'honneur,
Mais ses fils opulents, pleins de meconnoissance,
Qui soilleillent du fruit de mon digne labeur.*

*A la guerre souuent, voire à la Cour pompeuse
I'ay faict voir ma valeur & mon gentil esprit,
Et pour rendre ma gloire encores plus fameuse,
I'ay seul, sans estudier, aux champs de Mars escrit.*

*I'ay donc seul honoré Amour, science & armes,
Et puis que Dieu m'a faict vn Palladin nouveau,
Combattant, composant au milieu des allarmes,
Je suis sans compaignon dessus le Mont iumeau.*

*On n'en a veu espris de l'ardeur qui m'allume,
Ainsi naïfument sans liure composer;
Nul que moy n'a encor osé tailler sa plume
Entre les bataillons, & là poétiser.*

*Refiouis-toy, Tourene, ô ma chere Nourrice,
Tes champs circonuoisins n'auront du tien vanté,
Si Phœbus les aima tu seras sa delice,
Par moy qui, seul, sans art, en guerre l'exalté.*

*Comme ie suis vnique, ô Dame qui m'esclaus,
D'âge en âge par moy luirez uniquement,
Car onc nulle beauté n'eut seruiteur si braue,
Et pource, comme seul, aimez-moy seulement.*

*Si vous pouuiez, Poulets, voler iusques au Mans,
Je vous priroy, mignons, de porter des nouvelles
A ma Dame, m'Amour, belle sur toutes belles,
A qui vous conteriez mes tristes accidens.*

*Mais quoy? plus que la mort ie crains les mesdisans,
Qui pourroient, vous trouuans, desempenner vos aisles,
Et blasonner l'honneur des plus chastes pucelles,
Qu'enflé de passion ie fers depuis dix ans.*

*Ma verité se void; car craignant vostre perte,
La mienne sans vous seuls ne sera recouuerte,
Sans vous, volans au Pré d'un air librement doux,*

*Vous pourriez assurer ma Dame apprehensible,
Vous l'assereneriez en despit des ialoux,
Dont ie meurs connoissant le voyage impossible.*

POVLETS D'AMOVR

*En forme de Poulet Amour s'est deguisé,
Afin que sans soupçon il peut voir ta belle ame:
Reçois-le doncque bien; car s'il est mesprisé
Tu sentiras l'orgueil de sa bruslante flame.*

*Volez, Enfant Oiseau, dans le sein de m'Amie,
Dites-luy, mon Mignon, qu'elle prenne pitié
De moy son cueur, son tout, son ame, sa moitié,
Qui l'aimeray tousiours d'une ardeur accomplie.*

*Petit babouin d'Archer,
 Tu faincts vne borgne veuë,
 Afin de mieux décocher
 Sur nous ta fleche poinçueë ?
 Mais garde que ton beau fard
 Par ma pitié ne t'abuse :
 Car l'artisan par son art
 Se peut tromper en sa ruse.*

<i>Ioly Poulet</i>	<i>Pour que tu bines</i>
<i>Mignardelet,</i>	<i>Ses sœurs poupines.</i>
<i>Va-t'en, volette</i>	<i>Tu peux du clin</i>
<i>Vers ma nonnette ;</i>	<i>Voir si le moulle,</i>
<i>Dy-luy, selon,</i>	<i>De Lethé roule,</i>
<i>Mon mal selon ;</i>	<i>Ou Riualin ;</i>
<i>Si la bellotte</i>	<i>Puis reuollette</i>
<i>Ne te mignotte,</i>	<i>En ma chambrette,</i>
<i>Sors viftement</i>	<i>Où despité</i>
<i>Subtillement,</i>	<i>Suis escarté.</i>

*Vous, ô vous qui avez le beau commandement
 Sur la sainte beauté, maistresse de mon ame,
 Vous que ie serviray d'une prudente flame,
 Vous qui par vos bontez m'estimez dignement ;*

*Vous, Abbessè admirable, honneur de l'ornement
 Du vœu de saint Benoiſt (que si bon l'on reclame),*

*De grace, ie vous pry, commandez à ma Dame
Qu'elle aye à me traicter vn peu plus doucement.*

*Il n'est pas que le Ciel, dont vostre ame diuine
Prit si subtilement sa parfaicte origine,
N'esmouue vos beautez à la douce pitié.*

*DECHOVRSES, rendez donc ma Dame pitoyable.
Dieu (que vous chantez tant) enioin& l'humble amitié :
Il n'est rien de si sain& que paroistre amiable.*

*Comme l'on voit aux champs vne troupe feruile
Quand l'enseigne guerriere erre de toutes parts,
Alors qu'elle oyt l'Echo de la fureur de Mars
Poureuse habandonner son pauvre domicile,*

*Ces Ruffisques s'en vont deçà, delà en ville
Pensant gagner chetifs pour estre ainsi espars ;
Mais ils sont beaucoup plus ruisnés des souldars
Et voudroyent n'auoir point delaiissé leur famille.*

*Ainsi moy, pauvre serf, quand en ton Pré i'estois,
En entendant le miel de ta diuine voix,
Despit, ialoux des Dieux i'esgaroy l'audience ;*

*Mais or ie cognois bien que i'ay beaucoup perdu
Et que de ne bouger il m'eust bien mieux valu,
Car rien n'est à l'Amour si facheux que l'absence.*

*Si après les esclairs, le brouillart, le tonnerre,
Le foudre, les frimats, les tourbillons, les vens,
L'eau, la glace, la neige, il suruient vn doux temps,
Qui gayement serain nous embellist la terre;*

*Ainsi après l'orgueil de ceste longue guerre,
Après tant de trauaux qui me sont si cuisans,
Mon plus cher DES MOVLINS, ie pourray voir le MANS
Où le vainqueur des dieux cruellement m'enferre.*

*Les armes font la paix, la nuit pousse le iour,
Et puis que tout honneur commande à mon Amour,
Elle en m'estimant plus ne sera si cruelle.*

*Là ie t'honoreray comme Amant plus heureux,
Là i'admireray, là ton SOLEIL AMOVREUX
Et là tu me diras toute vraye nouuelle.*

*THEOPHILE, quelqu'un qu'Amour ne tyrannise,
Dira, si ie vous eusse aimé extremement,
Que i'auroy quitté Mars & son commandement,
Afin d'aller seruir vostre beauté exquise.*

*Il dira que l'Archer toute chose maistrise;
Mais ceste verité s'entend diuerfement,
C'est alors que l'Amour sert mutuellement,
Ou bien gonflé d'espoir, non quand on le mesprise.*

Icy ie comprends bien, et là ie perds mes sens,

*Adorant sans subject voz yeux estincellans,
Voilà les tours d'Amour embrouillant ma ceruelle.*

*J'ayme, ie n'aime pas, ie ne sçay que ie suis.
Si vn autre venoit ie luy fermeroy l'huis;
Mais pour remettre tout, contentez-moy, ma belle.*

*Adieu, adieu, esperance, & fortune!
Adieu mon tout, adieu cheres Amours!
Adieu bel œil, adieu sages discours,
La seule ardeur de ma flame importune!*

*Ma nef ne peut plus combattre Neptune,
C'est faict de moy, ie n'attens plus secours.
Bizarre Ciel, fay au moins que mes iours
Soyent remarquez comme estrange infortune!*

*Qu'après mille ans on entende ces vers;
TOUSIOURS L'ASPHRISE EVST DES MAL-HEURS DIVERS,
MAIS LAS! ESTANT DE LA ROYALE ARMÉE*

*EN GARNISON DANS LA VILLE DV MANS,
MOVRVT AV PRÉ (NON DE MARS NI DES ANS),
AINS DE L'ORGVEIL DE SA DAME ESTIMÉE.*



L'AMOUR PASSIONNÉE

DE NOÉMIE

*Je chante une beauté doucement homicide
Qui du commencement n'avoit le cœur humain,
Mais comme un fier Æole abonnist le temps vain,
Disposant les mortels par son attrait humide :*

*Ainsi me fut l'aigreur de son Amour timide
Avant que m'adjourner l'ardeur d'un feu serain,
Et comme il n'est pas bon au Prince souverain
D'avoir trop de clemence & priuauté fluide ;*

*Ainsi trop de beautés, trop de douces douceurs
M'ont causé mille morts, mille aveugles fureurs,
Cent mille passions bourrelles de ma vie.*

*Je n'accuse m'Amour, ains moy trop Amoureux,
Mais lisant ma delice en mes vers douxereux,
DAMES, sans vous sonder ne blasmez Noémie.*

*La honte à l'œil baissé ne me fera point tair,
Je ne craindray l'orgueil du causeur affecté,
Je ne me cacheray pour n'estre fréquenté,
Laisant la sainte Amour qui ne me veut complaire.*

*Je connoy maintenant mon humeur temeraire,
C'est trop pour vn mortel qu'une Diuinité,
J'aymeray (comme humain) la douce humanité,
Dont l'invincible mort ne me sçauroit distraire.*

*J'ay adoré longtemps, gonflé de belle ardeur,
THEOPHILE aux beaux yeux, Déesse de l'honneur,
Qui a d'un chaste vœu repeu ma triste vie.*

*Adieu donc, feu m'Amour, miracle glorieux;
Je suis trop peu pour vous digne des mesmes Dieux,
Je vay voir les douceurs de l'humble NOEMIE.*

*Je pensois amortir l'Amoureuse poison,
Que ce folastre Enfant me faisoit souuent boire,
Absentant le seiour du beau pays de Loire,
Et comme vn douloureux i'esperoy guerison.*

*O penser eslongné de la douce raison !
Car voyant ton bel œil lumiere de victoire,
Et ton chaste entretien compagnon de la gloire,
Je suis plus que iamais en facheuse prison.*

Ma maistresse, mon cœur, seul honneur que j'honore,

*Prends pitié du tourment qui cruel me deuore,
Et qui nouveau Roland me fait voir en tous lieux.*

*Je ne veux qu'un seul trait de ton œil favorable,
Attendant que le sort me soit plus gracieux :
Toute Dame d'honneur doit estre pitoyable.*

*Je vous ay pris un gan, assurance de foy,
Que ie garde mignon, que ie baise à toute heure ;
Si ie l'auoy en don ma fortune meilleure
Se promettroit icy de viure sans esmoy.*

*Larronnesse d'honneur, vous auez plus à moy,
Tenant mon cœur vainqueur sur qui l'Amour s'asseure.
Le ciel au sein doré veut qu'il face demeure
Dedans vous seulement, sous l'Amoureuse loy.*

*Cherissez-le donc bien qu'Amour ne vous punisse ;
Si vous l'auiez perdu, qui vous feroit seruice ?
Quelque riche vieillard accompagné d'enfans ?*

*O l'aduantage heureux pour la douce pucelle !
Tout petit que ie suis, avecque telles gens
Je paroy comme l'Aigle entre la Colombelle.*

*Vous diés ne sçauoir ce que ie fay icy ;
Ces vers, VILLEPION, l'apprendront sans faintise :*

*Je pourchasse l'honneur d'une braue entreprise,
Ore humble, ore superbe, ore chaud & trancy.*

*Je desieune d'ennuis, ie disne de soucy,
Je gouste de colere, ardeur qui me maistrise,
Je soupe de chagrin, des rigueurs ie deuise,
Et gonflé de brouillars ie dors en l'air aussi.*

*La fortune à ce coup m'est ennemie extreme,
Si bien que ie ne fay aucun cas de moy-mesme,
Me voyant mal-heureux sans espoir de secours.*

*Le plus grand bien que i'ay, hélas! c'est que ie pense,
Que vous, mon cœur vainqueur, plaindrez ma doleance;
Ne mesdisez pourtant de mes belles Amours.*

ELEGIE

*Toufiours en vous voyant ie suis passionné,
Et puis l'on m'aperçoit tristement forcené,
Rien n'aggrée à mes yeux, pour vous trouuer trop belle;
Gardez que ne soyez compagne à Philomelle.
Vn iour, mais las! trop tard, vous vous repentirez,
Puis mon mal-heur estrange aigrement vous plaindrez.
Reconnoissez-vous donc, tandis que la lumiere
Illumine noz cœurs d'une ardeur Printemniere.
Tout le bien, mes Amours, que nous auons des Dieux
C'est afin d'en iouyr doucement en tous lieux.
De quoy vous seruira ceste grace accomplie?
L'on vous dira vrayment de vous-mesme ennemie,*

*Si laissez perdre ainsi l'honneur de vos beaux ans.
Sans cesse nous n'auons les douceurs du Prin-temps ;
Venez donc à ce coup sous l'enseigne Amoureuse,
Enflamez ceste glace, hélas ! trop froidureuse,
En vostre opinion vous n'avez nul plaisir ;
Cessez donc, ie vous pry', cest aueugle desir,
Et me faictes ce bien, qui vous est necessaire,
D'accepter mon seruice agreable à Cythere.*

*O doubles Bourguignons voisins de ma Déesse,
Et vous, bueurs Germains, qui l'estes d'un costé,
Gardez-vous de facher l'agreable beauté
Que les Dieux ont voulu me donner pour Maistresse.*

*Encores qu'elle afflige ardemment ma ieunesse,
Je ne veux que son œil soit par vous irrité ;
N'entreprenez donc point acte d'hostilité,
Et tout ce qui s'estend aux champs de sa Noblesse.*

*Je vous feroiy mourir ! N'ay-ie pas les moyens ?
J'ay l'indontable appuy du plus grand des Chrestiens,
HENRY troiefme Roy de France & de Polongne,*

*Qui vous mettroit en pouldre entrants en son País.
Heureux en mon malheur, puisque les Ennemis
N'oseroyent voir l'amour qui de l'Amour m'elongne.*

ELEGIE

*Cousine, il semble à voir que l'Amour boute-feux
Me vueille maintenant estre plus rigoureux ;
Je voy bien, ie sçay bien que ma perte est prochaine,
Et vous diray pourquoy ie connoy ceste peine.
On ne doit iamais rien celer à ses amis,
Ni declarer aussi à ses siers ennemis.
I'vseray enuers vous comme vn seruant fidelle,
Qui estant oppressé d'une douleur cruelle,
Ne pouuant requerir luy-mesme son Seigneur,
Supplie quelque amy qu'il parle à sa grandeur :
De mesme, connoissant mon mal ineuitable,
Cousine, ie vous pri' de m'estre fauorable,
Et de parler pour moy tristement affligé,
A vostre humble parente, où mon cueur estrangé,
Humble à tous, fors à moy qui trespasse pour elle.
Maintenant (ô bons Dieux) qu'un depart me bourrelle,
Qu'a faict ce traistre Amour pour me perdre estonné ?
Comme Diable cruel il a tost suborné
Vn grand de mes Amis, en luy donnant entendre
Que ie perdoy la fleur de ma ieunesse tendre,
Que ie n'apprenoy rien en ce triste seiour,
Et qu'il me vaudroit mieux que i'allasse à la Cour.
Le traistre n'a failly à sa caulte entreprise,
I'en ay reçu la lettre, ô maudite faintise !
Hé! quoy ? ne sçait-on pas que ie suis à mon dam
Depuis dix mois en ça deuenu Courtisan ?
Vois-je pas tous les iours le Roy qui me commande ?
Ie le sers humblement, ie supply, ie demande,
I'aimeroy mieux mourir qu'outrepasser sa loy.
Ie me suis obligé de luy garder la foy*

*(Ceste obligation est toute volontaire),
Car de mon beau labour ie ne reçois salaire ;
Mais ce travail m'est doux, & me plaît beaucoup mieux
Que l'air Parisien sur tous délicieux.
Je suis comme vn forçat estant sur les gallées,
Qui ne veut point bouger des campagnes salées,
C'est abus de crier la douce liberté ;
On ne sçauroit muer son vouloir arresté :
Mais comme vn clair Soleil enuironné de nués
Rompt les empeschemens de ces ombres cornués,
Ainsi, certes, ainsi malgré l'aveugle Enfant
(Qui de mon beau travail va tousiours triomphant),
Voire en despit encor de la ialouse enuie,
Et d'un tas de Medors qui redoutent ma vie,
Je seray plus constant. Ainsi que le Soleil
Je veux estre nommé L'AMOVREUX NOMPAREIL.
Que ta Cousine soit comme vn Tygre inhumaine,
Que d'une fiere ardeur elle soit tousiours plaine,
Qu'elle ait ioye en mes maux, riant de mon soucy,
Que son cœur soit de roc durement endurcy,
Qu'elle parle à cheual, outrément arrogante,
Baste pour tout cela, j'auray l'ame constante,
Sa rigueur me fera mesme glorifier ;
Car comme les Oignons qui sont près du Rosier
Causent que la senteur de la Rose est meilleure,
Tout ainsi la vertu, où mon espoir s'asseure,
Plus elle a de travaux, plus elle a de douleur,
Et plus tant plus on void sa gentille valeur.
Ainsi donc plus j'auray de rigoureuse atteinte,
Et plus on connoistra mon amitié non fainte.
De quel œil la verray-ie ? ô miserable alors !
Mais ie le suis desia ; ja, ja mon triste corps*

*Est mornement trancy, & ja mon œil despire
 Vn larmoyant Cristal voyant s'approcher ore
 Le funeste despart qu'on ne peut retarder.
 En cest eslongnement ie vous pry' me garder
 La pure affection que vous m'avez iurée,
 Et estre de la mienne ardamment asseurée.
 La femme vers la femme en vn mot fera plus
 Que cent mille discours des Amants resolus,
 C'est vn rocher certain que sa seule parole,
 L'autre (fust-elle sainte) est comme vne friuolle.
 Incitez donc (ma Dame) en m'obligeant à vous
 D'accepter mon service Amoureusement doux,
 Et vous iure ses yeux, comme chose plus belle,
 De l'adorer tousiours, bien qu'elle fust cruelle :
 Car comme l'Oliuier, qui ne vient aisément,
 Et qui ne finist pas aussi facilement,
 Cest Amour, mon Amour, de long temps enflammée
 Ne pourra s'encendrer ni aller en fumée.*

*Courage, le desastre est aucunesfois bon,
 Vn mal auant-court l'autre, vn flux esteint l'audace
 D'une fiebure prochaine où la mort nous menace ;
 La blesseure enrichist le guerrier de renom.*

*Ie ne suis donc marry de ma presumption,
 Offençant tes beautez que loyal ie pourchasse,
 Pour que ie puisse auoir la mercy de ta grace,
 Couppant chemin aux coups de ta punition.*

Pardonne donc, Maistresse en beauté souveraine :

*Le propre à la grandeur c'est de paroître humaine ;
Dont ie pense defia estre libre & absous.*

*Esperant d'appaiser mes passions cruelles,
Ie ne demande point de voz richesses belles,
Ie ne veux qu'un baiser Amoureusement doux.*

*Le languissant malade aspire la santé,
Le pauvre souffreteux l'aggreable richesse,
L'ambitieux guerrier les allarmes sans cesse,
Le triste prisonnier la douce liberté ;*

*De mesme l'Amoureux de flames agité
Desire incessamment iouyr de sa Maistresse ;
Quand auray-ie la mienne, où tout honneur s'adresse,
Qui vergongne Cyprine en plaisante beauté ?*

*Son esprit est parfait, ses graces sont parfaites,
Le Soleil de ses yeux, mes fatales Cometes,
Font reluire un clair iour dedans l'obscur nuit.*

*En sa bouche tousiours l'eloquence s'expose,
Son teint est sursemé d'œillet, de lis, de rose,
Quoy, de ces belles fleurs n'aura-elle aucun fruit ?*

*C'est grand cas que le sort plus souuent fauorise
Un rustre mal-habile, un muguet, un jasad,*

*Quelque gallant musqué, compagnon du Renard,
Qu'une ame valeureuse entierement exquise.*

*Non, ce n'est point le sort, mais c'est nostre sottise,
Nous laissons decevoir la raison à vn fard,
Aueuglans nostre esprit par vn espoir bastard :
Car qui se rend esclave à peine est en franchise.*

*(RAMEFORT) ie le sçay, i'ay tenté les hazars,
L'usage & le sçauoir font les maistres des arts,
Dont sage deormais ie feray comme en guerre,*

*Où deuant qu'affaillir on va tousiours somner.
Ainsi, plustost qu'entrer en l'Amoureuse terre,
Les Dames me priront tres-humblement d'aimer.*

*Gentille fleur, courriere du Prin-temps,
Dont le beau nom est duisable à m'Amie,
Quand ie te voy sur toute autre iollie,
Ie te baisotte en l'honneur des Amans.*

*Ie suis si aise alors que ie te sens
Que ie beny ma douloureuse vie,
Par toy, Mignonne, est mon ame rauie
Songeant à l'œil qui or' te void aux champs.*

*Sur toutes fleurs tu parois la premiere,
Quelle Cyprine esgale ma meurtriere ?
S'on ne te cueille, on te void tost flestrir.*

*Si sa beauté de mesme n'est cueillie,
En peu de temps elle sera fanie.
Donc par Amour ie la veux secourir.*

*Ie l'œilladoy my-nue, escheuelée,
Par vn pertuis defrobé finement,
Mon cœur battoit d'un tel debattement,
Qu'on m'eust iugé comme en peur desfreiglée.*

*Or i'estoy plein d'une ardeur enflammée,
Ore de glace en ce frissonnement,
Ie fus rauy d'un doux contentement,
Tant que ma vie en fust toute pasmée.*

*Là follaistroit le beau Soleil ioyeux,
Avec vn vent (Zephyre gracieux)
Parmy l'or blond de sa tresse ondoyante,*

*Qui haut volante ombrageoit ses genoux.
Que de beautez ! mais le destin ialoux
Ne me permist de voir ma chere attente.*

*Voyant que ma douleur estoit continuelle,
Que ie dependoy tout paroissant mal-heureux,
Que preferiez la crainte au deuoir Amoureux,
(Chose indigne d'Amant si braue & si fidelle)*

*J'ay iuré de quitter ceste amitié mortelle,
Je pars vifte, en colere, indigné, furieux,
Je fus cinq ou six mois absent de vos beaux yeux
Sans dire mes tourmens brouillans en ma ceruelle.*

*Mes amis, s'en doutans, pour me donner secours,
Connoissant bien qu'un clou chasse l'autre toujours,
Me firent caresser une Déesse grande.*

*J'auoy le vent en poupe assuré d'un beau port,
Mais en despit d'Æole un invincible fort
Me fist r'ancrer au haure où ta beauté commande.*

*Comme un corps féminin que la mere Nature
N'a point fauorisé de presens gracieux,
S'efforce vainement d'un art industrieux
A vouloir déguiser sa premiere figure :*

*Ainsi l'illustre honneur, par qui ma vie endure,
Sans estre atteint du dard du premier né des Dieux,
S'ombre inutilement pour complaire à mes yeux ;
Car la bonne amitié n'a point de couverture.*

*Je sçay bien davantage ; hà ! taisez-vous, mes vers,
Ne decouvrez l'ardeur qui vous rend si diuers ;
Si, faites, poursuivez, n'ayez aucune doute.*

*Il est permis de plaindre aux pauvres affligez,
De mesme aux Amoureux traistement licencez.....
Mais non, ne diés rien, ma Dame nous escoute !*

LETTRE A NOEMIE

*Pourquoy n'excusez-vous vn Amant miserable,
Retiré loing d'Amour à la guerre effroyable,
S'il se plaint de se voir cruellement traité ?
N'a-il pas grand subiect de paroistre irrité ?
Et si croit que, si Dieu son dessein veut permettre,
Il sera là plustost que ceste triste lettre ;
Quand il deuroit courir mille impiteux hazards.
Puis, après t'auoir veuë, il reuerra son Mars.
Est-ce faillir cela ? S'il y a de l'offence,
Il s'en faut prendre à vous, non à mon innocence !
Puis ie ne pense errer disant ma passion,
Aussi que j'ignoroy de vostre intention,
Que sage j'apprendray d'humeur plus continuë :
Car, t'escriuant icy, nouuelle m'est venuë
Que mon Prince est mandé pour aller à la Cour,
Et moy par consequent pour te faire l'Amour.
En attendant cest heur, ô doux feu de ma flame,
Le cristal de mes yeux, le soupir de mon ame,
Esprit de ma raison, plaisir de mes plaisirs,
Penfer de mes penfers, souhait de mes desirs,
Je vous prie & reprie, & par vous vous coniure
D'aimer Lasphrise ainsi que vostre creature !
Je prie encor le Ciel, brillant d'almes clartez,
Qu'il vous vueille enuoyer toutes vos volontez ;
Et vous baise cent fois, en humble obeyssance,
La bouche, l'œil, la main, vous donnant assurance
Que ie fus, que ie suis & seray de bon cœur
Vostre à iamais, tout vostre, intime seruiteur.*

ELEGIE

*Je me deliberoy de courre la fortune,
Non point sous l'estendart de Venus importune ;
Mais comme auparavant au milieu des hazards,
Suyure le Dieu guerrier, le pere des soldards.
Qui l'honneur immortel veut brauement acquerre,
Il se doit hazarder au foudre de la guerre.
L'accomply mon vouloir, on le sçait, Dieu mercy !
On m'a veu obeyr & commander aussi ;
Mais Mars ayant passé sa colere sanglante,
Ainsi qu'un bon Pilote atteint de la tourmente
Craint d'approcher la terre, ainsi ie redoutois
L'air doux Parisien, frequent seiour des Roys.
Rien ne sert quelquefois de caler toutes voiles,
D'estudier le Soleil, d'espier les estoilles,
D'ancrer hastiuement ou s'eslongner d'un port,
Nous ne pouuons fuyr nostre incertaine mort :
Ainsi pour destourner mon humeur Cyprienne,
Craignant de retomber en l'ardeur primerene,
Je prié quelque Amy de m'apprendre un seiour
Desert, voire ennuyeux, separé de la Cour.
Car ie sçay vrayement que nostre nourriture
Surmonte le desir de la mere Nature.
Je fus lors conseillé, pour vomir ma poison,
D'aller couler le temps en vne garnison ;
Que l'on ne verroit là que corcelets, que picques,
Et que là n'estoyent point de beautez magnifiques.
Pauvre mal-aduisé ! ie me confesse lour,
Je m'enquis de la ville, & non pas d'alentour !
Deuoy-ie pas songer qu'au plus près des espines
Naissent les belles fleurs & les roses pourprines ?*

*Aussi, près ceste place agreable vrayment,
On void plusieurs beautez, belles parfaictement,
Dont le lustre m'a mis sous l'Amoureux seruage,
Tefmoins ces dignes vers courriers de mon dommage.
Si ie n'eusse dormy d'un fort somme mal-sain,
J'eusse aisément connu mon desastre prochain.
N'auoy-ie pas presage, avant coureur fidelle,
Du mal-heureux mal-heur qui tousiours me bourrelle?
Le matin que j'entré aux flames de ses fers,
Un de mes gens me mist ma chemise à l'enuers.
Ce que ie vy premier, ceste ombreuse iournée,
Ce fust vne Chouette (ô veue infortunée !)
Puis, la nuit, me sembla que j'estoy eschangé
En petit ver à soye en mon ploton rengé.
Qui pourroit trouuer plus d'apparence certaine
D'une douleur future ardemment inhumaine?
Je raconté mon songe à mes plus familiers,
Qui ingerent mes maux prochainement meurtriers,
Me prians pour le moins de changer de patrie.
Mais quoy ! la verité est tousiours ennemie.
Pauvre, qui ne sçait pas que l'on void de tout temps
Plusieurs signes certains, courriers des accidens!
Rien ne nous vient des cieux qui parroisse inutile;
Mais las ! ie me declare homme fort mal-habile,
Ma chemise à l'enuers estoit signe euident
Que cest Amour sera comme le precedent :
La sinistre Chouette estoit-ce pas encore
Un messager certain d'un mal-heur qu'on deplore ?
Mon songe Aurorien, qui m'eschangeoit en ver,
Enseigne ma prison du tout à descouuert.
Car ainsi que le ver soy-mesme s'emprisonne,
Ainsi (ô mal-heureux !) j'enferme ma personne.*

*Ce lieu n'est enfermé comme le Pré Manceau
(Où est le saint Amour honorablement beau),
Mais il ne laisse pas de resclauer ma vie ;
THEOPHILE estoit là, icy est NOEMIE,
Qui ne m'est pas plus douce, encores que le sort
Ne l'aye captivée en si cruel effort.
S'elle est aussi retive en l'Amoureux office,
D'un Adieu reuerend ie luy feray service ;
Je ne veux pour neant me reuoir enflamé.
C'est le propre d'un sot d'aimer sans estre aimé !*

*Je donne à ma Déesse, ouurage de Pandore,
Mon esprit que l'honneur daigne bien honorer.
La liberale aussi, pour me remunerer,
M'offre sa grand beauté qu'uniquement i'adore.*

*Fauorable destin ! ce present me decore,
Me faisant comme Amour clairement desirer.
Le mien plus haut-volant la fait tant admirer,
Que comme un fier jaloux Apollon m'enuie ore.*

*Benist soit doncques l'an, le mois, l'heure, le iour
Que ie vy les douceurs du fauorable Amour !
Benist soit le pays de sa belle naissance,*

*Et tout ce qui agrée à l'astre de ses yeux,
Voire ce beau vallon, séjour délicieux,
Où elle me promist la douce iouissance.*

*Ha! mon TOVT, ha! ie meurs! pour Dieu, secourez-moy,
Si ce n'est l'amitié, la pitié vous conuie;
O l'ame de mon ame, hé! n'as-tu point d'enuie
De secourir celui qui trespasse pour toy?*

*Pourquoy m'es-tu cruelle? Hé! ie ne sçay pourquoy,
Si j'ay failly en rien, dy-le, ie te supplie!
Mais haste-toy, m'Amour, mais haste-toy, m'Amie;
Car ja defia la mort me talonne chez soy.*

*Vrayment ce te fera vne pauvre victoire
D'esteindre le flambeau qui fait luyre ta gloire;
Tu perdrais ton honneur, approche donc, mon TOVT,*

*Et me baisotte vn peu de ta bouche mignonne,
Frayant mignardement, langues bout contre bout,
Vien, l'Amour en bon lieu ne redoute personne.*

*Iamais ne me veray-ie, après tant de regrets,
Nager à mon plaisir dedans l'Amoureuse onde,
Pignotant, frisottant ta chevelure blonde,
Pressottant, succottant ta bouchette d'œillets!*

*Mignottant, langottant, ammorcillant l'accès;
Mordillant ce teton (petite pomme ronde),
Baisottant ce bel œil (digne Soleil du monde),
Follastrant dans ces draps delicatement nets?*

Ne sentiray-ie point, avec mille caresses,

*Le doux chatouillement des plus douces lieffes ?
Ne feray-ie Amoureux mignonement aimé,*

*Receuant le guerdon de mes loyaux seruices,
Remuant, estreignant, mignardant les delices,
Haletant d'aise, espris, vaincu, perdu, pasmé ?*

CHANSON

*Sus, baisottez-moy, m'Amie,
Approchez-vous, ma douceur,
Ce gay Printemps nous conuie.
Embrassez-moy donc, mon cœur.*

*Frayez la langue en ma bouche,
Succottez-moy, serrez-moy,
Et d'une belle escarmouche
Donnons congé à l'esmoy.*

*Voyez la gaye Arondelle,
Voyez l'ardent Passereau,
Voy la chaste Tourterelle,
Voy le simple Colombeau,*

*Voyez toutes choses en somme
Iouyssent du doux plaisir,
Fors que moy miserable homme,
Et vous sans aucun desir.*

Allons nous seoir à l'ombrage

*Près des gazouillans ruisseaux;
Venus aime le riuage,
Car elle nasquist des eaux.*

*Non, ne bougez d'où vous estes,
Les Abeilles vont aux fleurs,
De mesme mes Amourettes
Se desirent aux verdeurs.*

*Quoy ? tu ne fais point responce,
Ton cœur n'est donc resiouy ?
Mais la femme ne prononce
Au premier baiser, ouy.*

DIALOGUE AVEC ECHO

*Echo la desolée, escoute ma parolle,
Et respons sans faintise à l'ardeur qui m'affolle,
Toy qui vois & entens les ruisseaux de mes pleurs,
Et l'eclat de pitié que poussent mes douleurs;
S'il te plaist d'éclaircir ma douteuse lumiere,
Reconnoissant ce bien ie te maintiendray chere.
Dy-moy, suiuray-ie encor l'Amour que ie poursuy ?*

ECHO. *Suy.*

Mon cœur en fera-il quelquefois resiouy ?

ECHO. *Ouy.*

Qui recompensera mon seruice fidelle ?

ECHO. *Elle.*

Et que deuiendra donc sa cruauté rebelle ?

ECHO. *Belle.*

Qu'auray-ie incessamment du seigneur Cupidon ?

ECHO. *Don.*

Je ne laisseray donc l'honneur de son renom ?

ECHO. *Non.*

*Ayde-moy donc, Phœbus, à fin que ma Maistresse,
Qui change sa rigueur en plaisante allegresse,
Viue eternellement ; car l'Amoureux obiect
(Trop fertile argument, & trop fecond subiect)
M'a faict mettre long temps sous ton obeyssance,
Et tousiours vn bienfaict merite recompense.*

CHANSON

*Ma maistresse, mon soucy
Ayant son air addoucy,
M'appelloit vn iour son ame,
Son cueur, son tout & sa flame.*

*Je luy dis soudain alors,
Approchant de son beau corps,
Embrasse-moi, ma chere ame,
Mon cueur, mon tout & ma flame ;*

*Puis, d'un doux commencement,
Et plus doux acheuement,
Je perdis adonc mon ame,
Mon cueur, mon tout & ma flame.*

*M'Amour, tu as trahy ma ieunesse peu caute ;
Je brusle t'œilladant, certes ie n'en puis plus,
Voy ma couleur changeante & voy mes sens esmeus,
Je suis près du peril de l'aggreable faute.*

*Je ne quiers si tu es Papiste ou Huguenotte,
Amour n'a point de loy. Mal-heureux sont tenus
Ceux qui ne sont subiects de la belle Venus,
Qui fuit l'ombre d'honneur comme vne chose sotte !*

*Quel bon-heur, quelle ioye est-ce qu'on en reçoit ?
C'est vn abus commun qui les femmes deçoit,
Où l'Amour est vn bien qui resiouist nostre ame.*

*C'est trop dict, ie me perds, ha mon Dieu ! ie me meurs,
Je sens vne liqueur qui doucement me pisme :
Bien heureux qui finist entre tant de faueurs !*

*Quoy ? qu'est-ce que cecy, ma Mignonne, es-tu folle ?
Ne te mocques-tu point ? penses-tu appaiser
L'audace de mon feu par vn simple baiser,
D'vn gracieux regard, d'vne douce parole ?*

*Ni pour la compagnie ! il faut que ie t'accolle.
Ne crains qu'on le descouure ; on ne peut l'aduiser,
Selon qu'il me plaist ore avec toy deuifer
Assis sur ceste chaire aggreablement molle.*

*Puis chacun parle à part, s'entretenant tout bas ;
Faisons ainsi afin qu'on ne s'en doute pas,*

Prenons l'occasion qui douce nous saluë.

*Là, feignant d'admirer ton bel entendement,
Te serrant près de moy, i'haufferay viftement
Ton linge delié par ta iuppe fenduë.*

*Je me sens bien-heureux en mon triste mal-heur,
Quand ie voy ton seiour & lors que i'y arriue,
Si ie prens vn baïser de ta beauté naïfue,
Vn baïser desfrobé qui est beaucoup meilleur,*

*Vne espingle me semble vne grande faueur,
Ayant tout à l'entour de ta douce salieue,
Que ie mords, que ie succe, espris d'une Amour viue,
Que i'attache sur moy au plus près de mon cœur.*

*Non point pour me seruir d'un souuenir notoire,
(Les Dieux en soyent louëz) i'ay l'heureuse memoire,
Et certes ie ne suis que trop ingenieux !*

*Je voudroy bien souuent n'auoir tant de ceruelle,
Je ne comprendroy point ma fortune cruelle,
Ni l'estat desreglé du regne vicieux.*

*Qu'en dites-vous, mon Cœur ? Je vous pry' de le dire.
Quoy ? vous refuez, ce semble ? O quelle estrange humeur !
Mais ce beau teinç changeant m'auant-court vn bon-heur,
Et ce vent tremblotant qui doucement souspire.*

*Las ! ce bel œil baissé, dont le iour se retire,
Pourroit bien messenger quelque estrange douleur !
Non, ce souffris benin presage vne douceur,
Pour donner à ce coup trefue entre mon martire.*

*Parlez donc, mon foucy. Quoy ? vous ne diâtes rien ?
Qui se taist il consent ; vous le voulez donc bien.
Approche-toy, m'Amour, baise-moy, ma chere ame !*

*Je me veux enyurer de la douce poison,
Qui tant & tant de fois suborna ma raison....
Seigneur Dieu, ie me meurs, ie me perds, ie me pafme !*

*Je puis, ie ne veux plus aucunement mesdire
De la Déesse, mere au follaistre Garçon.
Je baise maintenant vn yuoire beffon,
Vne bouche poupine où l'humble Amour souspire.*

*Tantost ie meurs rauy quand la Belle m'admire ;
Tantost nous discourons d'une braue façon,
Et tantost nous parlons en langage enfançon,
Qui sert d'un doux appas en Amour qu'on desire.*

*Tantost, en folliant, (DASSEZ) nous nous baillons
Mille beaux petits traicés, mille gestes mignons,
Mille ioyeux brocards, mille œillades exquises.*

*Tantost nous disons haut des propos inconnus,
Si ce n'est à nous deux chers enfans de Venus ;
Puis tantost nous venons ioyeusement aux prises.*

*He ! mé, mé, bine-moy ; bine-moy, ma pouponne,
Cependant que Papa s'en est allé aux champs ;
Il ne le foça pas, il a mené ses gens,
Bine-mé donc, Maman, puisqu'il n'y a passionne.*

*Ayant frayé l'œillet de ta leue beffonne,
Je me veux regadé en tes beaux yeux luyfans ;
Car ce sont les misoires des Amoufoux enfans,
Après ie modesay ta goge, ma menonne.*

*Soudain ie laichesay ton ioliet tetin,
Puis ie chatouillesay ton beau petit tounin,
Maintenant de ma pine, ores de ma menotte.*

*Si tu n'accode à moy, le folâte Gaçon,
Guesiffant mon bobo, agadé tu es sotte ;
Car l'Amour se fait mieux en langage enfançon.*

*Au Ciel de voz beautez l'Amour me deifie !
Presse-moy, serre-moy, tiens-moy, ioins-moy, mon cœur
Car ja desia ie sens vne douce liqueur,
Qui donne ensemblement & la mort & la vie.*

*Sois plus prompte au combat ; ie trespasse d'enuie,
Je ne veux amortir ta prochaine chaleur ;
Là donc, d'un bond mignon incite ton ardeur,
Et d'un bransle poupin plein de douce furie.*

Toufours ie temporise en un si beau desir,

*Pour rendre plus parfait vn si plaisant plaisir,
Et pour le faire aussi de plus longue durée.*

*Mais l'aïse toutesfois me transporte beaucoup,
Je n'en puis plus, follaïstre, hò...! ie meurs à ce coup...!
Vous l'auéz trouué bon, ma petite sucrée?*

*Ma follaïstre, vne nuict, auoit si grande enuie
D'eschapper les fureurs de ce mauuais Garçon,
Qu'elle le vint trouuer pour payer sa rançon,
Hazardant son renom que l'honneur glorifie.*

*Hà mes yeux! hà mon cœur! hà mon Tout! hà ma vie!
Hé mon bien! hé mon fils! hé m'Amour, mon mignon!
Las, mon Tout! las, moy-mesme, hélas, cher compagnon!
Faisons à corps perdu l'aggreable follie.*

*Ce disant le baïsa, & puis mena tout doux
Le petit capitaine au ioly rendez-vous,
Qui, fier d'vn triple coup, fist vn nouveau deluge.*

*Quel heureux paradis, d'allegresse luisant !
Puissé-ie donc tousiours en vn si beau refuge
Trespasser au trauail d'vn plaisir si plaisant !*

*C'est beaucoup vers les Dieux de douceur fauorable
D'estre belle, opulente & gaye honnestement,
Gracieusement graue, affable priuément,*

De sortir d'un beau sang noblement honorable.

*C'est beaucoup vers les Dieux de paroître agreable,
Dire bien à propos, d'escrire sçauamment,
Luire en discretion d'un braue entendement,
Et mignonne & mignarde estre toute amiable.*

*C'est beaucoup, mais c'est plus à la Dame d'honneur,
D'auoir un Paladin, fidele seruiteur,
Qui donne abondamment les delices friandes.*

*Douce vertu qui rend les plus parfaits ialoux,
Mesme les Deitez; donc en vous vantez-vous
Que vous auez un bien enuié des plus grandes.*

*Hà Dieu! que j'ay de bien alors que ie baisotte
Ma ieune folion dedans un riche liât.
Hà Dieu! que j'ay de bien en ce plaisant conflât,
Perdant mon plus beau sang par une douce flotte.*

*Hà Dieu! que j'ay de bien lorsque ie la mignotte,
Lorsque ie la chatouille & lorsqu'elle me rid.
Hà Dieu! que j'ay de bien, quand j'entends qu'elle diât
D'une soufflante voix : Mon Mignon, ie suis morte!*

*Et quand ie n'en puis plus, hà Dieu! que j'ay de bien
De faire la mocquette en m'esbattant pour rien.
Hà Dieu! que j'ay de bien de pinçotter sa cuisse,*

De lecher son beau sein, de mordre son Tetault.

*Hà Dieu! que i'ay de bien en ce doux exercice,
Maniant l'honneur blond de son petit Tonnault!*

*J'ay mille & mille fois baisé & rebaisé
Le beau petit connin de ma gente Maistresse.
Je l'ay tant caressé de si douce caresse,
Que mon feu violent s'est vn peu appaisé.*

*Mais si ie suis vn iour de son iour deuisé,
Je brusle à petit feu ayant triste liesse;
Car ie pers maugré moy la seconde richesse,
Ce doux flux qui d'Amour a son nom déguisé.*

*Je ne fay, ie ne dy, ie ne pense & ne songe
Qu'en elle tout en moy, qui toute en moy se plonge.
Sans elle les plaisirs desplaisent à mes yeux.*

*Sans elle ie ne suis, ie ne suis point sans elle;
Je suis comme en extase en vn goulfre orgueilleux;
Il me faut donc, pour estre, accompagner ma Belle.*

*Faiâtes-moy cheualier, accolez-moy, ma Belle,
Je l'ay bien merité en ce combat dernier,
Qui s'est esprouué braue en duel singulier,
Est digne de damer la simple damoiselle;*

*Mon sçauoir naturel, mon amour naturelle,
Ma gentille valeur, redoutable au guerrier,*

*Demande l'accolade & le noble collier,
Non d'un Roy, mais d'Amour qui tous les Roys excelle.*

*Aussi en ce bon-heur est fondé mon souhait.
Quelque affamé d'honneur, qui n'a jamais rien fait,
Riche pourra l'avoir par faueur éblouye.*

*Je veux seul ce beau grade, honorable tousiours,
Sus, accolez-moy donc, afin que ie me die
L'unique chevalier de la Royne d'Amours.*

*Hé! que n'estoy-ie aveugle & plein de surdité,
Quand ie vois ces beaux yeux, estincellans d'enuie
De iouyr des douceurs lumiere de la vie,
Et quand i'ouy ce mot que i'ay tant souhaité!*

*En peu de temps i'eusse eu l'aggreable santé;
Je ne serois épris d'ardente ialousie,
Qui me fait (BELLEVILLE) entrer en frenaisie,
Mesmes estant au liét sanglanment arresté.*

*Voulant me contenter elle attriple mes peines:
Car mon esprit est gros de fureurs inhumaines.
Quel extrefme tourment est comparable au mien?*

*Je pense, au moindre bruit, que l'on baise ma Dame.
Viue le desespoir! quand ie n'esperoy rien,
Je n'auoy tant de mal, ni au corps ni à l'ame.*

*A tout moment j'auois toute nouuelle,
De la beauté qui embellist le iour,
Et qui alors demouroit à la Cour,
Dont en mon mal j'eus faueur immortelle.*

*Je m'estonnois d'une visite telle,
(Estant sain presque, & près de son séjour)
Lors que Suzon, messagere d'Amour,
Arriua seule encore de par elle ;*

*Qui, comme ayant la Clef de son humeur,
Me l'a dit estre en soupçon de son cœur,
De moy logé chés une belle hôteffe.*

*Quoy ? le Soleil doit-il estre jaloux
D'une Estincelle ? Or, dolent de ses coups,
Je m'en allay où voulut son Altesse.*

*Quand le iour est leué ie desire la nuit,
Pour ne voir point l'orgueil d'une troupe importune,
Et, quand il est couché, l'argent vif de la Lune,
(Chandelle aux espions) trop clerement reluit :*

*Ainsi, VILLEGOMBLAIN, toute chose me nuit,
Si bien que le bon-heur me semble une infortune,
Ne pouuant pas, suyvy de l'ardente rancune,
Iouyr des biens qu'Amour m'a doucement produict.*

Que maudite soit donc ceste race jalouse !

*Que la peste, la rage & la lepre l'espouse !
L'amoruide, le tac, la laide pauvreté !*

*Que l'espoir, que la peur, l'avarice, l'enuie,
La tenaille tousiours d'une immortelle vie,
Sans qu'elle puisse auoir vn moment de santé !*

*Je veux pour ne voir point ce troupeau charitable
(Mais plustost enuieux de mon desir gaillard),
Loger loing de la cour, en vn bois à l'escard,
Ou feindre estre guery de mon mal honorable.*

*Là ma douleur sera beaucoup plus supportable,
Bien que ie n'entreuoye Amour m'aimant sans fard.
Peinds-moy donc (DV MOVTIER) tout ioyeux & songeard,
Tenant vne grenade estant en champ de sable.*

*Puis, pour représenter mes estranges destins,
Peinds le chef de Gorgonne avecque deux Daulphins,
Qui seront près de moy, sans mes libertez franches,*

*Endurant accablé tant de bisares coups,
Et tout le monde encor est de mon bien ialoux ;
Car quand l'arbre est à bas vn chacun court aux branches.*

*Grand Dieu viuifiant, Seigneur, ie te saluë,
Je rends graces (deuot) à ta sainte bonté,
Qui m'a leué du lië où i'esloy arresté,*

Sans penser recouurer ma santé disparuë.

*Je sembloÿ à celuy que la marine esmeuë
Outrage incessamment, deçà, delà porté,
Qui plus vogue plus est des ondes agité,
Sans espoir d'aborder à la rade connuë.*

*Et en vn tourne-main il void calmer les flots :
Ainsi tu m'as donné l'aggreable repos
Avec la guerison de la mortelle playe,*

*Quand i'esperoy le moins le doux soulagement.
Ne faut donc perdre cœur au comble du tourment ;
Nature par miracle à l'heure nous égaye.*

*Ça, ie veux fourmiller en ton ioly fourneau ;
Car i'ay de quoy esteindre & allumer la flame.
Ie vous veux chatouiller iusqu'au profond de l'ame
Et vous faire mourir avec vn bon morceau.*

*Ma petonne, inuentons vn passe-temps nouveau.
Le chancre ne vaut rien qui ne dit qu'une game ;
Faiçtes donc le seigneur, & ie feray la dame,
Serrez, poussez, entrez & retirez tout beau.*

*Ie remu'ray à bons d'une viftesse ardente,
Nos pieds entrelacez, nostre bouche baisante,
La langue fretillarde ira s'entremouillant,*

Iouons assis, debout, à costé, par derriere,

*(Non à l'italienne) & toujours babillant.
Ceste diuersité est plaisante à Cythere.*

*O qu'il est doux le plaisant ieu d'aimer !
Qui eust pensé vne telle delice ?
Si c'est cela que l'on appelle vice,
Le vice ainsi ioye se peut nommer.*

*Il falloit donc le faire plus amer,
Chagrin, pleurant, mauvais, plein d'artifice,
Non gay, riant, naturel, sans malice,
Comme est l'Amour qui me fait enflamer.*

*Si le vice est d'auoir douce allegresse,
La Vertu donc est pleine de tristesse ;
Chaque chose a sa contrariété.*

*Si Vertu pleure & que le vice rie,
Le Philosophe est gonflé de folie ;
Car rire duist à nostre humanité.*

CHANSON

*O que c'est chose belle
D'estre bien Amoureux,
En iouyssant de celle
Dont on est desireux ;*

*C'est la douceur naïfue
Et la superlatiue.*

*Mais las ! quel plaisir est-ce
D'approcher au matin
Sa gentille Maistresse,
Mordillant son tetin,
Puis donner sur la couche,
La iolie esçarmouche ?*

*Et sur l'après-dinée
La mener dans le bois,
Puis l'ayant proumenée
L'embrasser quelquefois ;
Quand la Dame est vestue,
L'Amour s'en éuertue.*

*Lors que l'on la defrobe
Vestue richement,
Le fricfric de sa robe
Eguillonne l'Amant,
Entendant les ramages
De mille oyseaux sauvages.*

*Là, là l'on se baisotte
Bien mieux que sus vn liêt ;
On void l'Amour qui flotte,
L'on babille, l'on rid,
On se mire en la veuë,
Donnant à l'impourueë.*

*Parcequ'Amour a des ailles,
 Et qu'en Cour ne faut voler,
 (Cela s'entend deceler
 Ses douces fureurs iumelles),
 Il nomme vn POVLET tousiours
 Sa brefue lettre ajournante:
 Car il ne vole & ne chante
 Et se mussé aux fins detours:
 Aussi que pour peu de chose
 L'Amour se metamorphose.*

POVLETS COURRIERS D'AMOUR

*De prolonger tu t'abuse,
 Le plusloft est le meilleur,
 Le temps s'en va qui tout vse,
 Et si faict changer d'humeur.*

*Vole, mon mignard, pour payer
 Tant & tant d'Amoureuses debtes,
 Ou bien me fay viste enuoyer
 De bons respondans d'Amourettes.
 Ce sont Poulets tels que vous estes,
 Empennéz des plumes d'Amour,
 Chantans en de riches tablettes,
 Ou papier doré tout autour.*

*Alors que viendrez l'approcher,
Sufon, gardez bien qu'il ne crie ;
Feignez de vouloir attacher
La manche richement garnie,
Puis fourrez le poulet soudain,
Estreignant le lis de sa main.*

*Je croy qu'on a coupé l'aille
Au courrier de mon desir,
Puis que ie n'ay pas nouvelle
De mon aimable plaisir ;
Mande-le-moy, ma mauuaise,
Si tu veux que ie m'appaise.*

*Ce Poulet plus heureux que moy
S'en va où ie n'ose paroistre ;
Par luy verrez le triste esmoy
Qu'a vostre seruiteur son maistre :
Prenez le temps fauorisé
Pour venir à la mascarade ;
Vous m'y pourrez voir deguisé,
Et y guerir mon cœur malade.*

*La bonté gist en l'ame interieure ;
On ne sçauroit bien iuger d'un beau corps*

*De ce qu'on void seulement au dehors.
La feureté est au dedans plus feure.*

*Donc ta beauté, des beautéz la meilleure,
(Qui est empreinte en mes esprits accors)
Ne doit m'orner d'exterieurs thresors,
Puis qu'aux pensers ie te baise à toute heure.*

*Non, ma Mignonne, il n'estoit pas besoing
(Bien qu'ô malheur! ie sois de toy si loing)
De m'enrichir de ta monstre sonnante,*

*Pour m'éueiller à ton doux souuenir.
L'heure en Amour est trop longue à venir,
A tous moments l'Amant songe en l'Amante.*

*Quand ie me plains à vous de vostre negligence,
Mesprisant resolu l'irresolution,
Vous m'accusez tousiours d'une indiscretion,
Et ne considerez ma cruelle souffrance.*

*Vous dictes que le temps donnera l'allegeance,
Que ie modere vn peu ma grande passion,
Que ie ne dois douter de vostre affection,
Et que ie m'entretienne en heureuse esperance.*

*C'est bien parler cela; mais moy ie diray mieux:
Il faut que vous faciez d'un art ingenieux
Approcher ce beau temps que vostre foy m'affeure.*

*Comme vn bon Medecin pour plus estre estimé,
Auance la santé du malade enflamé,
Par de subtils moyens qui aydent à Nature.*

*Si i'auoy le pouuoir comme la volonté,
L'appaiseroiy bien tost l'orgueil de mon martyre,
Estrange passion que l'on ne sçauroit dire,
Comme incomprehenfible en fiere extremité,*

*Vous seriez chaque nuit couchés à mon costé ;
Nous cueillerions le fruit que nostre cœur desire ;
Le iour nous ne ferions que danser & que rire,
Que chanter, que causer de quelque nouueauté ;*

*Que iouer diuers ieux avecque mignotise ;
Cela mettroit le bois au feu de friandise,
Vous n'auriez point soucy d'vn train tout-consommant,*

*Ni de baiser vn sot. Vostre plus grande affaire,
Ma Dame, ce seroit seulement de vous plaire,
La mienne ce seroit vous plaire seulement.*

*En mon affliction mon ame est resiouye,
Au seiour de mon cœur où ie vay finement ;
Car là l'occasion me fait voir viftement
Ce beau petit mignon, cher honneur de m'Amie.*

Je le baise soudain, soudain ie le manie,

*Je fais ainsi des yeux & des mains humblement ;
Après, d'aïse rauy, ie m'en vay bellement,
Par chemins destournez, craignant que l'on m'espie.*

*Quand ie suis retiré d'un si plaisant séjour,
Je rumine les biens que j'ay eus de m'Amour,
A qui le destin veut que tousiours j'obeyſſe.*

*Puis j'inuente, amoureux, cent mille inuentions,
Afin de la revoir sans soupçonneux indice,
Et afin de garder nos belles passions.*

*Ne pensez, saint Thomas, ne pensez, S. Sauueur,
Que j'aille quelquefois en vostre sainte Eglise,
Pour, ainsi que beaucoup, vous prier sans fainctise,
De prier Dieu pour moy miserable pecheur.*

*Je ne mentiray point, j'y vay pour voir mon Cœur
Où la blanche vertu est dignement éprise :
Car le destin ialoux ore me tyrannise,
Si bien qu'en autre lieu ie n'ay ceste faueur.*

*Et l'un des fiers bourreaux de l'ennuy qui me tuë,
C'est que ie n'ose encor ouvrir du tout la veuë,
Parce qu'en l'œilladant (tesmoing d'affection)*

*Le sang me monte au teint, & j'ay peur qu'on le voye.
Aimant trop mieux mourir (tant j'honore sa ioye)
Que l'on faschaft ma Dame à mon occasion.*

*Mignonne, ie me meurs quand ie te voy si belle,
Et qu'il ne m'est permis, par tes parens ialoux,
De baisotter ton teinct agreablement doux,
De me mirer au iour de ta gaye prunelle.*

*Mignonne, ie me meurs alors que l'estincelle
Du rayon de tes yeux me conuie aux bons coups ;
Mais ie me meurs surtout quand, pris d'un beau courroux,
Ie combats avec toy ma partie immortelle.*

*Mignonne, ie me meurs après ces coups friands,
De nos ioyeux regards, de nos propos rians,
De tant d'esbas sucrez, de tant de follatrie.*

*Mignonne, ie me meurs y songeant seulement ;
Et si, ma foy, mon cœur, c'est là ma seule vie ;
La belle mort d'Amour est le contentement.*

*Où sont les beaux discours de ce beau souuenir ?
Auez-vous oublié la delice passée ?
Vous estes paresseuse ; hà ! vous serez fessée !
Vrayment vous en aurez si ie vous puis tenir.*

*Par lettre Amour absent se veut entretenir,
Ie connoy bien que c'est ; vous estes courroucée
De me voir loing de vous, mon vnique pensée,
Au trauail de la guerre, où il faut paruenir :*

Ie m'en doy plaindre à vous, qui comme bien nourrie

*Me deuez consoler par quelque lettre amie,
Disant que mon honneur vous fera honorer,*

*Qu'il faut prendre courage avecque patience,
Qu'on n'acquiert les Lauriers sans beaucoup endurer,
Que meilleure est après la bonne iouyssance.*

*Je suis defiguré d'un desastre inhumain,
Dont l'on me mesconnoist là où ie soulois estre,
Ne faisant qu'entrevoir le lieu d'Amour mon maistre.
Quand i'y suis (SAINT-VINCENT) ie m'en reuiens soudain.*

*Encor n'y puis-ie aller sans un signe certain,
Ore un vase d'argent dessus une fenestre,
Ore un chassis haussé, & craignant de paroistre,
Il me faut déguiser du iour au lendemain.*

*Je m'habille à ceste heure en homme mechanique,
Tantost en Procureur qui poursuyt sa pratique,
Et Dieu sçait seulement ma dure passion.*

*Que de fois, estourdy, ie trauerse, ie tourne !
Que de fois renfrongné ça & là ie séjourne,
Attendant le signal de chauue Occasion !*

*Maintenant que ie suis par un Vulcan ialoux
Absent de vos beautez, adorable Maistresse,
I'ay la siebure en l'esprit, i'ay au corps telle oppresse,*

Mais vostre seule idée alentira mon poux.

*Je ne treuve tel bien que quand ie pense en vous,
Aux plaisirs souverains de la gente caresse,
Aux diuerfes façons de nostre douce presse,
Aux baisers babillars que faisons à tous coups,*

*Aux signes, aux regards, aux mots hieroglifiques,
Aux endroits consacrez, aux lettres heroïques,
En ce profond penser ie me suis resiouy ;*

*Si bien qu'il me sembloit succer ta belle bouche,
Dont pasmé i'ay souillé l'albastre de ma couche :
Ainsi (vertu d'Amour) i'esgare mon ennuy !*

*Entre tous mes trauaux mon plus cruel tourment
C'est qu'il ne m'est permis de nommer ma Mairesse,
Je n'ose descourir la douleur qui me blesse,
Ni l'incroyable ardeur de mon dueil vehement.*

*Je croy bien qu'on sçait bien que i'adore ardemment ;
Mais on ne sçait pas où, ni qui est la Déesse
Déguisée en mes vers, craignant qu'on la connesse ;
Car ie veux obeyr à son commandement.*

*Ceste discretion, ferme-bouche à l'enuie,
Ne me poind sans raison interessant ma vie,
Et qui n'est sçeue encor que du cœur de mon cœur.*

O qu'Amour monstre bien sa grandeur admirable !

*En quelque lieu qu'il s'ancre, il est grand, immuable
Et (GORGES) comme vn Dieu, il pardonne à l'erreur.*

*Si vous ne connoissiez l'amitié qui m'enflame,
Et l'immuable roc de ma fidélité,
Si vous ne iugiez bien ma franche intégrité,
Et ce que j'ay de beau pour l'honneur d'une Dame:*

*Si la longueur du temps que j'asseruy mon ame,
Ne tesmoignoit assez ma blanche fermeté,
Si le discret Amour que ie vous ay porté
Vous eust faict seulement l'ombre d'un petit blasme:*

*Si vous ne sçauiez bien quel ie fus, quel ie suis,
Et si vous ignoriez mes pleurables ennuis,
Aux chemins destournez de ma rage Amoureuse ;*

*Si vous n'imaginiez ces obligations,
Je vous excuseroy, petite paresseuse,
Et prendroy patience en mes afflictions.*

*Je n'ay pas craint de perdre ma fortune,
Abandonnant la Court de mon Seigneur,
Je n'ay pas craint d'esgarer mon honneur,
Chery de Mars, de Minerue & Neptune:*

*Je n'ay pas craint l'impiteuse rancune,
Ni d'approcher la mortelle douleur,*



*En t'embrassant de gayeté de cœur,
Jaloux gonflé d'une rage importune.*

*Je n'ay pas craint de laisser mon païs,
D'oublier Dieu, mes parens & amis,
Despendant tout au peril de ma vie.*

*Bref ie ne crains ce qu'on doit redouter,
Pour te servir & pour te mignotter,
Pour t'obliger à demeurer m'Amie.*

*Je sçay bien, ie croy bien qu'il n'est rien de si beau
Que ta grace apparente humblement recherchée,
Je sçay bien, ie croy bien que ta beauté cachée
Est la douce delice au Dieu porte-bandeau.*

*Sçachez, croyez aussi, mon vnique flambeau,
Qu'il n'est Dame d'honneur, tant soit-elle bien née,
Heureuse plus que vous, ma Dame fortunée,
Estant la chere Amour d'un Paladin nouveau.*

*Qui pourroit souhaitter vne chose plus belle,
Qu'un honorable Amy discrettement fidele,
Qui loing est en s'Amie & ne veut que son vueil,*

*Souhaittant son desir, esperant son attente,
Qui parle par sa bouche, & qui void par son œil,
Qui aime mieux mourir qu'elle se mescontente ?*



*Il est vray, ie le veux, vous estes bien jolie,
Vous jouëx bien du Luth, vous chantez doucement,
Vous dites mots nouueaux, vous dansez graument,
Vostre riche beauté paroist toute accomplie.*

*Mais vostre plus grand bien c'est d'estre bien m'Amie,
Inuiolable Amour que ie sers braument,
Heur que vous n'esperiez dès le commencement,
Sçachant que l'Amitié d'un digne homme s'enuie.*

*Gardez-moy donc, ainsi que l'habile guerrier,
Qui gaignant au combat quelque bon prisonnier,
Sans l'outrager, soigneux, le nourrist amiable.*

*Si ie n'égale, Amour, l'opulente grandeur,
Si ne le quitteray-ie en foy, ni en honneur,
Aux plus braues pompeux de la terre habitable.*

*M'Amour, quand vous seriez la Royne uniuerselle
On ne vous seruiroit de plus d'affection,
De plus humble respect, de bonne intention,
De plus braue desir, ni d'ardeur plus fidelle.*

*Vous ay-ie oncques parlé, dictes, Mademoiselle,
Qu'en toute reuerence & supplication ?
Ay-ie oncques faict vn pas sans la permission,
Durant le temps serain de nostre Amour nouuelle ?*

*Après, qu'ay-ie entrepris qui vous aye despleu ?
Ay-ie pensé, songé, ay-ie dict, ay-ie veu*

Chose indigne de vous agreablement pure ?

*Combien, combien de fois ay-ie escrit, arresté,
Pour apprendre l'honneur de vostre volonté,
A cause de plusieurs suruenans d'aventure ?*

*Le merueilleux Démon, le plus puissant de tous,
C'est cest Amour qui rend les choses difficiles
En vn instant (MASAIRE) entierement faciles
Et fait trouuer l'amer agreablement doux.*

*Par luy les plus couards sont vaillamment refouds ;
Il s'esgaye, il se plait aux besongnes fertiles,
Il fait les idiots diuinement habiles,
Les habiles aussi miserablement fous.*

*Chymon fut imbecille & l'Amoureuse rage
Le rendit galand homme épris d'un beau courage ;
Salomon, le plus sage, en perdit la raison.*

*Et moy i'en desespere égarant connoissance.
Voilà comment l'Amour, pour monstrier sa puissance,
Fait d'un Oison un Aigle, & d'un Aigle un Oison.*

*PONSONAS, nous allons au bataillon tragique,
Et parce que tu m'es Amy entierement,
Tu es l'exécuteur de ce mien testament,
S'il plait à Dieu me prendre en sa Cour magnifique.*

*Tu conduiras mon corps en Eglise publique,
Où tu feras bastir quelque beau monument,
Mes Armes, mon ENSEIGNE en seront l'ornement,
Avec ces quatre mots : CY GIST L'AMANT VNIQUE.*

*Je donne tout mon bien à ma Maistresse Amour :
Sa figure sur moy t'apprendra son séjour ;
Puis porte-luy mon cœur avecque ceste image.*

*Tu luy diras ainsi, pleurant gros de douleur :
NOEMIE, HONOREZ LE DERNIER TESMOIGNAGE
DE LA FIDELITÉ DE VOSTRE SERVITEUR.*

TRISTESSE

*Las! ie pensoy vous esloignant, ma Dame,
N'estre si douloureux;
Mais plus s'accroit le tourment qui m'enflame,
Destin trop malheureux !
Que doy-ie faire ?
Tout m'est contraire,
Près vostre veuë
L'Amour me tuë,
Et loing ie suis aux enfers Amoureux.*

*Comme le Cerf qui blessé se retire,
Esperant de guerir,
Pour esloigner le lieu de son martyre;
Mais son viste courir*

*Plus fort le foule ;
Son sang s'escoule ,
Son humeur prompte
Plustost le dompte,
Qui le contraint en peu de temps mourir.*

*O iuste Ciel ! exaucez ma priere,
Et vous, ma Dame, aussi,
Qui m'esles plus que la guerre guerriere,
Destournez mon soucy !
Aimez ma vie,
Qui vous supplie,
Ou dès ceste heure
Fais que ie meure ;
Donnez la mort ou l'Amoureux mercy !*

*Où est le temps serain que l'Amour à souhaict
Viuoit paisiblement avecque son Amante,
Enuié de personne, épris d'humeur contente,
S'entretenant tousiours de parole ou d'effaict ?*

*Honoré de sa table avec vn doux attraiict,
Caressé bellement d'une main estreignante,
D'un regard desrobé, d'une bouche riante,
De petits mots parlans comme vn enfant de laiict !*

*Où est le temps serain qu'il dansoit avecque elle,
Sans soupçon des ialoux, au soir à la chandelle,
Qu'il iouoit diuers ieux, ore au gage touché,*

*A la chasse, au propos, à vendre, à course prompte ?
Où est le temps serain qu'après quelque beau conte
Amour s'asseuroit d'estre avec elle couché ?*

*Sacrilege Apostat, infidele heretique,
Athée, Libertin, Sot, Epicurien,
Pire cent mille fois qu'un barbare Payen,
Tu continues donc en ton humeur inique ?*

*Toy, qui deurois avoir la bouche Euangelique,
Reprenant les erreurs, comme un homme de bien,
Chassant de ton troupeau celui qui ne vaut rien,
Et servir de miroir à une Republique !*

*Ceux là que tu ne peux par effect diffamer,
Tu les veux, médissant, incessamment blasmer.
Il faut mourir, Iudas, puisque l'Amour l'ordonne !*

*Va ! va te confesser ; repens-toy de ton mal !
Par Dieu ! tu en auras dessus l'os coronnal,
Tu seras plus que prestre, ayant double couronne.*

O D E

*De la bonne pepiniere
Leue le bon arbrisseau,
De la digne ame guerriere,
Procède le Mars nouveau.*

*De l'Amour inuiolable
Vient le pudique entretien,
De la science honorable
Sourd la source de tout bien.*

*Nous deuons à nos Ancestres
Tout cela que nous auons,
Puis à nos eloquens maistres
Le sçauoir que nous sçauons.*

*Mais la pomme d'or est deuë
A ceste belle beauté:
De là la grace est venuë,
DE LA CITHÈRE A FLOTTÉ.*

*Sus donc, Amants pleins d'enuie,
Venex adorer ses yeux;
Mais non faictes, ie vous prie,
Car il n'appartient qu'aux Dieux.*

*En baisant ie suis si ioyeux,
Esteignant ma douce furie,
Que ie ne porte point d'enuie
A la felicité des Dieux.*

*Quel heur égale l'Amoureux
Ayant vne fidelle Amie,
En beauté la plus accomplie,
D'un illustre sang genereux?*

*Mais ceste grandeur est fascheuse,
A la grandeur mesme odieuse,
On l'accompagne nuit & iour.*

*Combien de fois t'ay-ie maudite
Importune & ialouse suite?
Car solitaire est l'humble Amour.*

*Pourquoy n'ay-ie de vous quelque lettre Amoureuse ?
Hé ! qui a coupé l'aisle à l'Amoureux Poulet,
Qui ioly m'apprenoit le lieu de mon souhait,
Et qui maugré les maux rendoit ma vie heureuse ?*

*Vous couurirez cecy d'une excuse menteuse,
Disant que ie suis loing, que ce seroit subiect
De faire caqueter, & que, quand ie l'ay faict,
On le connoist soudain à ma face ioyeuse.*

*On ne sçait où ie suis, & puis voulez-vous bien
Que i'aye incessamment le teinct Saturnien ?
Peut-estre vous auez le naturel d'un Prince,*

*Qui ne faict plus d'estat d'un seruiteur acquis,
Dont souuent (mais trop tard) il s'en repent depuis:
Gardez de faire ainsi, Amour mord qui le pince !*

*Tout le bon-heur que i'ay en ma fascheuse absence,
C'est quand ie songe en toy, Pouponne, mon soucy !*

*Tantost il me souvient d'un courroux addoucy,
De nos brocars mignons, au ieu & à la dance.*

*Tantost il me souvient de ta riche eloquence,
Qui m'a rauy le sens, qui au feu m'a trancy,
Tantost il me souvient quand nous crions mercy,
Mourans au doux combat de nostre iouyssance.*

*Tantost il me souvient des espions ialoux,
De nos propos couuerts, que nul n'entend que nous;
De nos baisers larrons, de nos lettres dorées,*

*Des signes, des regrets, postes de nos Amours.
En ces profond penfers, pasmé en ce discours,
Je passe ainsi, seulet, mes heures defaistrées.*

*Faut-il abandonner ma moitié desirable,
Pour un renom guerrier qui n'est qu'un ombre vain
Pour aggrandir les grands par le fer inhumain ?
La guerre est le surjon de tout vice abhorrible !*

*Il est bon pour un temps d'y paroistre honorable,
D'y perdre de son sang & de son beau moyen ;
J'en suis estropié, ie n'y conquesle rien
Qu'un nom de Capitaine ores espouuantable.*

*Demandez recompense, on se rid de vos coups,
Et sous un beau-semblant on se mocque de vous,
Si la guerre est finie aussi est bien ta gloire ;*

*Et quand tu serois sainct, on t'estime meschant,
 Donc deormais (DVRBOIS) l'Amour est ma victoire ;
 Aussi qu'un bel Amour va mon cœur-recherchant.*

*VIART, si nous auons la desirable paix,
 Il faut se resjouir, il faut coiffer Mignonne,
 Il faut iouer, danser ; mais il ne faut personne
 Qui parle de debas, de liure ou de procès,*

*Sinon du passe-humain, l'unique Rabelais,
 Nostre bon patriot', que la gloire couronne,
 Son plaisir est plaisant, sa bonté toute bonne
 A nous encourager aux desireux effaiets.*

*Mais il ne faut auoir en nostre compagnie
 Des mal-nais, des bigots, des soufleurs d'alquemie,
 Ni de ces vieux resueurs ialoux du temps passé.*

*Il nous faut CLAVAISSON, DV BOVRG, DV PARC, LA FVYE,
 MON BLAIAN, BASMAISON, PONSONAS & DASSÉS
 Et lors ie te diray les grandeurs de m'Amie.*

*La vehemente ioye esprist mes sens soudain
 Que i'apperçeus, mon cœur, la belle Noémie,
 Disnant en vne table opulamment garnie,
 Dont ie ne peus repaistre, encor que i'eusse faim.*

Je m'efforçoy assez, mais las ! c'estoit en vain !

*SAINCT FERRIOL, mon ame estoit d'Amour rauie,
Et craignoy qu'en ce lieu l'honneste compagnie
Ne descourist l'ardeur de mon feu souuerain.*

*Ce fust vn sacré iour de l'Altesse diuine.
Ce n'est pas pour neant que Phœbus le domine;
Par luy ie vy l'honneur de la gloire prisé.*

*Mars vn an me priua de ce bon-heur extrefme;
Qu'eusse esté donc au prix si ie l'eusse baisé?
L'aise m'eust transformé en Deité suprefme!*

*Il estoit nuict, & la neceffité
D'un bel hazard, qui vient à l'impourueué,
Charma les sens & aueugla la veué
Du bon Vulcan parauant despité:*

*Si bien que Mars coucha à son costé,
Et à celui de sa Cyprine esleué,
Dont bellement de façon inconneué
Il recueillit le doux fruit souhaitté.*

*Mon Dieu, que d'heur! quelle grande fortune!
De voir, maugré la rancueur importune,
Mars sans soupçon des chaisnes de Vulcan,*

*Estre près luy, & nud près de Cythère.
O que Venus force bien son contraire,
L'amadoüant d'un inuisible ahan!*

CHANSON

*Deformais ie ne veux plus estre
Aux superbes lieux frequentez ;
Ie veux, ie veux aux champs paroistre,
Laisant les Palais habitez.
Parce que l'Amour enfantçon
Se plaist en vn ioly biffon.*

*C'est aux beaux deserts solitaires
Que l'Amour marche assurement ;
Là les babillars volontaires
Ne peuvent diffamer l'Amant,
C'est pourquoy l'Amour enfantçon
Se plaist en vn ioly biffon.*

*Là les ialoux n'ont pas puissance
De suborner le beau desir,
Là l'on reçoit la iouissance
Sans auoir triste desplaisir.
C'est pourquoy.....*

*Là iamais personne n'escoute
Ni les plaintes, ni les regrets,
Là les Amans sans nulle doute
Peuvent éuanter leurs secrets.
C'est pourquoy.....*

*Là le doux peuple est sans malice,
Et sans fainte corruption,
Il n'ayme point par artifice,
Mais d'une entiere affection.
C'est pourquoy.....*

*Vous espris d'Amoureuses flames,
Voyez le buisson fleurissant
Où demeure l'honneur des Dames,
Par qui le plaisir va naissant.
C'est pourquoy l'Amour enfantçon
Se plait en vn ioly buisson ;
Et c'est pourquoy chacun tousiours
Benira mes belles Amours.*

SONNET EN VERS LYRIQUES

*L'Amour est fier en son langage,
L'Amour est fier à l'entretien,
L'Amour est fier en son maintien,
L'Amour est fier en son visage ;*

*L'Amour est fier en son passage,
L'Amour est fier en son moyen,
L'Amour est fier en son lien,
L'Amour est fier en son seruage ;*

*L'Amour est fier en son esprit,
L'Amour est fier en son escrit,
L'Amour est fier en toute chose,*

*Fors en sa mort, qui promptement
(Par estrange metamorphose)
Reffuscite gaillardement.*

O D E

*Iò, ma peine s'accoise
Estant au beau bout du pont ;
Je n'auoy veu cinq ans font
La delicieuse AMBOYSE.*

*Dieu vous gard, chere patrie,
Bon-soir, riuere au long cours,
Que i'honore en mes Amours
Comme eau qui me glorifie.*

*Car ie croy ton onde, ô Loyre,
Estre vn beau fleuve diuin,
Defia le braue Angeuin
L'a rendu assez notoire.*

*Pour le croire dauantage
Je voy le Plessis Preuost,
Qui, d'esprit & de cœur haut,
Fait admirer ton riuage.*

*Tout de mesmes ie n'ignore
Que par moy, LASPHRISE, vn iour,
En l'honneur de mon Amour,
On t'estimera encore.*

*Je n'vse de vanterie
Qui ne soit digne de los,
Dont les iniurieux sots
S'y perdroyent en mocquerie.*

*C'est donc pourquoy ie me louë,
N'ayant des mal-nays soucy,
Reconnoissant bien aussi
Que l'habille m'en aduouë,*

*Et que mille doctes ames,
Mesmes après mon trespas,
Où l'enuie ne mord pas,
Beniront mes douces flames,*

*Et comme en Pelerinage
Iront voir mes champs fleuris,
Remportans en leur pais
De ma fleur pour tesmoignage.*

*C'est de la Noemiette
L'Amoureuse d'Apollon
Tantost perse du rayon,
Puis blanche, & puis vermeillette,*

*Et en regardant LASPHRISE,
(Fief de basse valeur)
Peu de bien, beaucoup d'honneur,
Me donneront pour deuise.*

*Fameuse Loyre féconde,
Par moy ton los s'accroistra;
Un peuple estranger boira
En Touraine de ton onde,*

*Ou de la liqueur diuine
Sourdante en son bois tortu, ...*

*Qui excède la vertu
De la source Cabaline.*

*AMBOYSE, ville iolie,
Par là tu t'agrandiras,
Et après mille ans feras
Honorée de ma vie.*

CHANSON

*Si c'estoit d'aujourd'huy follaître
Que ie fusse vostre idolaître,
Vous pourriez bien me soupçonner
De ne vous affectionner.*

*Mais quoy ? le temps qui tout expose,
Le temps maistre de toute chose
T'a peu apprendre mon humeur,
Qui est depuis dix ans ton heur.*

*Ha ! ie descouvre ta finesse.
La ialouse fureur t'opresse,
Dont l'Amour est plus attirant
Feignant aussi la Cour d'un grand.*

*Iò, ie t'en baise, ma Belle,
Mais ne songe en ardeur nouvelle,
Les vieux Amis & les vins vieux
Sont ceux-là qui valent le mieux.*

*Que feray-ie, BILLARD? quel país doy-ie eslire
Pour demeurer content le reste de mes iours?
J'ay dans le champ Manceau mes premieres Amours
Dont l'adorable honneur sainctement me souspire.*

*En ma chere Touraine vne Nymphé m'admire;
Sous l'air Parisien l'on m'aspire tousiours;
En Bourgogne vn bel œil, lumiere au doux secours,
Fauorise mon Cœur que ce vainqueur desire.*

*Je feray comme on void les deuots Pelerins,
Qui dans vne forest trouuans plusieurs chemins,
Suyuent la plus grand' voye (& fust-elle doutable).*

*Mais quoy? mes Dames sont esgales en beauté,
Quelle guerre chez moy! paix! le sort est ietté
Pour celle qui m'a faict plus de plaisir aimable.*





STANCES
DE LA DELICE D'AMOUR

A MONSIEUR DE MAUGIRON

*Toujours avecques Mars est la belle Venus,
Dont recreant l'orgueil de mes travaux connus,
Paladin, ie t'enuoye vne Delice exquise.
Il faut que l'œuvre soit convenable à l'ouvrier ;
Tu es Amoureux beau, tu es brave guerrier,
Tu es mon Maugiron & ie suis ton Lasphrise.*

*Dy-moy donc, ERATON, gloire de mon tourment,
Quel tu voudrois choisir l'estre de ton Amant,
Et les perfections d'une agreable Amie ?
Toy qui m'as tant de fois, dessus le mont iumeau,
(Interprete des Dieux) abreuvé de ton eau,
Faisant que d'âge en âge on benisse ma vie ?*

*Quand il entre en l'Auril de ses ans, c'est alors
Qu'il est plus agreable aux Amoureux accors ;
Je ne regarde point s'il a de la richesse,
Encores que ce bois eschauffe le foyer ;
Et quiconque se plaist en ce plaisant mestier,
Ne souhaite rien tant que la gaye jeunesse.*

*Tous hommes naturels agréent à mes yeux,
Mais de tous les estats celuy que j'ayme mieux
C'est le vray Paladin, qui joinct l'espée au liure,
Il me defend tuant, fauorisé de Mars,
Et puis me perennise en mille & mille pars,
Par luy seul seulement gay'ment ie puis reuiure.*

*J'abhorre entierement l'infidelle flatteur,
Mais pour plus enseigner les souhaits de mon cœur,
Je veux que mon Amy soit de moyenne taille,
Encor que le petit me cherche d'un cœur haut,
Sa colere est trop prompte, il se tué à l'assaut,
Et le grand est trop long à mourir en bataille.*

*Mon mignon sera donc d'un poil blond brunissant,
Son front grand, esleué, d'un marbre blanchissant,
Son œil verd bien fendu, son oreille bien ronde,
Sa bouche bien petite, entournée d'œillet,
Son menton court, son nez traitif assez longuet,
Au moulate camard mon cher desir n'abonde.*

*Son teint sera vermeil, plein de graue douceur,
Son visage riant, grasselet en rondeur,
Son col accourcissant, sa taille bien carrée,
Ses bras longs & charnus, sa main longue & ses doigts.
Sain, allaire, dispos; mais ie veux toutesfois
Que ses reins soyent garnis d'une force assurée.*

*Je veux qu'en plusieurs lieux mon Amy soit ombré
D'un beau poil crepelu, poil que ie tiens sacré,
Comme m'aduant-courant le doux fruit que ie cueille,
Et principalement ie veux que son menton*

*Aye vn petit duvet d'un blondoyant coton.
L'arbre est bien mal plaisant quand il n'a point de feuille.*

*Oferoy-ie oublier ce que ie veux sur tout,
Le fregon de mon four, baston qui n'a qu'un bout,
Mon mignon boute-feu de ma flame amiable,
Lithiphale gaillard qu'il ne faut amorcer,
Qui sans careffe peut vn monde caresser,
De grandeur naturelle, & de grosseur semblable.*

*Toufiours prompt, vif, ardent, ayant vn sang altier,
Et deux braues tesmoins, pour me certifier
Qu'il est prest, bien en-poinct, gonflé d'ardeur seconde.
Encores que sa forme enseigne sa valeur,
Son chef, son front, son nez, n'est-ce pas vn beau cœur
Qui sans cesse combat la plus grand part' du monde.*

*Je le veux appeler le doux-merueilleux Dieu;
Car il brusle la glace, il englace le feu,
Et fait changer la flame en vne onde plus douce;
Par ses pleurs il fait rire & viure en vne mort,
Par sa guerre il fait estre en agreable accord,
Et est plus gracieux alors qu'il se courrouce.*

*Or pource que l'on dict mon cœur inassouuy,
Mon cœur iamais vaincu d'allegresse rauy,
(Qui plainct maugré le bruit les funestes encombres)
Il se contentera lors que l'aiguillon doux
Le poindra chaque iour trois, cinq, ou sept bons coups,
C'est toufiours au premier qu'il faut les premiers nombres.*

Oultre cela ie veux cent baisers doucereux,

*Comme seurs postillons des plaisirs Amoureux.
Communément le pain s'enfourne par la bouche?
Vn baiser bien donné, vn baiser bien reçu
Baille l'eau au bruslant, baille au frilleux le feu;
C'est le cher compagnon de ma belle escarmouche.*

*Mille beaux petits noms naïvement nommés,
Mille brocars mignons de ioye sursemez,
Il me dira sans cesse au milieu des allarmes;
Avec vn doux support attendant la liqueur,
Qui fait ensemblement viure & mourir mon cœur,
Il temporisera prest à rendre les armes.*

*Je ne desire pas que l'on cueille mon fruit,
Comme vn peuple ignorant dedans l'ombreuse nuit,
Ni comme vn courtisan tant à la desrobée,
Au solitaire bois, au gasouil des oiseaux.
Il me plaist fort le iour, & le soir aux ruisseaux,
La Royne de beauté nasquit de la marée.*

*Là mon plaisir me guide employant bien le temps,
Et si ie temporise, alors c'est que i'attens
Le beau flot Amoureux de la marine enflée,
Là ie vaincs le vainqueur, & là superbement,
Adextre au jeu d'aimer, par vn beau remu'ment
Je me perds, ie me meurs, en si douce meslée.*

*Quelle aise pensez-vous que ie reçoive après,
Quand i'éuente hardiment mille dignes secrets,
Et mille ardens souspirs messagers de ma flame,
Baignant de pleurs joyeux ce gracieux séjour,
Quand en mourant ie vy au paradis d'Amour,*

Sans redoubter l'orgueil du l'asard porte-blasme ?

*Le braue chef d'un ost, bien qu'il soit nay soldat,
Ne se met au peril d'un hazardeux combat,
Si le champ ne luy est proprement fauorable ?
Le digne Amant ne doit doucement embrasser,
Ni ioindre estroictement pour mieux la caresser,
Si la place du choc ne luy est fauorable.*

*Je n'aime ces recoins tant espiez par tout,
Où plus communément on bataille debout,
Où ne s'espreue point ma douce-vnique enuie ;
Si au commencement l'occasion s'offroit,
J'estimeroy vn sot qui la refuseroit,
La femme au premier choc desire estre rauie.*

*Cest amas somptueux de ieunes Courtisans
Diffame ma beauté, richesse de mes ans,
Et pense receuoir vn honneur de ma honte,
Après qu'il a iouy il me jette vn brocard,
Et si veult que l'Amy en aye quelque part,
Faisant tousiours de moy quelque sot petit conte.*

*Or donc, mon fauory, mon Ame, mon Mignon,
Sera de bonne foy, sera bon compagnon,
Prompt à executer, assez lent au langage,
Bien appris, bien nourry, bien conditionné,
Et, encore qu'il fust pauvre ou infortuné,
Je ne laisseray point de luy faire auantage.*

*Voylà comment ie veux mon digne seruiteur,
L'Ame de ma belle ame, & le cœur de mon cœur.*

*Il me plaist maintenant de dépeindre l'amie.
Quand ce Dieu clair-voyant, ce pere liberal
A par dix & sept fois reueu le iour natal
D'une gaye Beauté, etle est d'âge accomplie.*

*Je veux que l'Amie ait vn bel esprit subtil,
Orné de la science, vn courage gentil,
Vn mignard entretien, vne plaisante audace,
Vn accueil accostable, vne humble priuauté,
Vn langage naïf, voire vne maïesté,
Regente des douceurs d'une si bonne grace.*

*Ma Mignonne aura donc l'esprit bien auisé,
Qui ne sera iamais sottement déguisé,
Qui ne laissera point le vin pour le vin-aigre,
Pour la fueille le fruit, pour la paille le grain.
Pour l'escorce le bois, pour la perte le gain,
Et qui ne languira se pouuant rendre allaigre.*

*Elle aura sur son chef, seiour de la raison,
Vn riche poil luisant, pretieuse toison,
Tresse qui librement volera blondoïante,
D'un or esparpillé, long, espais, crepelu,
Frisotté, delié, hanelé, houpelu,
Vagabondant tousiours en onde flot-flottante.*

*Son front, siege à l'honneur, sera grand & poly,
Arrondy, large, plein, sans fronceure, sans ply,
N'estant chargé du poil qui la teste enuironne;
Il sera de cristal reluisant comme l'eau,
Roufeyante au matin, au plaisant renouveau,
Quand on y voit iouer le clair fils de Latonne.*

*Son oreille bien ronde, & bien petite aussi,
(O beau fusil d'Amour!) ie veux que son sourcy
Soit noir, fort delié, faict en voute iolie,
Ayant bonne distance entre les deux, afin
Que l'on puisse connoistre vn present si diuin,
Messager de mon but, comme Iris de la pluye.*

*Ie ne veux oublier l'astre de son bel œil,
Qui est asseurement le iour de mon Soleil,
Qu'il soit doux, penetrant, grand, esleué encore,
Attrayant, rond, fendu, bien gros & bien ouuert;
Mais ie veux par sur tout qu'il soit tousiours bien verd:
Le verd est plus plaisant que n'est la couleur more.*

*Rien que sur son sourcy le noir ne se verra,
Qui comme vn fil de soye en arc apparoistra,
Pour donner lustre au teinct de sa face albastrine
Où seront les œillets naïvement fleuris,
Vne riche moisson de Roses & de Lis,
Que ie machotte ayant le desir qui m'incline.*

*Son visage que j'aime & que j'ay bien esleu,
Sera fait en rondeur, grasselet, pommelu,
Humble-graue, riand, plaisant à l'abordée,
Sursemé d'une honte où l'honneur est gardé,
N'estant iamais chagrin, soucieux ni fardé.
La beauté n'est pas belle alors qu'elle est fardée.*

*Son nés sera traitif, d'une tendrette peau,
Et nullement vouté, fort estroit du naseau,
Ne tenant rien de l'air de l'orde punaisie,
L'abhorre cest ardeur insensible au dolent;*

*Car l'eau de Mariolaine ou parfum excellent
Ne sçauroit empescher si grande villennie.*

*La bouche de m'Amour sera pleine d'attraits,
(Grande comme son œil) messageant les doux traits,
Si bien que sans parler la Belle represente
Vn baiser colombin, le doux avant-coureur.
Sa leure vn peu grossette aura telle couleur
Qu'une rose de May fraichement florissante.*

*Après dans ceste bouche, amorce de mon bien,
Qui belle (fors que moy) ne souhaite plus rien,
On y verra deux rangs de luisantes perlettes,
Rangs si bien arrangez & si mignonnement,
Qu'avec la bonne odeur de cest embouchement,
L'Amant trespasera gros de flames secrettes.*

*Son menton sera rond, court, fosselu, ioly,
Mignon, mignard, poupin, frais, blanc, douillet, poly,
Vn peu haut pour monstrier ceste gorge marbrine,
Qu'on verra tout ainsi qu'un beau laid cailloté.
Je la veux grosse, grasse, en molle dureté,
Et son col assez long borné de sa poitrine.*

*D'un beau marbre amolly elle aura ses deux bras,
Qui seront gros & longs, fort douillettement gras,
Sa taille carrée, haute, où se campe la gloire,
Sur sa main on verra le beau Lis fleurissant,
Qui polie sera longue en estreissant;
Ses doigts bien deliez tous entournez d'iuoyre.*

Large & blanc comme neige on verra son beau sein,

*Digne couche sacrée où ie repose à plein.
Et pour mes oreillers, quand disposant ie veille,
Je veux ces deux tetons petits freres iumeaux,
Durs, albastrins, douillets; pour les rendre plus beaux,
Je les veux emboutis d'une fraise vermeille.*

*Je veux qu'à l'entre-deux de ce marbre vouté,
Soit vn large ruisseau nullement frequenté,
(L'adresse du chemin de ma douce fontaine)
Et pour ne s'esgarer sur le milieu i'y veux
Vn nombril, petit œil, miroir delicieux,
Comme prochain parent de l'ardeur qui m'ameine.*

*Son beau ventre arrondy sera bien potelé,
Gras, poly, tremblottant, né pour estre foulé,
Toujours ferme & garny de beauté delectable,
Vne motte assurée, approchant le beau but,
Par qui tout le monde est, par qui toujours il fut,
Bornera les attraiçs de ce ventre amiable.*

*Ce globe audacieux qu'Amour a reserué
Au bas de son vallon, vn peu haut esleué,
Pour mieux me maintenir aura vne tranchée
De tres-petite garde, où le doux ennemy
Sera trouué vaincu, pasmé, voire endormy,
Pour que l'enfant oyseau ait nouvelle bechée.*

*Lors qu'elle porte, heureuse, vn fruitage si beau,
Encor que le combat ne fust point si nouveau,
(Nouveauté passe-temps de l'amoureuse enuie)
Si fait-il bon pourtant l'animer à l'assaut,
Si elle est en bon poinçt (delice qu'il me faut);*

Car elle a plus d'ardeur, essence de la vie.

*Mais depuis qu'on l'a veuë vne fois reclamer
Lucine à l'œil piteux, ne parlez plus d'aimer !
Si vous voulez iouir de ma delicateffe,
Les poudres, ni les bains proprement composez,
Les receptes, les fards finement déguisez,
Ne la sçauroyent garder du goulfre de largeffe.*

*Je veux tel le connin de mon gay iardinet,
Mignon, mignard, mouflu, esleué, ferme, net,
Petit, gros, rebondy, couuert de blonde foye,
Que ce terroir dedans soit tousiours sec & chaut ;
Car tant plus on le baiche & plus beau, mieux il vaut.
Aux champs marescageux l'Amour n'a point de loye.*

*Hà ! folastre terroir ! honneur de mon pourchas,
Quiconque te labourre avec ces doux appas,
Ne voudroit estre au Ciel vn domte-dieux suprefme :
Car outre la delice ineffable vrayment
Qu'on reçoit par les flots de ton beau mouuement,
On a mille autres biens que ton pouuoir nous seme.*

*Plustost on contera les bestes, les oyseaux,
Tout le peuple muet qui est dedans les eaux,
Les fables d'alentour que l'on sçache le conte
Des caresses, des biens que ce petit mignon
(Duquel l'honnesteté me defend le vray nom)
Fait couver, fait esclore avec sa douce honte.*

*Par luy, en follastrant quelquefois dans les draps,
Son Amoureux s'esbat gayement bras à bras,*

*Il sucçotte sa bouche, où le basme s'enferme,
Il baisotte son œil (digne flambeau des Cieux),
Escratigne, s'allonge avec desir ioyeux;
Il manie amorçant le sucre de sa guerre.*

*Dieux ! quel plaisant plaisir ! mais quel soulas entier,
Quand heureux il se void au milieu du brafier,
Mignottant, fretillant, à petite secouce,
Quand sa Dame sousleue avec agiles bonds,
Comme vne source fait sautiller les sablons,
Et quand chacun se meurt d'une fiebure si douce !*

*S'il lui plaist redoubler ce gracieux accès,
Desirant s'enyurer en si gentil excès,
Il s'en va becqueter sa bouchette empourprée,
Fleurotter ce beau teint à l'Aurore pareil,
Et morçurer goulû ce teton, ce bel œil,
Chatouillant le chalant de son ame alterée.*

*Sa Maistresse a aussi belles inuentions
Pour r'entrer au combat de ses affections,
Où l'aggreable Auril incessamment se vouë ;
Ores d'un coup de pied la mauuaise l'assault,
Ou d'un bec tourterin, s'esueillant en sursault.
Sans la friande amorce un bon canon ne iouë,*

*Encor qu'il soit gentil tousiours prompt au combat ;
Mais le plaisir s'augmente & le cœur au soldat,
Quand il oyt le tambour messager des allarmes.
Ainsi quelque signal d'un doux attouchement,
Quelquefois d'un sommeil déguisé finement
Est fort délicieux aux Amoureux gens d'armes.*

*Bien souvent, assouuy des douces voluptez
Qui le rendent plus dieu que les diuinitez,
Il mesure sa cuisse où l'iuoir se treuve;
Elle est rondement grosse, on n'y sent point les os,
Ferme comme vn rocher, abois des facheux flots.
Bien-heureux est l'Amant qui telle chose espreue !*

*Puis ores il petrif, pouffottant ses genoux
Qui sont mignardelets, delicatement moux,
Ores il fraye vn peu la greue de sa iambe,
Bien longue, bien vuidée & bien estroicte encor,
Et ore, en gaudissant, il chatouille bien fort
Ce petit pied douillet colonnel de sa flambe.*

*Et puis quand le sommeil, le pere du repos,
Les accable tous deux, incontinent dispos
Se r'attaquent encor, non d'une mesme sorte ;
Maintenant le dessous sera plus haut monté,
Ore il baise la couche, ore il est de costé.
Le chancre ne vaut rien qui ne dit qu'une notte.*

*Il fuit les nouveautez, l'inuention luy plaist.
Vous, Amants fortunez, approchez donc d'où est
Le beau desir sucrin qui braue emparadise,
Desrobez librement, allumez voz flambeaux,
Parmy ces ieux sacrez, delicatement beaux,
Et lors vous benirez si douce friandise.*

*Adorez donc l'Amour, & en toute saison
Que chacun m'ait, heureux, au fest de sa maison !
Nouveaux venus, venez folastrer dans sa couche,
Langottant mignottez, mordillez sucçotant,*

*Baisotant riotez, babillez combattant,
Et mourez glorieux en si belle escarmouche.*

*Ores dedans vn champ tapissé de verdeurs,
Ores dessus vn li& paré de belles fleurs,
Voire mesme en plein iour avecques torche ardente ;
Frisottez, pignottez, tortillottez cest or,
Encendrillez mon feu, pillottez mon thresor,
L'amorcillant tousiours d'une ardeur allechante.*



SONNET A MES ENIGMES

que i'offre


A MADAME DE BEAUVAIS NANGY

*Ioyeux esbats en mes douleurs tragiques,
Que ie reçeus au Royal champ de Mars,
Allez, volez mignonnement gaillards,
Voir la beauté des Dames Heroïques.*

*Sortez du camp, mes vers Enigmatiques,
Et ne craignez les dangereux hasards,
Ni de la Cour les insolens brocards:
Telle grandeur destournera leurs piques.*

*Si toute France auoit si docte esprit,
Il ne faudroit expliquer nul escrit,
Dont seriez mieux considerez encore.*

*Baste, marchez, la peine est vn plesir,
Quand on va voir le but d'un beau desir,
Sans qui l'honneur de l'honneur ne s'honore.*



LES ENIGMES

DV CAPITAINE LASTPHRISE

*Estant couchée en foule, estant couuerte toute,
Elle ondoye eschauffée au masle feu nouveau,
Estrange effect qu'un feu face sortir vne eau,
Qui par la roide queue entièrement s'esgoute.*

EXPLICATION

C'est quelque herbe que l'on met dans vn alambicq, & par l'ardeur du feu il en distille de l'eau goutte à goutte par la queue de la chappelle, qui est de plomb, & qui, encore qu'elle soit courbée, ne laisse pas d'estre roide & forte.

*Je mets souuent le Roide entre les deux velus,
De piquer besongnant ie fay voir les cornus.*

C'est vn bouvier qui charroye tous les iours, & pour ce faire il faut qu'il etelle & qu'il

mette le tymon entre ses beufs velus de nature, & estant à sa besongne charroyant il les pique de son éguillon, faisant plus voir ainsi ces bestes cornues.

*Quand dans le trou aiueux mon grand manche ie boute,
La soye se rebouche & quelquefois dégoute,
Mais on est si ioyeux lors qu'on sent l'eau iaillir,
Qu'on fait la reuerence, & fait fou tressaillir.*

C'est quelqu'un qui met vn aspergès dans le benestier, dont la soye se rebouche, & degoutte l'eau. La multitude qui veut de l'eau beniste aux grandes villes est aise en sentant quelque goutte, & fait lors dans l'Eglise la reuerence, & aucunes fois quand on en donne à quelque éuenté, qui entrant brusquement en l'Eglise n'y songe pas, cela le fait tressaillir.

*Mon fruit est si plaisant que la pluspart le prise,
Les illustres seigneurs, les dames, les plus grands
En sont plus que tout autre amoureux et friands,
Aussi que ma douceur semble entre toute exquise.*

*Apollon le crinu souuent me fauorise,
Encores que son fils & tous ses adherans
Me veulent mespriser, mais pour les mesdisans
La Cour ne laisse pas d'aimer ma friandise.*

*Mesme l'homme plus sainct la daigne bien priser,
Quand mon temps est venu l'amy me vient baiser,
On me met deuant luy avec resiouyffance.*

*Puis il me fend soudain, mais quand le bon morceau
Est entré dans le trou, on sent vne douce eau
Qui fait ioyeusement changer de contenance.*

C'est vn Melon, que la pluspart du monde aime, mesme les grands & les Dames: sa douceur est des plus agreables, l'ardeur du soleil le fait meilleur, aussi aux pays chauds valent-ils mieux. Les Medecins & Chirurgiens n'en veulent que bien peu vser & le defendent, disans n'estre sain, qui ne peuuent pourtant faire que l'on n'en mange beaucoup, mesme les hommes d'Eglise quand la saison est venuë. On connoist sa maturité à le baiser au cul. Celuy qui aime le Melon est fort aise quand on luy en fert, & soudain de son couteau le coupe, & quand il en a vn bon morceau dans la bouche, & sent fondre la sauoureuse eau, il ne se peut tenir qu'il ne face quelque geste d'admiration ioyeuse.

*J'ay tant branslé le cul que j'en ay mis dehors
Je ne sçay quoy de blanc, dont la vie est conueü.
Ceste essence deuient liée, espaisse, accreüe,
A force de lascher la matiere en son corps.*

*Le sec est liquidé par les frequens efforts
Du gros membre mouillant la chose toute nue,
En vn commode lieu de son long estendue,
D'où l'on la fort plus molle en barbouillant les bords*

*Voulant sentir soudain la grande flâme ardente,
Dans vn fendu obscur sarfouillé sans attente,
Pour n'aigrir, pour ne perdre vn bien qui est si doux*

*Lequel avec le temps qui toute chose apporte,
Vient à perfection si désiré de tous,
Que la vie sans luy sembleroit estre morte.*

C'est vne personne qui fasse de bonne farine, & ne peut passer ou bluser sans bransler le cul; ainsi la fleur blanche fort du sas, & d'elle nous sommes nourris; estant meslée avec force eau elle se lie, s'espaisist & s'accroit. La farine qui est seiche deuient liquide, par les bras qui paistrissent & qui font la pâte, qui est estendue dans la met, d'où l'on la fort plus molle, quand elle est leuée, & laisse du raclon aux bords. Il faut la mettre promptement dans le four chaud, que l'on fourgonne & escouette soudain, craignant que si on laissoit trop leuer la pâte, elle ne fust trop aigre de leuin, pour ne perdre vne chose qui est si bonne, qu'estant bien cuite vient à la perfection, sans que nostre vie ne pourroit viure.

*Je prens au mois d'Amour celle que j'aime tant,
Puis le bout de son ventre esperant ie manie,
Et remuant le cul de rendre a telle enuie,
Que presque sans toucher son cas va dégoutant.*

*Quand l'instrument est plein après tout chaudement
Je leue le beau linge, & au trou de ma vie
Je lasche tellement qu'elle en est rafraischie,
Et la fait sommeiller quelquefois longuement.*

*Puis mon cœur, enuieux d'une si douce chose,
M'induit soudain encore, & maniant ie pose,
Quelque chair rongnonneuse en lieu vieil ou nouveau,*

*Je r'amollis le dur, & d'une humeur liquide
L'en fay en saquant fort une chose solide,
Qui eschauffe le sang & r'allonge la peau.*

C'est une femme qui tire la vache au mois de May, où le lait plus abonde, qui ayant esperance d'avoir du lait luy manie le pis, & la vache se remue, & est bien aise qu'on la tire, car ses trayons dégoutent quelquefois sans qu'on la touche estant bonne laitiere. Quand la vachere a emply son tiroir elle en aualle quelque esculée, si bien qu'elle s'en rafraischist & s'en endort souvent: car le lait est froid, & fait dormir; & après ceste mesnagere le fait tourner, mettant de la tourneure, qui est dure & l'amollist, la mettant au pot, & l'ayant escremé, fait quelque fromage, puis de la creme qui est molle; en la battant fort dans la baratte,

elle en fait vne chose ferme, qui est du beurre,
lequel eschauffe le sang, & quand on en graisse
la peau, cela la ramolliſt & l'allongne meſme le
frais.

*Quand ie pense au plaisir que m'a fait mon espoux,
Ie mets vn bout de chair dedans ſa chair fenduë,
Nature m'y contrainct eſtant de ioye eſmeuë,
Ie ne puis refuſer vn office ſi doux.*

*Quand ce que i'aime plus eſt près de mes genoux,
C'eſt lors que m'eſchauffant bellement ie remuë,
Ie l'embrasse ſur iour, bien que ie ſois veſtuë,
Et touſiours par le bout s'appaiſe le courroux.*

*Car il en ſort vn ſuc qui eſt plein de merueille,
Ce iuſt fait eſueiller, & fait que l'on ſommeille,
Qui le baille eſt fort aiſe alleguant ſon deſaut.*

*Mais quiconque reçoit l'eſt encor dauantage,
Cela luy donne vie, & ſi porte dommage:
Car qui en prend par trop a vn eſprit lourdaut.*

C'eſt vne mere nourriſſe qui aime fort ſon
mary, & à toute heure penſe à luy, & donne
à teter à ſon enfant qu'elle aime de douce na-
ture; elle le tient quelquefois près de ſes ge-
noux; remuant l'enfant auprès du feu, tout le
iour elle le tient embrassé, & quand il crie elle
luy baille le bout du tetin; ſon laiſt, quand

il sommeilleroit, l'esueilleroit, & si l'endort.
La mere ayant beaucoup de lait est fort aise
d'estre tetée, cela l'allege, mais l'enfant
encore plus, car cela le nourrit; il est vray
que l'enfant qui tette trop longtemps en est
plus lourd.

*Quand on me void durable & propre en diuers lieux,
Je suis fait par personne au mestier bien sçauante,
Qui me maniant fort de sa main diligente,
Rend dur ce qui est mol afin qu'il entre mieux.*

*Je suis plein, bienourny pour plaire aux Amoureux,
L'honneur de ma queue a quelque beauté luyfante,
Aussi veux-je vrayment que ma petite fente
En aye tout autour de son trou gracieux.*

*Je conserue l'ardeur des Amis de Nature,
Qui s'affroidist soudain par la gente ouuerture,
Mesme avecques l'Auril des folastres mignons.*

*De la poindre & du cul vn chacun me mesnage,
Qui en ioué à la Cour en payant bien l'ouurage
Reçoit communément plusieurs bons compagnons.*

C'est vn bouton & vne boutonniere ou de
soye ou enrichie de fil d'or ou d'argent, qui
est fait par les maistres en cest art, où la di-
ligence de la main est requise, où l'on rend le
coton dur pour le faire mieux entrer. Il faut

que le bouton soit bien plein pour estre achepté de ceux qui propres en veulent de beaux, que sa teste soit bien couuerte des enrichissemens susdits, & la boutonniere de mesure. Cela garde la chaleur de l'homme estant boutonné, & se déboutonnant il n'est si chaudement; fut-ce les plus ieunes qui se deboutonnassent, ils se pourroient quelquefois morfondre. De la pointe & du cul de l'esguille on le mesnage, le r'ac-coustant quand il est rompu. Qui faict de beaux boutons à la Cour, si on le paye bien, il a beaucoup d'accouciers.

*Vn mot de ma vertu que la vertu reclame
Fera soudainement connoistre qui ie suis,
On dict l'or tout puissant, mais plus que luy ie puis,
Estant salubre au corps & salutaire à l'ame.*

*L'or est materiel, moy de subtile flamme,
Et fay peupler le monde agreable à Cypris,
Le propre à mon humeur c'est la ioye & le ris,
Ma douce iouyssance endort l'homme & la femme.*

*L'esgare les mal-heurs, ie suis beau nompareil ;
Quelle aube esgalera mon teint blanc & vermeil ?
Sans moy toute delice est vne pauvre chere.*

*Mon terrestre est celeste, hardy, braue, inuentif,
Mais à qui me gourmande, alors vindicatif,
Le deuiens furieux & le bruste en colere.*

C'est le vin que tout le monde estime, qui
beu en temperance est sain au corps humain,
& pour l'ame le signe du sang de nostre Sau-
veur IESVS CHRIST. L'or est pesant, luy chaud
& subtil, qui incite le jeu d'Amour, qui fait
dormir, qui resiouyst l'affligé, qui n'a point
de semblable, qui est de couleur blanche &
vermeille, & sans vin bonne chere ne se fait.
Il est diuin, prouoque la hardiesse, est plein
d'inuentions ; mais à l'yurongne qui en prend
trop, il luy brusle le foye accourcissant ses
iours.

*Bien que ie sois petit, si suis-ie aimé des grands,
Toutesfois le commun gros & long me desire,
Mais pour sembler plus doux on me tourne, on me vire,
On me touche, on me frotte auant qu'entrer dedans.*

*Estant là ie m'enflamme & amortis mes sens,
Dont i'amoindris beaucoup, & si n'en suis pas pire,
L'entre en ce lieu bien dur, bien mol on me retire,
Et rendant vne humeur agreable aux aimans,*

*L'engendre quelquefois, mais ceste geniture
Cause vn visage honteux, vn brocardant murmure,
Dont on la defauoué, hélas ! le plus souuent.*

*En diuerses façons on iouyst de ma vie,
Mesmes les animaux en passent leur enuie,
Et si tousiours mon bien se conuertist en vent.*

C'est vn Naueau, qui tout petit qu'il est, est aimé des Seigneurs bien que la populace l'aimast mieux gros; pour le bien manger il le faut rascler, frotter, & lauer auant que le mettre dans le pot, & bouillant là il s'eschauffe, s'amoindrissant, n'en estant pas plus mauuais. On le met dur au pot, on l'en retire mol & rend vn bon bouillon, qui plaist à ceux qui aiment les Naueaux. Ce qu'il engendre le plus souuent c'est vn pet, qui est chose que ceux qui le font rougissent de honte & le desauoient. On mange des Naueaux diuerfement, au beurre, à la mouflarde, fricassez, & les animaux en repaissent, comme porcs, poulets d'Inde, & son aliment objecte force ventositez.

*On me cherche beaucoup afin de m'emponguer,
Et lors que l'on m'empongne on me voit dedaigner,
Mais si l'on ne me trouue on n'a si grand liesse,
Et si de m'emporter avec soy on ne laisse.*

C'est vn poux ou vne puce que l'on essaye à prendre; les tenant on les iette comme chose sale; si on ne les prend, la personne n'en est si à son aise parce que telle vermine la pique & mord, ne laissant de l'emporter avec elle.

Quand le long instrument entre en mon trou barbu,

*En langottant ie souffle, & le remuant dru
 Je lasche quelque flux avec rumeur si douce,
 Que l'on s'en reiouyst encores que i'en touffe.*

C'est vn homme qui met vne flutte dans sa bouche barbue tout autour, & faut que pour en bien iouer il remue soudainement les doigts, & ne se peut faire ainsi qu'en soufflant & langottant il ne lasche de la salie; quiconque entend le doux bruit & doux son se reiouyst: mais de la peine qu'a le ioueur il en touffe ordinairement.

*On me treuve douillette en ma tendre ieunesse,
 On iouyst de mon corps, voir sans me despouiller;
 Mais lors que ie suis vieille on me void lors fouiller:
 Car voyant mon cul noir au commun on me laisse.*

C'est la Febue nouuelle, qui est vne chose friande estant fricassée, mesme avecques la tendrette escorce. On n'en fait pas d'estat estant dure, ce que l'on connoist à son cul noir, & n'est plus bonne que pour les gros varlets & gens de iournée, pour qui on la garde le plus souuent.

*Madame le void rouge estant en grand chaleur,
 Le prend à pleine main pour le mettre en sa fente,*

*Puis ayant d'un bon coup reçu ceste liqueur,
Soufflant souspire d'aïse & n'est plus si ardente.*

C'est vne Dame ayant chaud, qui void vn verre plein de vin claret, qu'elle prend à plein poing pour le boire, & après auoir beu ce grand coup, elle souspire d'aïse, & en souffle comme l'on faict tousiours, & estant desalterée, sa chaleur n'est plus si grande.



L'ALLUSION
DV CAPITAINE LASPHRISE

A MONSIEVR DE BOIS-DAVLPHIN

*Les palmes de vertu aux illustres sont deues.
Toy l'unique (LAVAL) race des mieux connues,
Qui honores l'honneur de tes braues ayeux,
Comme l'or le saphir, & le bon fruit son tige,
Toy toute honnesteté, qui tout Amour oblige,
Prens plaisir aux plaisirs de mes carmes ioyeux.*

*Tu connoistras comment ie monstre à vne Dame
Les diuerfes façons du desir de son ame,
(Voire à d'autres qu'Amour a voulu surmonter).
Il ne faut d'interprete en si douce harmonie,
Aussi que priuément tu as peu voir l'Amie,
Et voudroy auoir mieux pour mieux te presenter.*

*P'estois en Daulphiné glorieux Capitaine,
Au premier camp vainqueur du grand Prince du MAINE
Quand i'entendy qu'auiez agguerry le guerrier ;
J'admire le beau traict de si gaye brauade,
Mais vous eustes, Madame, vne douce estocade.
La fortune souuent fauorise vn dernier.*

*On dist qu'au grand besoing la bonne Amour s'espreue ;
A ceste occasion maintenant ie vous treuve,
Ie m'offre à vous servir d'un service parfaict,
Ie vous conseilleray, i'entends l'art militaire,
Ie suis bon compagnon, ie sçay comme il faut faire ;
Ce n'est pas peu d'auoir la science & l'effaict.*

*Mais comme vn Medecin en vain donne vn remede
Au pauvre douloureux, si ce dolent ne s'aide
Ensuyuant l'ordonnance ; ainsi ie ne pourray
Alliger vostre mal qui vous rend le teinct blesme,
Si vous ne me croyez, vous efforçant vous-mesme :
Or secourez-vous donc, & ie vous secourray.*

*Quand ie vay assieger quelque ville estimée,
Ie fay bruire vn renom de ma gloire allumée,
De loin bien aduisé ie fay sommer soubz main,
S'elle veult resister, qu'elle soit difficile,
Ie donne force argent à quelqu'un de la ville,
Dont par intelligence elle est prise soudain.*

*Si quelque braue fort se tient tousiours en garde
Pour vergongner ma gloire, adonc ie me hazarde,
Ie fay bonne tranchée & de bons gabions,
Ie m'en vay serpentant pour qu'il ne me commande,
Ie gaigne pied à pied, lors il faut qu'il se rende
Quand il me void logé au bas des bastions.*

*Ou, s'il fait le mauuais, iamais il n'en eschappe.
Le iour (mesme la nuict) ie m'en vay à la sape,
Ie renuerse aisément Monsieur le fort à bas,
Ou bien cherchant le fond ie fouille creux, ie mine,*

*Quand on y met le feu, il fait beau voir la mine
Des rebelles mourans au milieu des cons bas.*

*Quand elle a bien ioué on saute l'un sur l'autre,
S'ils sont bien retranchez, dans le sang on se vautre,
Et de cul & de teste on entre viuement,
On se pousse, on s'enfonce, on s'abat, on se fouille,
On s'anime en ce ioinct, on choque, on se despouille ;
On faict trembler la terre en ce beau remuement !*

*Il n'y a pont-leuis que ie ne puisse prendre,
En ayant vn volant qu'il faut finement tendre,
Sinon comme à plusieurs qu'il y aye vn faux huis,
Ou quelque tour couverte avec grand artifice ;
Toutesfois, si ie puis y mettre la fausfice,
Je la fais bien bondir par le petit pertuis.*

*Pour sonder le fossé i'ay la pique guerriere ;
S'il est marescageux ie me retire arriere,
S'il y a de l'honneur, ie pousse audacieux,
Si bien que de mes coups ioints aux paroles graues,
L'imprenable se prend abattant les plus braues.
Qui dompte les vainqueurs est compagnon des Dieux.*

*Lors que ie suis campé sur la superbe terre,
C'est alors que ie fay diuinement la guerre ;
Le plus beau Regiment n'ose assaillir mon Gros,
Celle que i'inuestis a beau faire la fine,
Endurant les fureurs de ma grand' Couleurine,
Sans qu'elle tire aux siege' elle monstre le dos.*

Quand i'en reste vainqueur, desirable victoire,

*De peur que l'on se sauue amoindrissant ma gloire,
Je tire entrant en garde en rechargeant refous,
Sur la minuict ie donne alarmes sur alarmes,
A la belle Diane vn chacun prend les armes,
Le mot du guet saint Iean, le patron des ialoux.*

*Je patrouille parfois, ie ne fay pas la ronde
(C'est à faire à ceux-là qui commandent au monde),
Si euitay-ie bien la laide trahison;
Car sans monstrier mon feu ie vay, ie viens, j'escoute,
Je reconnoy sans cesse exempt d'aucune doute,
Je prends langue le iour près de ma garnison.*

*Je fay mon corps-de-garde auprès des aduenues,
Je pose en diuers lieux sentinelles perdues,
Que ie vay visiter sur le ventre abattu,
Craignant qu'on me descouure aux despens de ma vie.
Je cause, j'entretiens ma belle compagnie,
Je ne dors point qu'après auoir bien con battu.*

*Les approches tousiours sont les plus mal-aisées,
Quand les personnes sont au mestier bien rusées
On court fortune auant que boucler, qu'assiéger,
Il faut prendre vn moulin puis vne montagnette,
L'arche d'un petit pont, un preau, vne islette,
Et souuent au faux-bourg, où il y a danger.*

*Lors que j'ay abattu quelque grande courtine,
Craignant qu'on s'affustast dessus ceste ruine,
Et par la canonniere en occire quelqu'un,
Je tens tout à l'entour vne grand' toile usée,
Qui empesche de voir l'inuention rusée,*

Dont quand ie donne au trou il n'est sceu de pas vn.

*Je ne suis point de ceux qui vont la teste basse;
l'enfonce brauement, ie donne, ie terrasse,
Je gaigne les destroicts de diuerse façon,
Ou soit par parlement, par force, par famine,
Vainqueur du con vaincu enfin ie le domine:
Qui resiste le plus paye plus de rançon.*

*Quand la ville est pour moy, & le chasteau rebelle,
Je n'en dy mot laissant dormir la sentinelle,
I'y pose mon petard qui chargé fait beaucoup,
Car plus tant plus il treuve vne grand' resistance,
L'ayant mis à propos d'une roide assurance,
Il fait sauter, iaillir & enflammer à coup.*

*S'il faut donner bataille, Amoureux de la peine
Je cherche incontinent vne agreable plaine,
Qu'on ne prend sans gaigner vn fossé bien profond,
Encor est-il couuert d'une grosse montagne,
Où est vn bois feuillu qui orne la campagne,
Mais le combat le fouille & quelquefois le rompt.*

*Là mon canon braqué fait escarter le monde,
(Il n'est rien que l'ardeur de son feu ne confonde:)
Car rien ne se fait bien maintenant sans canon;
Aussi tost qu'on le void, on se couche, on se baisse;
Il fait belle ouuerture, il perce tout, il froisse,
Sans luy le plus vaillant n'acquiert vn beau renom.*

*Puis mon arriere garde est preste de bien faire,
Si l'ennemy vouloit en tel choc me defaire,*

*Qu'il voulust attaquer mon bataillon d'estat,
Qui est bien ordonné avecque belle ruse,
Entre le corcelet y a vne harquebuse,
La pique sans le feu ne rend vn beau combat.*

*Je suis bon escuyer, i'ay bien bonne tenue,
Si la beste farouche hautement se remue,
Je scay piquer à temps, lascher la resne aussi,
Je scay bien faire aller, ores à balotades,
A courbette, au galop, en diverses passades,
Et ores bellement sentant l'air addoucy.*

*Quand elle est prompte, ieune, orgueilleusement fiere
Ayant (à la grandeur) vne large carriere,
Alors ie suis contrainct de me tenir au crin;
Le remuement leger de la croupe mouuante
Me desarçonneroit, chose fort mal seante,
Dont il la faut piquer le soir & le matin:*

*Parce qu'il n'en est point (tant soit-elle mauuaise)
Qui la cheuauchant bien peu à peu ne s'appaise,
Dont la plus ombrageuse aime l'ombre incertain;
On la passe partout, elle n'a plus de crainte,
Et si l'on la touchoit de quelque fausse attainte,
Le vray charme croisé la guerira soudain.*

*Ce n'est en cela seul que ie suis galland homme,
J'ay mille autres vertus que la France renomme,
Je ioué comme vous du beau luc renuersé
(Non pas que ie trahisse aucunement Cythere).
Iamais les gens d'honneur n'attaquent par derriere,
Mal-heureux le vainqueur, mal-heureux le blessé!*

*Alors que vous serez de triste humeur esprise,
Le vous resjouyray, bouffy de mignotise,
Or' ie tendray le NERF, or' ie l'accourciray,
Egaulx à l'argument des vers beaux vers i'entonne,
Dessus vn chant nouveau doucement ie fredonne,
Le Prin-temps porte-fleurs est tousiours désiré.*

*L'inuente de beaux Airs que quelquefois ie montre,
Le tiens bien mon dessus avec la basse-contre,
Dont ie fay retentir le beau logis vouté;
Le redouble fort bien, ie fay plusieurs passages,
Ma taille & l'haulte-contre agréée aux mariages;
Car ie sçay le refrain doux & regringotté.*

*Le sçay le bransle gay, la volte, la courante,
Le vay bien au balet, le monde s'en contente,
Le fay la capriolle, ore bas, ore haut,
Auecque beau maintien ie danse la gaillarde,
Le ne me lasse point en sonnant toute aubade.
Jamais au braue cœur le courage ne faut.*

*Pour m'accorder aux voix mignonnes de la Muse,
I'ay prou bel instrument; i'enfle la cornemuse
Auec mon gros bourdon dont l'on fringue en tout temps,
Le mets la flute au trou, en langottant ie crache,
Le racle le boyau, mon violon s'attache,
Le vy au long n'aggrée, il sied bien mieux dedans.*

*Quand ie suis à la Cour ie vay en mascarade,
Le couure le moumon, ie tiens tout de brauade,
Et craignant de faillir ie fay sans faire bruid;
Le basse-dance vife auecques ces fillettes,*

*Par degré, au priué, aux allées secrettes,
Le iour on parlemente & l'on se rend la nuit.*

*En beaucoup d'autres points on me void plein de grace,
L'entens la Venerie, expert en ceste chasse,
Je rends ce que ie lance en peu d'heure aux abbois.
Je brosse viuement aux forests Damoiselles,
Sept en vne assemblée ont tombé dans mes toiles,
On ne peut euter l'enceinte dans mes bois.*

*Mon bon limier vigros se plaiſt dans la brifée,
Au premier coup de trompe il court à la curée ;
Il eſt membru, rablu, il eſt rouge en muſeau,
Il eſt douillet, poly, d'une couleur blanchaſtre,
Mouchetée de noir, il eſt mignon, follaſtre,
Quand il void vn relais il prend vn cœur nouveau.*

*Vous direz qu'en defaut quelquefois on demeure,
Que pour continuer ce plaifir à toute heure
Vn ſeul n'y peut fournir, tant ſoit-il bien formé ;
Tu diras verité, Déeſſe que j'adore,
Mais j'ay de bons Amis, tu preſleras encore
Con luy vaut, ton mignon, d'un chacun renommé.*

*Quand j'auray ce baueux, ce goulaffre, qui queſte
Couplé avec vigros, aimant viande preſte,
Je me vanteray lors alors au premier coup
D'eſtre le grand veneur digne de ceſt office,
N'en deſplaiſe aux picqueurs de France ma nourrice :
Car ie tiendray la beſte eſchappée à beaucoup.*

Quand ie veux recevoir quelque plaifir ſans peine,

*C'est au bourdel ombré, bien fertile garenne,
Où les lisses de Cour déguisent leurs maintiens;
Là sans abayer, là on ne faut point à prendre;
Le barbelu connin au clapier se vient rendre,
Mais on treuve bien peu de ces iolis cons nains.*

*Je fors incontinent de ma gente pochette
Mon furet affamé à la double sonnette,
Qui creté, qui friand, qui chaud, qui furieux,
Se fourre dans le trou avecques fiere monstre,
Si de cas fortuit le mignard fait rencontre,
La bourrasque se fait l'un sur l'autre enuieux.*

*Je pourroy prendre encor ceste petite beste
Sur le soir à l'espere avec vostre harbaleste,
J'ai le bandage bon, j'ay le garrot tres-fort,
Incontinent qu'il est dessus la noix cochée,
Il lasche droictement à la beste couchée,
Qui soufflant fait la morte en se debattant fort.*

*Outre cela ie sçay vne chasse plaisante,
Alors que la froidure apparoißt fort cuisante,
Je suis bon gibayeur, ie cherche les estangs,
Bien profonds bien herbus, propres pour le mesnage;
Mais les marescageux ne sont de mon visage,
L'eslongne par sus tous tous ceux-là qui sont grands.*

*Nul ne peut euter mon plaisant exercice,
Je tire en toutes eaux amoureuse delice,
Madame, vous verrez vn plaisir singulier,
Et si dedans le gay la beste fait la morte,
Goulu vostre barbet naturellement porte;*

C'est là le seul moyen pour avoir du gibier.

*Ce n'est rien de cecy, ie suis maistre pilote,
Maugré l'orgueil des vents vers ma route ie flotte,
Faisant de bande en bande avec agilité,
Ore issant le bourcet, la voile, la misenne,
Ore le papefigue, & ore ore i'ameine.
Par mon sifflet pendant on sçait ma volonté.*

*D'un coup de gouvernail ie tourne la nauire,
Ie la pousse en auant, & puis ie la retire,
Ie ne crains les efforts du grand flux & reflux,
Ie donne l'estribort, le compas me l'enseigne,
Ie connoy les mestraux brauons, ie les délaigne,
Ie ne veux point mentir, i'aime le vent dessus.*

*Quands ie cours la fortune où mon desir abonde,
Ie ne doute l'escueil caché sous la noire onde,
Afin de naufrager le voylier butineur,
Rien, rien, ie ne crains rien, on ne me peut surprendre
Que ie n'aye rendu, que ie n'aye faict rendre
Ma nef enuitaillée au riuage vainqueur.*

*Estant là ie me plais, i'ay la ligne tendue,
Ie mesle le rouget avecque la barbuë,
Descourant dextrement les iolis mannequins,
Qui d'un mot déguisé, honorant la Noblesse,
Parce que la marée est aimable sans cesse,
Ont emprunté le nom de grands vertugadins.*

*Ie ne prens point la raye, ô puanteur extrefme !
Ni le bon maquereau bien qu'un grand monde l'aime,*

*Mais quand le Cancre atteint mon friand hameçon,
Fasché ie crie haouf! maudissant pescherie,
Ie rejette la Seiche, & vous la molle Plie,
Jamais femme de cœur n'achepte ce poisson.*

*Le desireux pescheur sur la barque legere
Ne doit craindre l'orgueil de Thetys la meurtriene
Qu'il s'asseure gagner en pelerinissant;
Il verra poulignac, pelade, chancre lie,
Grincepisse, Bauiere, & venant par Surie
Il pourra rapporter quelque Ruby luisant.*

*Ie n'ay eu l'heur, chetif, d'avoir faict ce voyage,
Bien que i'aye couru la fortune volage,
Venant du haut en bas iusqu'aux pais Flandrins,
Hé! pourquoy, mais pourquoy ne me suis-ie allé rendre
Ie ne le con prens point si aimay-ie à con prendre
Icy, en toute place, & iusques aux cons fins.*

*Quand ie quitte les flots des ondes marinieres,
Que ie pesche seulet aux estroites rivières,
Ie mets dedans l'engin la perle des poissons,
Le sauoureux brochet ferme, doux & propice,
Ie prends tout à mon reth, fors l'horrible escrevice,
Ie n'aime point cela qui nage à reculons.*

*Virons le cabestan, hissons, largons l'esconte,
Alerte, appareillons, reprenons autre route,
Qui reuienne tousiours à nostre beau chemin.
On dict que vous aimez l'art de Fauconnerie,
Ie monte à toutes mains, i'entens la Volerie.
On m'admire à l'entrée, on m'adore à la fin.*

*Mon lasnier maheuté a la ferre si forte,
Qu'il abat tous oiseaux d'une viflesse accorte;
Vray est qu'il craind vn peu le dangereux faux con,
Dont l'outrageuse main est assez reconnuë,
Je ne le mis iamais dans la purgeante muë,
Je luy ay bien donné le ioly chaperon.*

*S'il vous plaiſt voir iouer en bonne compagnie,
J'entens fort bien la paulme ayant belle partie,
Je bande roidement, ie donne le reuers
Je ne ſuis point fautier, j'ay la bricolle prompte,
Je prens l'esteuf au bond craignant la laide honte,
Je mets dans la belouſe à l'heure que ie ſers.*

*Qui ioué en ce tripot d'une ardeur continuë,
Il ſe corrompt laſſé; la violence tuë,
Meſme l'eſprit ioyeux en deuient plein d'eſmoy;
Si me play-ie au ballon que j'enfle d'arniüë,
Mettant dedans ſon trou ma ſeringue mouillée,
Quand ie le iette à bas il bondiſt maugré moy.*

*Je ſçay bien dauantage, en quelque part que j'aïlle,
Je gaigne les gaigneurs au jeu de Pallemaille,
Mon mail bien emmanché fait des coups merueilleux,
Ma lieue enlaïue bien, ſi bien que j'outrepasse,
Je débute aſſeuré touſiours j'entre en la paſſe,
Tant plus elle eſt petite, & plus ie l'aime mieux.*

*Je prime au jeu de prime, & je ſay de ma reſte,
Je gaigne au plaifant flux, mon gain eſt manifeſte,
Et ſur la fin du mois mon jeu va iuſqu'au cent,
Morniflant tout me ſert, j'ay quelquefois barbouille,*

*Qui ioué avecques moy il faut qu'il se despouille,
Le parieur s'eschauffe, & chacun le consent.*

*Le changement agréé, aucunesfois ie ioué
Aux Tarots teste à teste & tousiours ie secoué
L'ame affectionnée en si doux passe-temps,
S'elle veut mon bagat ie triomphe sur elle,
Je fay tousiours atout d'une façon si belle
Que perdant ie me sauue en me mocquant des lans.*

*Je ioué au i'ay, au poinct, fredonnant ie triconne,
Je n'aime le grand poinct, ni la ronfle si bonne,
J'ay tousiours vn beau i'ay, approchant mon desir,
Quand ie ioué à la belle, ô Dieux ! quelle allegresse ?
Je truque fort au truc, & iamais ie ne cesse
De m'esbattre en tous lieux quelquefois pour plaisir.*

*Je ioué au lansquenet, voire à la condannade,
Car ie deuine bien, i'entends la reuirade,
J'en croy ceste beauté qui tient si bien son rang,
Qui perd le souuenir d'une chose si belle ;
Je me trompe vrayment, elle est spirituelle ;
Car ie luy ay donné du subtil de mon sang.*

*Je suis Grec aux eschets, de mon pion ie matte,
Au saut du Cheualier il faut que ie m'esbatte,
Et puis au trou madame (humble occupation)
Si l'enjeu vaut beaucoup i'entre dans le neufiesme,
Sans faillir ie redouble avec honneur supresme.
On prise aux beaux effects la grande ambition.*

L'entre & choque au billard voyant belle monnoye,

*Je bransle aux beaux ionchets perdant avecque ioye;
Mais ie suis singulier aux martres, jeu commun,
Je bicque auprès du monde, & sans qu'il m'apperçoive
Je fay la porte franche, afin qu'on me reçoive,
Je change, ie bondis aux despens d'un chacun.*

*Mes passetemps ne sont d'eschines morfondues,
Le tric-trac qui fait lan, les dames rabattues,
Où ie me suis gentil gentiment esprouvé,
Le forçat est ioyeux, le plaisant recreable,
Jamais ie ne m'ennuye en cest esbat aimable:
Car le ieu du damier se ioué à cu leué.*

*Puis donc que nous auons si grande sympathie,
Viuons passans pays, viuons, ie vous supplie,
Vous aurez avec moy des gracieux plaisirs,
Et si comme plusieurs vous disiez d'adventure
Que ces douces douceurs ne donnent nourriture,
J'espere contenter le feu de voz desirs.*

*Car moy, moy tout sçauant ie sçay le necessaire,
Si doncques vous auez quelque importante affaire,
Quelque sac embrouillé, quelque paillard procès,
Cela, qu'est-ce cela? Pay la Iurisprudence,
Les loix logent chez moy, l'on m'appelle eloquence,
C'est pourquoy l'on me void si souuent au palais.*

*Je conserue le droict aux Dames gracieuses,
Paroissant au parquet ardemment copieuses,
Qui ne faillent iamais aux assignations.
Je ne consulte point pour de petites choses;
Quand il me faut dependre aux principales causes,*

Alors i'ay corps pour corps de bonnes cautions.

*La personne qui fait sottement la galande,
Ne voulant con paroistre, elle paye l'amende,
Mais à l'adiournement qu'on nomme personnel,
Il se faut presenter sur peines qui sont grosses :
Car pour cela l'on entre au cu des basses fosses
Maugré l'effort plus fort du costumier appel.*

*On n'excepte personne aux villes bien réglées,
Ni à la Cour où sont les belles assemblées,
On ne recule point, on obserue l'edict,
Aussitost que poulet adjourne la partie,
Elle s'en vient au siege où elle s'humilie,
Mesme on va proceder iusques dedans le liç.*

*Par vn con mittimus i'exhibe toutes pieces,
Si i'appointe aisément, i'entre alors en lieffes,
J'aime le con tenu mieux que le con promis,
Au criminel sans grace il n'est point de remedes,
Je vay du Parlement dedans la Cour des Aides,
On con fronte, on recole, on con signe entre amis.*

*Je puis ce que ie veux, la peine m'est plaisante,
J'informe, & puis i'escry de ma plume sçauante,
Je ne manque iamais d'encre, ni de papier,
J'ay le bon ganimal, i'ay le cornet duifable,
Mais craignant de chomer en ce trauail aimable,
Je vous pry', preslez-moy vostre ioly encrier.*

*Je besongne en beau temps ayant l'œuure de mesme,
Je ne chomme iamais que iusques au septiesme.*

*Le bien n'est bien acquis sans penibles efforts ;
Aussi toute personne, & la femme sur toute,
En gaigne travaillant, suant à grosse goutte,
La femme porte-faix n'espargne point son corps.*

*L'orgueilleuse au grand cœur aime à venir aux prises.
L'humble s'abaisse bas, n'aimant point les feintises,
Et la poureuse encor' seule n'ose coucher,
La liberale donne, en tous lieux elle preste,
La mesnagere met gros & grands à l'emplète,
La Courtisane en veut encore qu'il soit cher.*

*La Celeste Nonnain, qui n'est plus de ce monde,
Ne veut ouyr parler de la matiere ronde,
Toujours avant Con plie elle abhorre l'erreur.
S'elle ieusne elle inuoque, elle fait bien l'aumone ;
Elle chasse par là le Turc de Babylone,
Et reçoit à con fesse vn entier Createur.*

*La honteuse honorable aime à couvrir sa honte,
Et souuent d'un coquin, de qui l'on ne fait conte ;
La Papiste bigotte aime fort l'aspergès ;
L'Atheiste ne croit sans voir de près l'essence ;
L'Hypocrite à toute heure ombrage son offence ;
La Huguenotte veut de la chair en tous mets.*

*La gourmande veut tout pour sa pance affamée,
La sobre d'un petit n'est pas rassasiée,
La friande aime bien les andouilles de Trois,
La dolente sans fin aualle le breuuage,
La patiente endure & souffre davantage,
L'ambitieuse en veut demy pied quatre doigts.*

*Que defirez-vous plus ? i'entens le bon mefnage,
Je ſçay proigner la vigne, & ſçay le labourage,
J'ay vn foc acéré, mon verçoy verſe-tout,
J'ay l'aiguillon poignant, i'ay vn foyt admirable,
J'ay beſoin ſeulement de terre cultiuable :
Car i'ay vn bon harnais qui eſt touſiours debout.*

*Je defrouche aſſez bien la bonne terre en fraîche,
Je ſeme eſpais mon grain, car ie ne ſuis point chiche ;
Meſmes deſſus les champs qui ſont bien façonnez,
La motte du gueret doit eſtre releuée,
Les gazons esbarbez en terre cultivée
Plaiſent aux laboureurs fort affectionnez.*

*Les couurailles ſe font iuſqu'à la fin d'Automne ;
Quand on met le reſin dedans la creuſe tonne,
Pour emplir le poinçon i'ay vn bon entonnoür,
Comme vous ſur tous vins i'aime le vin de gouste,
Du vin tant preſſuré la rape nous degouſte,
Si eſtregnay-ie bien la motte au preſſoür.*

*Je meine paître après les brebis camuſettes
(Non dans l'vnique pré eſmaillé de fleurettes) ;
Car trop i'eſtime trop ce plaſant patureau,
Deſiré des bergers, enuié des bergeres,
Qui tondent comme toy les oyſes paſſageres,
La pluſpart toutesfois garde bien ſon troupeau.*

*La grand' bergere tient vn berger de defence,
Et le matin d'attache abayant ſans offence,
La chambriere auſſi qui ſçait faire bon guet,
Chacune a le paſteur bien fourny de houlette,*

*Encore y en a-il qui veulent la fillette,
Et qui n'a rien s'amuse à gratter son goret.*

*Après m'estre esueillé ie vais à la fontaine,
I'y boy deux ou trois coups sans reprendre l'haleine,
Puis ie me mire au iour de son front cristalin,
Ie m'affieds sur le bord maniant l'herbe tendre,
Ie me plais près ceste onde où l'on me void entendre
Par con duiçts, par tuyaux, l'eau s'escoule au iardin.*

*En ce champ ie con fons, & y voulant con fondre,
I'y vy vn fou tondant la chose qu'il faut tondre,
Qui me monstroît le cu du curé iardinant,
Lequel tondoit près luy l'herbelette qui tremble,
Dont ie luy dis alors : Ça ! fou, tondons ensemble ;
La bordure tondue agréée maintenant.*

*Quand vous serez malade, expert en Medecine,
Ie taste bien le pouls, ie connoy à l'vrine ;
I'ordonne incontinent au sire Priapeur,
Le catce rafraichist le foye & la membrane,
Puis ie fay éuanter la veine mediane,
Ie corrige par là toute peccante humeur.*

*Si vous estes naurée, enfant de Podalyre,
Ie gueriray la playe, afin qu'on ne souspire,
Fust-ce en solution de continuité,
L'vnguent de mon boitier, avec la tante exquisite,
La plus grande fistule en l'instant cicatrise,
Mon iniection rend l'aggreable santé.*

Il est vray que beaucoup ont ceste maladie,

*Que i'appelle à la Cour la douce hydropisie,
Et sont subiectes fort au mal contagieux,
Mal caduc, mal S. Ian, haut mal qui fait abattre,
Qui les fait esleumer, & qui les fait débattre,
Dont le fidele Hymen s'eslongne de leurs yeux.*

*Incredule beauté, qui portez couleur pasle,
Voyez l'entrée vn iour du bon Roy Ithyphale
Et vous aurez soudain la disposition ;
Fussiez-vous aux abbois, en extreme agonie ;
Car luy, luy tout diuin, compose l'eau de vie,
Qu'il donne à ce qu'il aime enflé d'affection.*

*C'est le pere du monde, il est bien raisonnable
De luy faire souuent quelque hommage honorable,
Et à son compaignon, ressource des humains,
Iardinet que i'adore, & qu'vnique i'appelle,
Il n'est iour qu'à genoux ie n'offre ma chandelle
Deuant son bel Autel con sacré des plus sains.*

*Vous poétisez bien, vos œuures sont plaisantes,
On les achepte cher pour estre doux-coulantes.
La cheuille n'est là (qu'en parenthesisant)
Qui cœuure l'honneur grand de la science obscure.
La sentence est auprès de la docte figure,
Toute fors Synecdoch' vous plaiſt en composant.*

*Vous aimez les grands vers qui piquans vous chatouillent,
S'ils sont rudes, grossiers, pourueu qu'ils ne barbouillent.
Vous les retenez tant que vous en accouchez,
Vous en faictes deuant, vous en faictes derriere,
De la corne de Cerf, on les met en lumiere*

Par le beau fondement d'où vous les approchez.

*Encores m'a-t'on-dit qu'êtes bien charitable,
Que vous couvrez les nuds, que vous leur tenez table,
Que, belle, vous aimez vos voisins comme vous,
Que vous rendez ioyeux l'affligé plein d'opresse,
Que vous logez l'aveugle avecques allegresse,
Et que vous employez vostre honneur enuers tous.*

*Estimable vertu (digne de ma louange) !
Mais, Madame, escoutez la mienne sainte-estrange
Dont vous pourrez auoir la consolation,
Je veux, ne puis-ie pas, par mes graues paroles
Coniurer les démons d'entrer en mes escoles,
Et selon mon plaisir mettre en tentation.*

*S'à l'inuocation vous preslez les oreilles,
Vos yeux brillans verront de plus grandes merueilles,
Car ie mettray le diable au profond de l'enfer.
Le rustre ne faudra de s'y engouffrer viste,
Je l'en retireray iettant de l'eau beniste,
Ceste onde est agreable à l'Amour lucifer.*

*C'est trop dit, ie me perds ; les paroles femelles
Sans les masles effets ne scauroyent estre belles,
Il faut, il faut con vaincre, hardiment assaillir
(Con vaincre toutesfois est chose difficile),
Mais moy, l'unique moy, tout en tout plus habile,
Je vous veux faire voir que ie ne puis faillir.*

*Je saute allegrement, iamais ie ne m'efforce,
Je lutte corps à corps, ie carillonne à force,*

*Par Dieu (ie iure icy) si vous sçauiez comment
Le brinbale au dortoyr, vous voudriez, ie m'asseure,
Biscotter avec moy quelque petit quart d'heure.
On peut en moins de rien con battre brauement.*

*Le t'importuneroy au bal de ceste feste,
Mais parce qu'à te voir tu me sembles honneste,
Et nourrie à la Cour ennemie au soucy,
Le me contenteray ne t'avoir dict ma vie,
Mais toutesfois mon cœur, pouponne, ie vous prie,
Que vous portiez au moins en ma faueur cecy.*

*Le patron du creon de ma digne peinture,
Ou que ie peigne au vif vostre belle figure,
Le tire au naturel de mon ioly pinceau.
Le ne l'ay si tost mis dans la coquille ouuerte,
Que ie ne fasse bien; car mon huile est experte,
Et si ie rends le teinct plus vermeillement beau.*

*Bien que ce soit le propre à la femme de prendre,
Si tu crains toutesfois qu'un blasme s'en engendre,
Le ne suis si honteux, en parle qui voudra,
Fay-moy doncques present de ta bague en ouale
Afin d'accompagner ma pierre Orientale,
Puis ie feray après tout cela qu'il faudra.*

*Ne me refuse pas, Astre de ma lumiere,
Lors que le soldat porte vne enseigne guerriere
(Bien qu'il soit cher enfant du furieux Mauors),
Superbe il monte mieux à la breche effroyable;
L'en vseray ainsi si tu m'es fauorable.
Par la douce faueur les foibles se font forts.*

*Je t'iray doncques voir dans ta terre connue,
Troufotier beau país d'incroyable estendue,
Pour l'Amour de l'honneur ie marche à fort grand train,
Il ne faut pour cela augmenter l'ordinaire,
Le surcroy à l'entrée est pourtant necessaire,
C'est au commencement qu'il faut paroistre bien.*

*Je feray chere entiere en la salle, en la chambre,
La nature aime fort la chair d'un beau gros membre,
Je sçay hacher menu faisant venir le ius,
L'entre-vit du cochon rend nostre ame gaillarde,
Le morceau de boudin avecques la moustarde,
Et le pasté en pot arroufé de verjus.*

*Voylà mes appetits, ma Dame, ma cousine,
On en faict (ce dict-on) dedans vostre cuisine
De diuerfes façons pour vos diuers repas,
Je sçauray s'il est vray, si douce tu m'accostes,
Chaque iour si ie veux : car ie cours plusieurs postes
Sans mettre aucunement mon beau coussinet bas.*

*En attendant cela approchez-vous, mignarde !
Je suis prompt, ie suis vif, i'ay l'humeur fretillarde.
Çà ! que ie vous culbute, il vous faut donc raurir ;
Je vous tiens, mon tonnant ; ma fy tu es mon ame !
Qu'en dis-tu, Iolion ? tu te meurs, tu te pasme ;
C'est cecy qu'à la Cour on appelle seruir.*

*Rions après le coup, comme le coq qui chante
Ne songe en l'Almanach, nous passerons nonante !
Sept ans avant la fin on a sterilité ;
Les filles aux doux yeux sont pudiquement belles,*

*Et nous sommes au temps des inchaſtes pucelles,
Vn monde d'auortons faiſt voir ma verité.*

*Vos premiers ſeruiteurs n'entendoyent pas l'hiſtoire,
Bien qu'ils euſſent ſué dans l'ardent purgatoire,
Œauoyent-ils comme moy ce farſouillant deſtour,
Ce beau bransle poupin, ceſte alte chatouillante,
Ce remuement leger, ceſte grace blutante?
Vn dedans, deux dehors, c'eſt le ieu de la Cour.*





DIVERSES STANCES

D'AMOUR

*Je n'aime point la personne qui blasme,
Ni qui sans front deçà delà diffame
Ce qui est hors du combat redouté ;
Je n'aime aussi ces conteurs de friuoles,
Ces flagorneurs, ces doubles en paroles :
On doit aimer qui dit la vérité.*

*O Vérité ! Déesse peu connue,
Belle, c'est vous qu'humblement ie saluë,
Pour vous prier de venir voir mes vers.
Qui mesdira de leur voix véritable,
Comme effronté sera plus mesprisable.
On doit fuyr le mensonger peruers.*

*Des blasonneurs ie ne fais point de conte ;
Car mon honneur, essence de leur honte,
Ne dépend pas de leur intention ;
Je diray donc, pris de vérité saine,
Que l'Amour fort, dont j'ay senty l'attaincte,
N'habite en nous sans grande passion.*

*Si vn mary aime beaucoup sa femme,
Si vn Amant desire fort sa Dame,
Il est, il fust, ou doit estre ialoux;
Si elle rid pleine d'une humeur belle,
Il iuge alors qu'elle a bonne nouvelle
De quelque Amy agreablement doux.*

*Si elle pleure, il la croit irritée
Pour son Mignon, qui ne l'a visitée;
Si elle dort, c'est qu'elle songe en luy;
Si elle escrit, elle escrit à luy-mesme;
Si elle lit pour tromper le temps blesme,
C'est pour couvrir son Amoureux ennuy.*

*Si chuchottant elle parle, il frissonne;
Changeant couleur, il escoute, il soupçonne,
C'est l'hoste, hélas! d'un eternal soucy;
Car le chetif est si gonflé d'encombre,
Qu'il est ialoux seulement de son ombre,
Et la ialouse en use tout ainsi.*

*Si vn meschant auoit tué mon pere,
Qu'il eust couppé les cheueux de ma mere,
Mangé mon bien, & violé mes sœurs,
Premierement que luy oster la vie,
Je le voudroy, bouffy de ialousie,
Pire trop plus que tous autres mal-heurs.*

*Las! est-ce viure? hélas! ce n'est pas estre,
Qu'en se plaignant à toute heure, paroistre,
Gros de brouillars, de rages oppressé,
Dormir en l'air, manger de mesme sorte,*

*Avoir toujours le soupçon à sa porte,
Marcher confus comme vn pauvre insensé.*

*Mais puis qu'Amour enfante ceste peine,
Sçachons d'où vient son audace inhumaine,
D'où vient Amour tant & tant desiré.
Le vray surjon de son ardente flamme
Premierement procede de la femme
(Beauté qui m'a tant de fois martyré).*

*Or si quelqu'un est tellement infame
Qu'il soit vaincu des douceurs de la femme,
N'estant plus homme il n'a plus de raison;
Mais emporté de telle frenesie,
Il se rend serf d'ire & de ialousie,
Et des enfers de si chere poison.*

*Voilà pourquoy ie mesprise les femmes,
Bien que ie sois plein d'Amoureuses flammes,
Dont abusé ie me vay consumant,
Estant ainsi que le triste hydropique,
Qui iour & nuict trop alteré pratique
L'eau qui le met au palle monument.*

*La femme humide, orgueil qui tout surmonte,
N'est tant que l'homme à la volupté prompte,
Mais le froid marbre eschauffé ardemment
Retient bien mieux la chaleur allumée
Que le plomb chaud; & l'Amante enflammée
Garde l'ardeur plus que ne fait l'Amant.*

On ne sçauroit assouvir son courage,

*Depuis qu'elle est animée au carnage,
Cent mille flots n'englaceroient ses feux ;
Comme vn cloaque engloutist tout ordure,
La femme ainsi addonnée à Luxure
Reçoit, vilaine, vn monde d'Amoureux.*

*Ce qui induit les femmes enuieuses
Aux grands surcrais des douceurs Amoureuses,
C'est qu'on les tient subiectes nuit & iour.
Le prisonnier la liberté regrette ;
Plus on l'enferme, & plus il la souhaite ;
Tout ainsi font les femmes en Amour,*

*Qui voudra donc, estant en mariage,
N'estre tant serf du cornu cocuage,
Qu'il se refie en sa femme tousiours.
S'il est ialoux, toutes les sentinelles,
Les forts plus forts, toutes les citadelles
Ne garderont qu'il n'ait rival d'Amours.*

*Qui me niera où est sa Dame aimable
Qu'en luy donnant, en endroit conuenable,
Cent mille escus pour iouyr de son corps,
Qui fist la chaste ? Hé ! qu'elle n'auroit garde !
Ains tresbuchante avec humeur gaillarde,
Elle mettroit vn dedans, deux dehors.*

*De mesme aussi, des petites aux grandes,
Cent millions de bon or pour offrandes
Pourroyent flechir vne Principauté ;
Mais de fortune, au fier temps où nous sommes,
Il n'est besoin de tant de grosses sommes ;*

Rien n'est si cher que la commodité.

*Qui trouuera dans la superbe terre
Lieu conuenable à l'Amoureuse guerre,
S'il a du cœur il ne peut s'excuser.
Nous aurons bien grace plus accomplie;
Car deormais les Dames que l'on prie
Supplieront l'homme afin de les baiser.*

*Qui voudra donc estre aimé de chacune,
Qu'en tous endroicts il pousse sa fortune,
Et qu'on le die honnestement sous main,
Pour estre hay sans qu'on querelle ou plaide,
Il faut sans plus l'appeler vieille ou layde;
Cela luy deult plus qu'un nom de putain.*

*Mais il vaut mieux estre neutre avec elles:
Car leurs faueurs, leurs despites querelles
Ne sçauroient pas ni nuire, ni aider.
On perd le temps (chose qui est plus chere)
En recherchant ceste troupe legere;
Heureux trois fois qui s'en peut engarder.*

*Je ne suis point ennemy de ces filles;
Je desire estre en leurs graces gentilles;
Mais en voulant me lier en leurs laqs,
Je feroys lors comme un bon Capitaine,
Qui, preuoyant la paix souslage-peine,
Se retirant licence ses soldats.*

*Il y en a qui font bien au contraire,
Feignant lier une ame volontaire,*

*Ils ont la fleur dont quelque autre a le fruit,
Et puis après forgent vne querelle,
Afin d'ombrer leur parole infidelle;
Voilà comment le bon saint Jean reluit.*

*Je ne voy rien dans le LOVRE que braue,
Je n'entens rien que seruiteur, qu'esclau;
Chaque fille a cinquante Courtisans.
Mais vn mary mal-aisément se treuve;
Car peu, fort peu veulent femme à l'espreuve,
Qui se peut faire avecques beaux presens.*

*Vn diamant avec vne Elegie
Fait tost iouyr d'une Amoureuse enuie;
Aussi n'est-il vn plus excellent don:
Car par les biens nous viuons en franchise,
La Muse après brauement éternise;
L'or & Phœbus surmontent Cupidon.*

*Ainsi l'honneur des plus honnestes Dames
Gist en l'argent, enrichy d'Epigrammes
(Bien qu'un bien seul les puisse conquerir).
Vous donc, ô vous, ma Dame la pudique,
Pardonnez-moy si ie vous dy publique;
Car l'or commun vous peut toute acquerir.*

*Il me suffit; ie vous ay fait entendre
D'où le desir delicieux s'engendre,
Pour borne icy ie le rediray mieux:
L'aveugle Amour vient des yeux pleins de flambes;
Il sort rauy par l'entre-deux des iambes,
Qui iouyt bien n'est plus bien Amoureux.*

*Toy donc, qui dis que Cupidon t'enflamme,
Embrasse fort, embrasse quelque femme ;
Ton feu cruel s'esleindra gayement,
Tu te riras des ardeurs amoureuses,
Comme l'on void les Dames dédaigneuses,
Pour auoir eu ce doux contentement.*





SVR LE FLEAV FEMININ

*Si composant ces vers j'ay faict vne folie,
Femmes, accusez-en l'Enfer de vostre trou,
Qui de iour qui de nuict donne à chacun l'enuie
De faire par humeurs diuerfement le fou.*





FLEAV FEMININ

PAR LE CAPITAINE LASPHRISE

Femme, Fiebre, Fureur, Flamme, Faim & Froidure
Sont six maux feminins par qui le monde endure.
*Du premier nous avons double damnation,
Du second les douleurs d'estrange passion,
Du tiers sommes destruits pour trop vouloir pretendre,
Du quatriesme on nous voit souuent reduits en cendre,
Du cinquiesme mourons en miserables maux,
Du sixiesme noyez par le glacis des eaux.
En tous ces fiers tourmens il se trouue remede,
Fors au premier, cruel qui tous mal-heurs excede.
La fiebre ne peut pas tousiours nous allumer,
Fust-elle pestilente on la peut consommer
Par drogue, par saignée, ou bonne medecine.
La cruelle fureur n'est sans cesse mutine ;
Car la guerre s'appaise ; hé ! quoy ? n'est-elle pas
Communément changée en gracieux esbas ?
Son orgueil par orgueil se peut aussi refraindre ;
Toute bruslante flamme on peut de mesme esteindre,
La gloutonne famine en tout temps ne paroist,
Encor l'affouit-on, & peu à peu décroist.*

*La froidure, eau glacée & l'onde toute froide
S'arreste, s'alentist, tant coure-t-elle roide.
Voilà : toute douleur se peut diminuer,
Fors le fleau par femme. On ne sçauroit muer
Son traistre naturel, bourreau de nostre vie,
Par force, par douceur, ni par autre industrie.
Qui le veut eschanger abuse son cerueau,
Et fait comme celuy laissant choir son anneau
Dans la profonde mer, lequel tant plus s'essaye
A le vouloir reprendre, & plus il perd sa voye:
Tout de mesme vrayment, tout le mesme fera,
Qui au cœur féminin le sien adressera.
Mais qui se peut garder d'une femme sçauante,
Qui a l'œil doux, riant, qui a l'ame attrayante?
Non pas quand ce seroit, ce croy-ie, vn mesme Dieu.
Regardez, ie vous pry', ce grand Prophete Hebreu,
Dauid, ce grand guerrier, luy qui pour Bersabée
Sentit de l'Eternel la colere enflambée;
Adam le plus parfait a par vne offensé,
Le sage Salomon en deuint insensé.
Qui s'en peut empescher? ses appas & ses charmes
Domptent la sainteté & la force des armes.
Samson le plus puissant, qui si fort a vescu,
Par DALILE soudain vergongneux fust vaincu.
Vne autre fust de Loth ainsi victorieuse.
Par elle seule Iob d'ame religieuse,
Que mesme l'Antechrist n'auoit sceu esbranler,
Et de sa simple humeur faire en rien vaciller,
A murmuré beaucoup, & par la femme encore
Saint Pierre a renié Iesus-Christ que i'adore.
L'incomparable Hercule, inuincible vainqueur,
D'Iole fust taché, puis sa mortelle ardeur,*

Cesar qui par l'espée acquist telle victoire
Que l'on combat son nom d'Imperiale gloire,
Par la femme attiré dedans les rhets d'Amour
Faillit à se briser en tombant d'une tour ;
Mais Achille plus grand, si superbe en proüesse,
Qu'on tenoit comme un Dieu, que sa mere Déesse,
Pour le rendre immortel, porta au preux Chiron,
A faict par Briseis le fat & le poltron.
Et voyez, mes Amis, la belle Cléopatre,
Qui Anthoine rendit tellement idolatre,
Que, sous ombre d'un rien, se feignant au tombeau,
Le fist, ô fier destin ! de soy-mesme bourreau.
Pandore (ce dict-on) ouurit d'enuie immonde
La bouëtte épandant la maladie au monde,
Et pour voir mieux la femme, il faudroit voir Cypris,
Que chaque Dame adore. Elle eust les sens espris
D'un ieune Bergerot couchant dessus la dure,
De Mars, le Dieu d'honneur, elle n'a plus de cure ;
Cest autre est son desir, son cœur, son tout, ses yeux ;
Sa cabane luy plaist cent fois plus que les cieux, .
Elle brusle, elle meurt d'Amoureuse furie,
Et puis, quand par desastre Adon perdit la vie,
On eust dict, auisant ses larmes, ses sanglots,
Ses souspirs, ses regrets, ses gestes, ses propos,
Qu'Amour iamais Amour n'allumeroit sa flamme ;
C'eust esté mortel crime en soupçonner son ame !
Et toutesfois le mort n'estoit pas mort quasi
Qu'une nouvelle ardeur son courage a saisi,
Oubliant le chasseur qui l'auoit si bien prise,
Pour aimer un bouvier, le Phrygien Anchise.
Ligde vsoit sagement de vouloir le berceau
Estre aux filles soudain le funeste tombeau.

*Mais il ne se devoit fier en Teletuse ;
Car la femme infidele est trop pleine de ruse,
Elle sceut esmouuoir par ses gemissemens
La Déesse qui peut sur les accouchemens,
Qui trop par trop piteuse à ceste geniture
De l'enfant déguisé eschangea la nature.
Helene fit perir les siens & son Paris,
Les filles d'Egyptus tuerent leurs maris,
Il y en a de mesme vne innombrable exemple :
Tesmoin saint Jean Baptiste. Enfin que l'on contemple,
Pour prouuer ce fleau d'un fard pippeur caché,
Que la femme au cœur saint fist le premier peché.
Eue (tel est son nom) qui fust née innocente
Par les mains du grand Dieu, si desobeissante
Qu'elle ne peust sans faute vn instant demeurer,
Et non contente encor son mary fist errer
(Erreur qu'incessamment nous portons mal-heureuse
Pour auoir voulu croire à la femme enuieuse).
Qu'on ne blasme en ce lieu l'homme plein d'amitié ;
Où est qui penseroit que sa mesme moitié
Le trahist meschamment ? Croïroy-ie ma main dextre
Estre faicte, ô bons Dieux ! pour couper ma fenestre ?
Au commencement donc de la creation
La femme fust inique, aimant la fiction,
Après de iour en iour elle se monstra pire,
Et plus subsequemment que l'on ne scauroit dire.
Or si Eue innocente, œuvre du Createur,
N'a peu viure vn moment sans detestable erreur,
Comment s'en garderoient celles dont la naissance
Vient par la puanteur de fragile semence ?
Chose toute impossible ! & aussi void-on bien
Son vice qui pullule en ce val terrien,*

*Le defastre & le mal où elle nous enferre.
D'elle l'enfer sourdit, d'elle l'auons sur terre,
Donc d'elle nous souffrons double damnation.
Qui pourroit supporter son imperfection?
Comme cil qui voudroit combattre la tempeste
Faisant la reuerence avec parolle honneste.
Encores par faisons void-on l'onde calmer;
Elle de plus en plus ne se fait qu'animer,
Cestuy-là est vrayment de sens paralytique
Qui endure l'orgueil d'Animal tant inique,
Qui de son poil occist les iustes innocens.
De ses cheueux pourris s'engendrent des serpens,
C'est (ce croy-ie) pourquoy le destin en ordonne
(Ainsi qu'à ses deux sœurs) à l'orde Thysiphonne,
Et m'esbahis comment le sage Socratais,
En riant supportoit ses œuvres imparfaits.
Sa femme vn iour bruyant avec menace rude,
Il ne respondit rien, attentif à l'estude,
Dont elle despitée empoigna vn grand seau,
Et furieusement luy ietta toute l'eau:
T'esbahis-tu, dit-il, à la troupe esbahie,
Si après le tonnerre il survient de la pluye?
Platon, Hyppocrates, si grand & si diuin,
Ayant examiné la femme au cœur malin,
Di& ne sçauoir le rang où elle est colloquable,
S'il est du dur brutal ou du bon raisonnable.
Il accusoit Nature, & puis d'un subtil art
Disoit qu'en la faisant elle auoit eu esgard
A delectation pour croistre le lignage,
Plus que pour la bonté d'un Amour si volage,
Ayant ie ne sçay quoy dans l'intestin honteux,
A toute heure mouuant, insatiable aux ieux*

*Que Cyprine desire, & en qui elle est née.
Bien que sa femme fust d'honorable lignée,
Il la recommandoit à vn de ses amis,
L'enuoyant à sa mere absentant le païs,
Non que i'en aye object d'un infidele blasme,
Mais, dit-il, mon Amy, à cause qu'elle est femme.
Et les Romains, voyant sa fresle opinion,
La forclurent d'auoir nulle succession.
Pharamond, par la loy qu'on appelle Salique,
L'a deboutée ainsi du throsne magnifique,
En France, en quelques lieux, près DVRE mesmement
La femme au double cœur n'herite nullement.
Les Saints n'ont pas voulu qu'elle regist l'Eglise,
Vne infame paruint qui au Tybre fut mise.
Le Philosophe encor luy defend son sçauoir,
Et le Iurisconsulte, où elle n'a que voir,
Le barbare l'esclaue, & de rien ne dispose,
Et de son paradis Mahomet l'a forclosé;
Bref presque tout le monde, au vent de sa fierté,
N'a voulu luy permettre aucune autorité,
La connoissant plus propre à l'Amoureux office,
Qu'à regir, qu'à prescher, qu'à sçauoir, qu'à iustice.
On dira, par merueille, vne a prophetisé;
Telle a iugé, vaincu, en habit deguisé.
On en dira quelqu'une en sçauoir singuliere,
Quelque autre ennoblissant, l'autre digne guerriere,
L'autre sainte, pudique, & bien qu'il soit connu,
Tout cecy est miracle & par hasard venu.
Puis il ne s'ensuit pas qu'une gaye Hirondelle
Auant-coure seulette vne saison nouuelle.
Qu'on prouue, si l'on veut, son peché souuerain;
Nostre damnation vient pourtant de sa main.*

*Feminin, chante-nous l'Amazonne Asienne,
Et la pudicité de la braue Lorraine,
Si doit-on s'esbair que ce petit troupeau
N'a crû depuis ce temps redeuenant plus beau ;
Car clairement on seme Essence si louée * ;
Elle a donc beau venir s'elle n'est enclouée.
Feminin, chante-nous que d'elle nous naissons,
Que doncques par la femme au monde paroissions.
Si l'homme pouuoit naistre entre plus fiere beste,
Il n'en seroit que plus habilement honneste,
Et n'est moins pour entrer en son gouffre punais.
Le beau Soleil va bien dans les sales retrais,
En perd-il pour cela sa grandeur accomplie,
Qui sur tout, toute chose, en tous lieux viuifie ?
De l'eau salée en mer ne vois-tu pas pecher
Du poisson le plus doux qu'on estime plus cher ?
Ne vois-tu pas sortir, de terre tres-meschante,
Le bon arbre fructier & la meilleure plante ?
Car la vigne, qui est hors de comparaison,
En maigre sable apporte vn vin sur tout vin bon.
L'excellent diamant vient d'une roche dure,
La perle en l'eau marine, & l'or, sans nulle iniure,
Sort d'un puant terroir ; le clair argent aussi ;
La chose belle sort de la plus laide ainsi ;
Dont l'homme plus parfait sort de femme imparfaite,
Pour plus faire admirer l'ouurage & le Poëte.
Priseroit-l'on tant l'or si sa miniere estoit
Aussi pure que luy ? on le negligeroit.
La beauté se fait voir tousiours par son contraire.*

* Qui sert pour de l'argent, ne se prenant là pour louange,
ains pour louage.

La nuit faict estimer le iour qui nous esclaire.
 Desestimant la femme ainsi l'homme est prisé;
 Par le vent de la femme on void l'homme posé,
 C'est l'unique bon-heur que nous receuons d'elle,
 Il n'auroit iamais faict qui diroit sa cautelle;
 Qui entreprend nommer ses faicts malicieux
 Aura plustost nombré les estoilles des Cieux,
 Les poissons de la mer, les bestes terriennes,
 Le fueillage des bois, le sablon, les areines,
 L'herbe, les fleurs de May, aux prez & aux forès,
 Et les dons iaumissans de la riche Cerès.
 Je veux en peu de mots son naturel apprendre,
 Qui donneront icy facilement entendre
 Et sa vie & le cours de toute son humeur.
 Elle est le mesme vice & le mesme mal-heur,
 Deux beaux tiltres vrayment, & qui valent la peine
 D'en faire plus de cas ! ô grand Dieu qui me meine !
 Seigneur sur tous seigneurs, Pere, pardonnez-moy,
 Si i'outrepasse en rien les bornes de ta loy,
 Si i'ose prononcer, & si i'ose te dire
 Que tu ne deuois point, pour accoiser ton ire,
 A cause des pechez que nous auions commis,
 Nous faire accompagner de nos vrais ennemis !
 Car estant seuls autheurs de nostre laide faute,
 Sans offencer beaucoup ta diuinité haute,
 Nous ne sçaurions pas viure avec tels Animaux;
 Car qui seroient ceux-là qui aimeroient leurs maux ?
 Dieu ! que n'as-tu permis à l'homme, ton image,
 Que de soy-mesme il peust peupler l'humain lignage ?
 Comme vn bon vigneron, qui d'exerçans labeurs,
 En proignant, d'vn beau cep en engendre plusieurs,
 N'empruntant que de luy ce bois diuin surplante,

Ou comme vn masle Lieure en soy d'autres enfante ?
Pere, si tu voulois tu as bien le pouuoir
Que l'homme honnestement peust ainsi concevoir :
Mais par ce que par Eue il mangea de la pomme,
Pour cruel chastiment tu l'as laissée à l'homme.
Ou, Dieu, qu'il ne s'engendre ainsi que cest oiseau,
Qui mourant, de sa cendre en renaist vn nouveau.
Tu peux bien dauantage, ô Dieu ! tu peux plus faire !
Laisseras-tu tousiours l'homme en telle misere ?
Vois-tu pas que la femme est des vices auteur,
Vices qui font noircir en terre ta splendeur ?
D'elle nostre fleau tes fleaux nous aduiennent,
Broüillans tes volontez que les hommes soustiennent.
Comme la froide neige a pouuoir d'enflammer,
De mesmes elle peut vn monde consumer ;
Comme la froide neige eschauffe en sa froidure,
Elle en la glace aussi incite la brulure ;
Mais la femme differe à la neige d'un point,
Elle fond près du feu, la femme n'y fond point,
Ains plus fort s'en approche & plus elle est ardente,
Et si (quoy que l'on fasse) oncques ne se contente ;
Car si son fauorit luy aggrée aujourd'hui,
Demain luy seul sera son detestable ennuy.
Que dy-ie, vn fauorit ? plustost vne centaine
(Vray est qu'elle est encor si doucement humaine,
Maugré les mesdisans qui ont mué sa voix)
Qu'elle n'en veut sur elle auoir qu'un à la fois.
Non, non ! ie l'accompare au gouffre insatiable,
Et au ioüet du vent legerement muable ;
C'est vn mal necessaire, à guerir mal-aisé,
Vn diable domestique en Ange desguisé ;
O bel œuure imparfait que l'on ne peut parfaire !

*On a beau besongner il faut toujours refaire.
Toute (& plus la plus grande) en grandeurs & beauté
Retient de la laideur d'une difformité ;
Car on voit (mesme au temps que l'ennemy l'espie)
Qu'elle a deffaut d'un Membre où est sa chere enuie.
L'habile pare bien ceste imperfection
Et la docte estudiant en composition ;
Toute autre femme aussi (tant soit-elle imparfaite,
Estant dessous Hymen) pere de Ian Cornette ;
Mais où est celle (& fusse un œil de chasteté)
Qui près d'un beau subiet n'en aye volonté ?
L'asseure donc chacune, ou de vucil ou d'ouurage,
Rendre son Mary serf du cornu cocuage,
Et si le prompt vouloir & l'effaict n'esloyent qu'un,
Chacun seroit cocu plus souuent de chacun,
Car toute a l'ythiphale ou en corps ou en Ame.
Pour faire mieux couvrir sa honte qui l'enflamme,
Son desdain en Amour est fort pernicieux ;
Car sans cesse on y perd le temps qui vaut le mieux,
On y depend son bien, on y sert de risée,
Pour auoir faict la beste après telle rusée.
Si le mespris abuse, un baiser plus deçoit
(Et ne vaut rien ainsi à chose que ce soit) :
Car la femme en Amour semble à la fiere Louue,
Qui plus souuent le laid plus agreable trouue,
Et puis le faict meurtrir avec ses hurlements
(Les propos feminins querelles des Amants).
Si quelqu'un plus accort euite telle trappe,
Lors par agguets mortels le chetif n'en eschappe ;
Sa plus grande action ne tend qu'au vain deduit.
La honte est son honneur, effrontée au doux fruiet !
Le serpent Tentateur est deuenu Andouille ;*

Ores la paillardise est tombée en quenouille.
Vsez de mon conseil, vous, ieunes Amoureux,
Ne vous allumez point d'un sang si vigoureux.
Celuy qui aime tant n'est aimé de sa Dame,
Elle l'estime serf, en balance elle enflamme.
Non, non, soyez certains qu'il ne iouyra pas
Du gracieux plaisir des Amoureux combas.
Elle auroit peur de perdre, offrant ceste delice,
Ce cœur passionné prest à faire service,
Et bien qu'il en iouyst il ne pourra pourtant
(Fist-il cent mille efforts) rendre son cœur content :
Car la femme ressemble à l'usurier qui presse,
Qui ne se lasse point de recevoir sa debte ;
Tant plus on luy en baille, & plus y prend plaisir,
On ne peut contenter son auare desir ;
Mais l'habile debteur n'a pas ceste puissance,
Ni n'a point comme luy double resjouissance,
Encores qu'il soit bon de s'acquitter du tout,
Si est-il mal-aisé d'estre tousiours debout.
Il vaut trop mieux devoir qu'estre entierement quitte,
Cela nous rend soigneux & plus fort nous incite ;
Il sied mal de payer & d'estre pauvre après,
L'ordinaire est plus beau que n'est pas le surcrais,
Le liberal aussi, en faisant son aumosne,
Se lassera plustost que l'autre à qui l'on donne.
Il n'est pas malaisé de tousiours recevoir,
Mais il est difficile incessamment d'auoir.
Il est vrai que ce bien mille maux luy engendre,
Car Dieu est au prester, mais le Diable est au rendre ;
Le Crediteur ne peut le terme prolonger,
Quand Lucine l'adiourne il vuide en grand danger.
Voire mais, ce dira quelque bonne Huguenotte,

*Ou quelque Catholique, & mesme la bigotte !
La femme ne veut rien seulement que le droict !
Quelle chose plus iuste aspirer se pourroit ?
Si la raison gist là, tu gagneras ta cause,
Partout (mesme au Palais) on t'offre telle chose.
Ainsi tu as grand tort en te plaignant de nous,
Nous tous qui te baillons le beau droict à tous coups.
Je veux continuer d'une ardeur volontaire,
Garçon maistre de moy, à qui ie veux complaire,
Et plustost ie serois de moy-mesme bourreau,
Que ie fusse subiect au féminin fleau.
Je ne m'amuseray à descrire la rage
Qu'a l'homme plein d'honneur au ioug de Mariage.
Ne soyez donc si prompts ; nous voyons le blessé
Mourir d'un petit coup pour n'estre bien pansé,
Mais mediocrement aimons ce qui nous aime,
Sans nous lier bruslans d'une Amour si extresme.
La femme est babillarde & de peu d'amitié,
Son cœur n'est point constant qu'en grande mauuaiistié.
L'amour semble au laict frais qui fraischement aggrée ;
Mais ceste beauté là est de peu de durée ;
Car si le laict se garde, il a plusieurs caillons,
Il est soudainement plein de corruptions,
Aussi nouvellement la femme est amiable,
Puis, estant mariée, ardemment hayssable.
Vieux maris, sçaez-vous pourquoy tant vous souffrez ?
Escoutez ma parole & vous le connoistrez,
Bien que ces vers soyent faicts en l'Auril de mon âge,
Que mille flots bouillans animent mon courage,
Que mon Astre fatal me soit si tenebreux
(Qu'homme de bien ie sois entre autres mal-heureux),
Toutefois il me plaist de monstrier que ma terre*

*Peut bien estre paisible en sa cruelle guerre;
C'est qu'elles au vouloir trop brauement actifs,
A l'exécution trop laschement poussifs,
Aux pensers trop rusez, soupçonneux à la ruse,
Au soupçon trop aisez à croire quelque excuse,
Importuns aux desirs, aux desirs trop ialoux,
Et puis la ialousie ameine le courroux,
Et le courroux la hayne, & la hayne vn debat,
Dont chez vous vous logez vn discordant combat;
C'est pourquoy qui est sage & qui craint le doutable,
Ce fleau feminin sur tout fleau fuyable,
Il ne se doit lier d'indissoluble nœu,
Ains aimer librement d'un volontaire feu;
Ou cil qui par mesgarde est de si triste fesse,
Il doit prier les Dieux de finir la tempeste;
Car on ne peut baiser de bonne affection
La personne objectant diuerse passion.
Quelle agreable Amour ! quelle douce delice !
D'embrasser le bourreau qui nous met au supplice !
Qui peut donc aduiser sa femme de bon œil ?
Vous, martyrs mariez, lorsqu'en prendrez le dueil,
Qu'il soit en violet ; portez-le à la Royale,
Et ne chommez iamais l'infeste nuptiale.*



SONNET

SVR LA PERTE DV MAL-HEVR MASCVLIN

Aux Filles.

*Le mal-heur masculin n'a faict teste au rauage
Du temps iniurieux qui talonne nos pas.
Filles il fut perdu à l'insolent amas
De Paris reuolté, cause de son dommage.*

*Receuez ces deux vers pour certain tesmoignage,
Mary, Metal, Marais, Mauors, Minos, Midas,
Sont fix noms masculins, courriers du triste hélas!
Apprenez-les par cœur en attendant l'vsage.*

*Voilà l'eschantillon de mille vers perdus,
Comme ceux de la femme ils ne se verront plus
(Signe que son erreur dure estant plus felonnie).*

*Le fleau qui luy reste au mal-heur masculin,
C'est le Mary mal-né, offrant vn mol engin,
Dont en vostre faueur grand cocu ie l'ordonne.*



DIVERSES POESIES

DU CAPITAINE LASTPHRISE

SONNETS

*Prens-moy l'esteuf au bond, ne temporise point ;
Mets le marché en main de l'honneur qui marchande,
Et, afin de n'errer en fortune si grande,
Ne t'y hazarde pas s'il n'estoit bien en poinct.*

*Si la commodité s'apparoist en ce poinct,
Enfonce fort tes coups, offre droict ton offrande ;
Et, pour la nouveauté de si belle viande,
Demonstre-toy friand aux appetits conioinct.*

*Fay halte au rendez-vous, tant que ta compagnie
Se perde au doux combat de l'Amoureuse enuie ;
On doit tousiours bien faire, & mesme au premier choc.*

*De là vient le renom des doucereuses flammes ;
Ces vers te foyent vn mur d'vn immuable roc,
Si tu veux Courtisan estre chery des Dames.*

*Je voudroy, mon SALER, auoir ceste licence
De me iouer avec les filles de la Cour,
Ore avec Bourdaifiere, heureux flambeau d'Amour,
Ore avecques Roustin, le renom de la France,*

*Ore avec la Verné & Vitry l'excellence,
Et avec Stauai, délicieux séjour.
Chacune à cul leué s'esbattroit à son tour ;
Au beau ieu du damier on fait telle sequence.*

*Cher troupeau filial du famail enuié,
Pour defrober le cœur du braue Amant lié,
Si i'auoy ce bon-heur en ma ieunesse tendre ;*

*Vous ne veistes iamais si agreable esbat,
Vous me gaigneriez tous, si voudroy-ie entreprendre
Faire de mon pion vn bel eschec & mat.*

*P'aime de la Verné la plaisante beauté,
De la docte Vitry l'esprit incomparable,
De Fouchaut tout l'honneur, la bonne grace aimable,
De la chaste Certeau la grande honnesteté.*

*P'aime de Stauai la douce maieslé,
De Pons aux beaux attrait le maintien agreable,
Des deux belles Duthier la science admirable,
De la Rochefoucault la sage gayeté.*

La taille de Creuan, le soufris de Pienne,

*La douceur de Plainual, l'accueil de Licherenne ;
Differentes beautez, ie vous aime du tout.*

*Mais chacune de vous porte vne mesme chose
Que i'aime encores mieux, encor qu'elle soit close,
Iusqu'à tant que sentiez l'Amour iusques au bout.*

SONNET DES MOTS DES FILLES DE LA COVR

*Je l'aime extremement, il a braue apparence,
Il est fort honneste homme, infiniment discret ;
Je meure si ie n'ay vn extreme regret,
Voire vn mal infiny d'eslongner sa presence.*

*Cest autre n'est qu'un fat, gonflé d'outrecuidance ;
Il se croit fort habile, il dit plus qu'il ne fait,
Iesus, qu'il est badin ! hà, mon Dieu, qu'il est laid !
Il tranche trop du grand, qu'il est plein d'inconstance,*

*Que vous estes ioly ! mais ie vous pry, Monsieur,....
Vrayment il vous sied bien ! vous faictes le seigneur ;
Je ne vous veux plus voir, vos discours sont profanes.*

*Dieu vous gard, mon esprit ; bon iour, mon bien acquis,
Je vous baise les mains. Voilà les mots exquis
Qu'ont ordinairement les beautez Courtisanes,*

SONNET DES GESTES DES DAMES

*S'habiller brauement, s'ombrer de fards menteurs,
D'un mauuais mot nouueau nous feindre vne eloquence,
Apprendre à begayer, n'aller qu'à reuerence,
Et n'estre aucunement sans seruans seruiteurs;*

*Receuoir le poulet, le plumer par humeurs,
Porter vn éuantail qui sert de contenance,
Avoir plus d'appareil que de vraye apparence,
Et hieroglyphiquer en bisarres couleurs;*

*Nauiguer à tous vents, adorer la fortune,
Faire bien les doux yeux, faire tousiours la ieune,
Babiller, brocarder, mesdire nuit & iour,*

*Se mirer à toute heure, hauffant la cheuelure,
Mettre (en parlant d'Amour) des pieces sans cousture;
Ce sont les actions des Dames de la Cour.*

*Fait-il chaud? fait-il siroid? pleut-il? que fait le Roy?
Que le temps est fascheux! il faut que i'aille escrire;
Sçachez quelle heure il est & me le venez dire.
Au'ous de bons cheuaux? que dit-on? qu'est-ce? quoy?*

*Leuez-vous du matin, trouuez-vous près de moy;
Je veux courir le Ccrf, mon Limier n'est pas pire;
Mes oiseaux sont si bons que chacun les desire;
Nous combattismes fort; l'ennemy prist l'effroy.*

*Comment va de l'Amour? qu'il fait beau voir la dance,
Je ne vous oubli'ray ; vn peu de patience !
Cestuy-cy est habile, & cestuy-cy est sot.*

*L'un est beau, l'autre est laid, l'un est gros, l'autre est mince.
Voilà le cramoisy de la bouche du Prince,
Qui, en se sousfiant, dict à chacun son mot.*

*La Courtisane au moins a trois Amants :
L'un pour iouyr de la douce rosée,
L'autre pour estre humblement courtiſée,
Et cestuy-cy pour auoir des presens.*

*Enfin les trois se treuuent mal-contents ;
Le premier sent sa vie mal aisée,
Le second plainct sa ieunesse abusée,
Et le tiers est ruiné en despens.*

*Ainsi la femme, object de nos miseres,
Nous faict sentir ses douceurs bien ameres,
Ce n'est que vent que de sa fermeté.*

*Plustost l'Hyuer se verra sans froidure,
Et le Printemps sans gaye la verdure,
Qu'elle ait son cœur en vn lieu arresté.*

SONNET A VNE MESDISANTE

*Ton poil noir argenté où croutelle la taigne,
 Ton gentil front de poule & tes yeux de furet,
 Ton grand nez de faucon, qui sent le vieil retraict,
 Tes jautereaux pendans à couleur de chasteaigne,*

*Ta bouche vn four à ban, tes larges dens d'ebaine,
 Ton menton gracieux, comme vn chauffe-pied faict,
 Signalé noblement d'un petit poil folet,
 Ton beau col héronnier, où l'on void chaque veine,*

*Ton sein de feuille-morte, & tes bliffacs pendans,
 Ton corps en Cabestan, farcineux en tout temps,
 Ton grand Cloaqueuille où vn monde s'enfonce,*

*Et où mon gros Picard pourroit entrer armé,
 Me donne occasion de vous faire semonce
 De ne songer iamais que vous m'ayez aimé.*

*Rien ne sert le grand cœur pere aux braues combats,
 L'esprit doctement vif, l'essence de noblesse,
 Estre bien à cheual avecque belle adresse,
 Danser de bonne grace, habile aux doux esbats,*

*Sortir d'illustre sang, dont on doit faire cas,
 Bref auoir la beauté conioincte à la prouesse;
 Si tu n'es fauorit de la chauue Déesse,
 Des Soleils de la Cour tu ne iouyras pas.*

*Mais en estant chery, fussiez-vous vne beste,
Vn yurongne, vn brigand digne de la tempeste,
Vous pouuez asseurer d'auoir vostre desir.*

*Chacune vous rira d'une façon gentille;
La sœur vendra la sœur, & la mere la fille:
La fortune iamais ne manque de plaisir.*

CHANSON

*Vous qui soubz l'Amoureuse flamme,
Bornez le but de vos soulas,
Sçachez que c'est que de la femme,
De qui vous faictes tant de cas.*

*De matiere subtilisée
On la forma premierement;
C'est ce qui la faict si aisée
A changer chaque iour d'Amant.*

*Par ceste subtile naissance
Elle veut defendre son tort,
Disant que la foible inconstance
Ne peut resister à l'effort.*

*L'Amour, dont elle est tant atteinte,
Semble à la chandelle qui luit;
Elle est au premier vent esteinte,
Et conuient à l'ombreuse nuit.*

*Je l'accompare à la marée ;
Aussi Venus vint près l'escueil,
Elle est belle & calme à l'entrée,
Et puis après pleine d'orgueil.*

*L'air, le vent, le brouillard, l'orage,
En sa tefle font habitans,
Et mefme la Lune volage
Meine les fleurs de fon beau temps.*

*On trouue à tous mal-heurs remede,
Quelquefois ils font affoupis ;
Mais la femme tous maux excede,
Qui va toufiours de mal en pis.*

*Toute creature fubjecte
A fe fouler fur le deuant,
Ne fçauroit eftre fi parfaiete
Qu'elle ne bronche bien fouuent.*

*Jeunes gens, qui courez fortune
Sous la Déeffe de Beauté,
Gardez que la flamme importune
Ne brusle vofre liberté.*

*Je ne dy pas, non, qu'il ne faille
Quelquefois refjouir nos fens,
Donnant l'Amoureuse bataille
Par maniere de paffe-temps.*

*La femme dira qu'elle enfante,
Que les hommes font d'elle extraicts ;*

*La diuine ardeur soleillante
Entre bien aux sales retraits.*

*Bref, qui l'espouse est miserable,
Et ressemble à vn pauvre fol,
Qui sous l'ombre de quelque fable
Se met la corde dans le col.*

CHANSON

*Je suis plein de fermeté
En inconstance,
C'est par la legereté
Que l'on s'auance.*

*J'aime mieux vne Bergere
Auecques la nouueauté
Qu'une Royne singuliere
A me garder loyauté.
Je suis, &c.*

*Ce qui aujourd'huy m'agrée,
Demain m'est fort déplaisant,
La belle Amour se recrée
Sur l'air, sur l'eau, sur le vent.
Je suis, &c.*

*Celuy a l'ame maline
Qui n'aime l'Amour isnel,
Ou impuissant vers Cyprine*

*N'entend bien le beau duel.
Je suis, &c.*

*Ces fideles mal-habiles
Semblent aux hommes couars,
Qui ne bougent de leurs villes,
Craignans les fureurs de Mars.
Je suis, &c.*

*Celuy qui ne court fortune,
Çà & là en tout abord,
Est indigne que Neptune
Le fasse ancrer à bon port.
Je suis, &c.*

*La gloire, ornement des hommes,
Ne s'acquierit en vn seul lieu,
On doit, au temps où nous sommes,
Sçauoir iouer plus d'un jeu.
Je suis, &c.*

*Les petites & les grandes
Couchent souuent en mon liç;
Diuersité de viandes
Cause nouuel appetit.
Je suis, &c.*

*Ce grand tout tousiours chemine,
Tout va & vient doucement,
Tout sous la ronde machine
Est subiect au changement.
Je suis, &c.*

*L'esprit leger est louable
Plus qu'un corps ou qu'un sens lour,
Donc mon desir variable
Passe un constant en Amour.
Je suis, &c.*

*Si ie n'auoy ceste grace
D'estre des plus inconstans,
Je ne suiuroy pas la trace
Des plus belles de ce temps.
Je suis, &c.*

*Vous avez beau mentir, vous n'esteindrez ma gloire;
Huguenotte gaillarde, on ne vous croyra pas.
Je suis prou reconnu, j'ay suiuy les combas,
Tefmoins mes coups mortels d'immortelle memoire.*

*Ha, vrayment, vous irés demain au Consistoire ?
Je prouueray comment vous prenés vos ébas,
Auecques un Mister qui purge vostre bas,
Et dictes blasphemant qu'Amour est purgatoire.*

*Pourquoy me blasmes-vous, moy preud'homme feal ?
Je rends, comme l'on sçait, le bien au lieu du mal.
N'eussay-ie, s'il m'eust pleu, logé ma compagnie*

*Au bourg de ton mignon, que ie vas caressant ?
Encor suis-ie si bon qu'alors qu'il est absent
Je donne du plaisir à sa femme iolye.*

A MADAMOISELLE DIANE D'ESTRÉE

DIANE, ie sçay bien que tu es aussi belle
Que Madelon ta tante, où reluit Cupidon,
Diane, ie sçay bien que la docte Saphon
Fleurira de ta fleur comme surjonnant d'elle ;

Diane, ie sçay bien que ta gloire pucelle
De Diane accroîtra la reputation,
Et, Diane, ie sçay que ta chaste Elion
Te fera admirer comme toute immortelle.

Diane, ie sçay bien que vostre accueil diuin
Desrobe incontinent le cœur du Paladin,
Bref la beauté, l'honneur, esprit, science & grace

Chez vous, passe-Diane, ont fait leur rendez-vous ;
Heureux donc mille fois, ô bien-heureux l'espoux
Qui baisera l'œillet de vostre belle face !

Ces vers sont masculins : car la Dame aime le masle.

Je l'ay veüe, HONORAT, i'ay veu ses cheveux gris,
Qu'une fausse perruque ombre d'un poil menu,
J'ay veu son front de poule, où le fard est connu,
J'ay veu ses yeux cauez tenebres de Cypris.

J'ay veu son nez camard, i'ay veu son maigre ris,
J'ay veu sa grande bouche, & son menton pointu,

*J'ay veu son col de Grue, & son sein abattu,
J'ay veu son corps contrainct qui en porte à tout prix.*

*J'ay veu ses patins blancs, j'ay veu son large pié,
J'ay veu sa courte greue, & si j'ay manié
Son ras honneur honteux, rendez-vous du cousin,*

*Où si j'eusse voulu ie me fusse enfourné.
Je rends grace au Démon qui m'en a deslourné;
Car il est dangereux comme l'or Touloufin.*

*Cousinons la cousine; elle est cointe & iolie,
Elle aime à coufiner & ne refuse rien
Au cousin coufinant, qui la cousine bien;
Car il a bouche à Cour, & la chambre garnie.*

*En si beau coufinage vn cousin ne s'ennuye;
Ce n'est que sucre & miel, ce n'est qu'humble entretien,
Il ne manque d'attraiçs, de faueurs, de moyen,
Tant qu'il peut coufiner sa cousine, s'amie.*

*Cousinons donc, cousins, vn chacun à son tour,
Coufinant à rengette, on cousine en Amour,
Que chaque cousineux en coufinant s'assemble.*

*Mais non, nobles cousins, fuyons ce cœur paillard;
Laißons-le coufiner au cousin grand pendar;
Car au cheual Sejan la cousine ressemble.*

CARTEL

ENVOYÉ AUX ENNEMIS A BOYTEVILLE

PAR DES CAPITAINES MES COMPAGNONS ET MOY

*Vous autres qui vivez pleins de delicateſſe,
Favorits de Cerès & de Cypre aux beaux yeux,
Et du ieune esbarbé qui trop deliceux
Eſgare voſtre ſens par ſa fumeuſe oppreſſe;*

*Encor que nous ſoyons ſans faueur, ſans Maiſtreſſe,
Que n'ayons comme vous ces doux preſens des Cieux,
Nous vous mandons pourtant, par ces vers glorieux,
Que veniez contre nous monſtrer voſtre prouèſſe.*

*Nous ſommes ſix ſoldats au ſeruice du Roy,
Qui vous irons trouuer nous donnant voſtre foy,
Pour vous combattre hardis avec eſpée & cappe.*

*Six de vous ſoyent donc preſts pour acquerir honneur.
C'eſt touſiours au danger que reluift la valeur;
Mais il eſt bien-heureux qui de nos mains eſchappe!*

*Cependant que tu vis heureux en ton meſnage,
Mignardant, careſſant & baiſottant touſiours,
En mille & mille endroits, tes fideles Amours,
Qui t'ont tenu long temps en douloureux ſeruage,*

*Nous tenons aſſiegez les mutins de Brouage,
Qui nous trauaillent fort, ſoit de nuits, ſoit de iours;
Mais avec la faueur de Neptune au long cours*

Nous dompterons l'orgueil de leur haultin courage.

*De mesme que l'on void vn vent audacieux
Se perdre en vn instant, ainsi ces furieux
Iront soudain par nous au cours de l'onde noire.*

*Si n'est vray de cela nous auons reconfort,
Fussions-nous, BELLEVILLE, estouffez de la mort;
Car mourant au combat on acquiert de la gloire.*

ELEGIE

*Quelle extrefme sottise en ce regne où nous sommes !
(Sottise qui ne vient seulement que des hommes)
Ils ne trouuent estrange & prennent à tous coups
Des femmes qui ont eu plusieurs sortes d'espoux,
Deux, trois, quatre, cinq, six, dont quelque laide, ou belle
A eu chaque mary diuers ans avec elle,
De qui le naturel estoit luxurieux,
Iouant (SAINCTE COVLONBE) au jeu delicieux,
Et ne voudroient pour rien (tant ce grand monde est beste)
Prendre femme ayant eu vn seul Amy honnesté,
Dont on void qu'en cela leur superstition
N'est rien, rien seulement que folle opinion;
Puis que toute leur crainte est d'espouser la femme,
Qui douce aura iouy de l'Amoureuse flamme,
Et qui n'en prennent point d'autre le plus souuent.
Ils me pourront peut-estre ores mettre en auant,
Que c'est par mariage & non point à cachette?
Elles ont tousiours fait la gaillarde chofette,*

*Le seul principal poinct du desir violent,
Qui leur mine l'esprit en Amour aueuglant.
Penseroyent-ils qu'Hymen eust ceste vertu telle,
Qu'ayant faict vne femme il la resist pucelle?
Pour leur plaire i'aduouë vne fidelité
(Qui en l'une & en l'autre a bien possible esté)
Dont hommes vous trompez, & si vostre Hymenée,
De qui vous affeublez, n'a tousiours beauté née,
Ostez-luy les couleurs dont vous le peinturez,
Voyez-le au naturel; laid vous le trouuerez,
Il ressemble au chasteau d'apparence agreable,
Qui dedans n'est sinon qu'une prison fuyable.
Que ses liens soyent d'or? mais c'est captiuité;
Et mon naïf Amour est gros de liberté,
Sans qui toutes douceurs sont pleines d'amertumes.
Changez doncques d'humeurs, reformez voz coustumes,
Et, si vous mariez, ne vous estimez plus
Que voz bons compagnons, honorables coquus,
Que i'aime de bon cœur. Volontiers ie les hante;
Car rien que gens d'honneur iamais ie ne frequente.
La femme plus habile au beau mestier d'Amours
Aime mieux le galand qui l'a mieux faict tousiours,
Sçachant bien que l'vsage en ceste mignottise
Inuente attrayement quelque autre mignardise;
C'est pourquoy ie l'admire, estant de son humeur,
En desirant comme elle addoucir la douceur,
Et par la nouveauté d'une bonne viande
La rendre en l'accoustrant meilleurement friande;
Tu en feras de mesme, ou ta complexion,
Mon gentil COLOMBET, ma chere affection,
Est depuis nostre Adieu muablement changeante;
Mais non, ie croy que non; car ton ame est constante.*

*Le sage marinier sauvé du flot mutin
Est bien aise d'ancrer à bon port son nauires,
Et lassé des trauaux content il se retire,
N'apportant quelquefois que l'honneur pour butin.*

*J'ay voulu faire ainsi (DES TOUCHES, cher voisin)
Imitant ta vertu que la vertu desire,
En Beausse habitué, soulageant mon martire
Par vn libre vœu sainct, où ton cœur est enclin.*

*Ton humeur & la mienne ont de la sympathie.
Tu es franc, tu es bon, plein d'humble courtoisie ;
Mais (à mon grand regret) nous differons d'un poinct :*

*(Non que mon ame en soit d'aspre enuie attachée)
Tu es pecunieux & ie ne le suis point ;
Car quand j'ay de l'argent i'en fay soudain ionchée.*

*Je prise de Marot le chef-d'œuvre chanté
En la Muse Françoisse ores plus accomplie,
Je prise de Ronsard la science hardie,
Et du Pleffis Preuost la docte grauité.*

*Je prise de Bellay la grand' facilité,
Qui si sçauamment fluë en parfaicte harmonie,
Du foudroyant Iodelle vne braue furie,
Et du profond Belleau la gracieuseté.*

Je prise de Bartas vne Vranie heureuse,

*De Des-Portes l'ardeur doucement Amoureuse,
Garnier que Melpomene appelle son mignon,*

*BARTAVLT, SONAN, BILLARD d'âmes toutes gentilles,
Je prise ces sçauans tant prisez des neuf Filles,
N'oubliant RABELAIS, qui est sans compagnon.*

SONNET EN GALIMATIAS

*Deux Cheualiers Flamans de Bretagne la grande
M'ont pris auant que d'estre où ie ne fus iamais,
La guerre y est cruelle, il est vray que la paix
(I'en croy feu mon compere) en tout temps y commande.*

*L'aueugle y aperçoit l'inuisible friande,
Qui a les reins rompus, qui porte bien le faix,
Qui est chaue du tout, qui a le poil espais,
Qui ne veut estre ouye, & qui veut qu'on l'entende.*

*Son seruiteur personne est goutteux, fort dispos,
Gentil-homme, vilain, grand, petit, menu, gros,
C'est vn perclus, manchot, excellent coupe-bource.*

*Il n'est point paresseux, il se leue à midy,
Le Ciel est son ayeul, il en reuinft leudy,
Il fist, ce fera mon : car pourquoy ? saint lean pource.*

RIME RONFLANTE A GROS GRAIN

*Qui croira aux vertus de l'ancien prouerbe,
Le grand Monarque doit faire raser sa barbe,
S'il perd sa lance ayant la ioyeuse bouteille,
En coutelassant mieux il gaigne la bataille.*

SONNET

EN AVTHENTIQUE LANGAGE SOVDARDANT

*Accipant du Marpaut la Galiere pourrie,
Griuolant porte flambe enfile le trimart,
Mais en despit de Gille, ó Gueux, ton Girouart,
A la mette on lura ta biotte conie.*

*Tu peux gourd piailler me credant & morfle,
De Lornion du Morme & de l'oygnan criart,
De l'Artois blanchemin; que ton rislant chouart
Ne riue du courrier l'andrimelle gaudie.*

*Ne ronce point du sabre au mion du taudis,
Qui n'aille au Gaulfarault, Gergonant de tefis
Que son iournal oflus n'empoupe ta fouillouse.*

*N'embiant on roullarde, & de noir roupillant,
Sur la gourde fretille, & sur le gourd volant,
Ainsi tu ne luras l'accolante tortouse.*

Traduction du précédent sonnet,
par l'éditeur du livre.

Fuis du badaud l'ignoble paresse ; soldat porte-flamberge, enfile ton chemin ! mais, en dépit de ta finesse et de ta beauté, pauvre diable que tu es, ta carcasse ira pourrir dans un trou.

Tu peux boire ton saoul à crédit, te régaler de chapons, de moutons ou de cochons criards et manger du pain blanc ; mais que ton pail-lard membre ne fasse pas l'œuvre de chair avec la femme du bourgeois.

Ne roue point de coups de bâton le garçon du logis, qui irait rapporter contre toi à ton capitaine, et ne remplis point ta bourse de son gain journalier.

Bois gaiement ta bouteille ; va dormir la nuit sur une botte de paille, dans ton large manteau ; c'est ainsi qu'on évite de se faire mettre la corde au cou.

VERS SENTENTIEUX NON RIMEZ

*Sel femad ed truoc, euqleuq ertua rocne,
Tios enud elliü gruob egalü,
Va ertuof el rifelp nud l'erutan fert Xuod,
Te fulp ruop Vcel no eruuo el uc.*

CHANSON

*A la Cour vne humble Dame,
Admirant mon doux escrit,
Me dist: Que ie sois ton ame,
Et tu seras mon esprit.*

*Je veux paroistre alliée
Avec toy de mesme nom,
Pour estre mieux publiée
D'un honorable renom.*

*Puis qu'humain vient du nom d'homme,
Comme humains (luy dy-ie alors)
Cherchons des noms qu'on renomme
Plus delicieux au corps.*

*Nous trouuafmes l'alliance
Sur vn liēt incontinent ;
Elle fust ma contenance,
Et ie fus son Con tenant.*

*Coufin, il n'est Poëte, & le veut faire accroire
Bien qu'il sçache du Grec en son corps defendant,
Qu'il crache quolibets en Latin pretendant,
Qu'il able mots dorez, qu'il entende l'histoire,*

*Qu'une Majesté mesme estime plus sa gloire,
(L'aueugle opinion renomme vn Petit Grand)*

*Mais tel qui ne sçait rien n'est pas tant ignorant,
Quand de Nature il va dedans Pegase boire.*

*Si tous qui parlent Grec & qui parlent Latin
Sçauoyent (mon cher PLESSIS) le sçauoir Paladin,
L'honneur feroit honteux, & le Laurier l'Ortie.*

*Car vn mondꝰ Pedant, mechanique, coyon,
Sçait Marot, sçait Homere, & non la Poësie,
Qu'on apprend sans estude, inspiré de CLION.*

LASPHRISE CAPITAINE ENTRETEINV AV ROY

*Pardonnez à l'orgueil de ma Muse qui ose
Saluer la grandeur de vostre Majesté,
Dont la grace diuine a sans cesse escouté
L'honorable vertu, Soleil de toute chose.*

*Mais puisqu'on ne fait cas de mon Placet en prose
Requerant mes estats pour ma necessité,
Sçachant que les beaux vers ont plus d'autorité,
Je le vous offre en vers Aduocats de ma cause.*

*VOUS PLAISE donc, mon ROY, que i'ay tousiours suiuy,
Me faire ore payer de ce que i'ay seruy,
Sans que vostre Conseil negligente ma peine.*

*SIRE, vous me pouuez sur tous glorifier.
Celuy qui a planté le verdoyant Laurier
Merite au moins d'auoir quelquefois de sa graine.*



TOMBEAUX

DE MES AMIS

SVR LA MORT DE MONSIEVR DV GAS
MAISTRE DE CAMP DES GARDES DV ROY

*Sus, Cypris, baigne-toy aux ruisseaux de tes larmes,
Et languis desolée en eternal soucy !
Le GAS, ton cher enfant, est tout palle & trancy,
Englace maintenant tes Amoureuses flammes !*

*Et toy, Mars, Dieu guerrier, r'emmeine tes gens-d'armes,
Enfonce ton harnois, & t'enfuys loing d'icy,
Pauvre, que ferois-tu ? tu ferois tout ainsi
Qu'une renberge en mer sans voiles & sans rames.*

*Or puisque France perd, par vn traistre destin,
L'honneur du verd Laurier & du Mirthe diuin,
Dames & vous soldats honorez sa memoire.*

*Grauez profondement dessus ce grand tombeau,
Afin qu'à l'aduenir on remarque sa gloire :
CY GIST VN SECOND MARS ET VN AMOVR NOUVEAU.*

EXOOST VCEPST NIS OVIVM

*Ci gist qui vingt ans fut seruant
Vne Abbesse de grand lignage;
Mais, hélas ! la ialouse rage
Le bannit enfin du Couuent.*

*Pour contrebander ce tourment
Rompit son vœu par mariage,
Dont Vesta, qui venge l'outrage,
Fist ce iour son enterrement.*

*Luy, sentant la fatale Parque
Qui l'alloit mettre dans sa barque,
Despit despitoit Iupiter.*

*Il ne faut donc aymer Abbesse,
Sur peine de damnable oppresse,
Qui ne veut son vueil supporter ?*

EXOOSTINC PHILASTEL

*Toy qui l'as aymé à Matines,
Voire à Vespre, ainsi que l'on dict,
Fay par tes oraisons diuines
Qu'il ne soit des cieux interdit.*

*Car ce n'est la raison, ma Dame,
Que pour l'impuissance du corps*

*De qui tu as éteint la flamme,
L'ame en patisse estant dehors.*

*Et puisqu'as fait d'Amour non lasse,
Le deffaut du corps euiré,
C'est à toy d'impetrer sa grace
Ou le tien sera martiré.*

TOMBEAU DE MONSIEVR DE BVSSY

*Bussy, dont la valleur estoit incomparable,
Vainquit en mille endroits les assauts furieux,
En couronnant son chef de Laurier glorieux,
Rapportant pour guerdon quelque playe honorable.*

*Il estoit beau, gentil, hazardeux, redoutable,
Aux superbes hautain, aux humbles gracieux,
Aimé de ses Amis, craint de ses enuieux,
D'un esprit docte & prompt eloquemment affable.*

*Iamais près de son Prince il n'eust de compagnon,
Venus le cherissoit comme son cher mignon:
Mais la dame Fortune, aux vaillans inconstante,*

*Après l'auoir sauué de tant de grands dangers,
Tourna sa roüe, hélas ! d'une mort violente,
Lorsqu'il vouloit seruir les Amours passagers.*

SVR LE TRESPAS DE IEAN DE PAPILLON
 ESCVYER, SIEVR DV PVY DE SOVRCE, MON FRERE,
 QVI FVST TVÉ A LA GVERRE,
 COMBATTANT SIGNALÉMENT A ORLEANS

*O braue adolescent, tu es d'honneur si plein,
 Que l'illustre honneur mesme à ceste heure t'enuie;
 Car voyant ton pays l'abbord de pillerie,
 Tu courus Martial son ennemy soudain.*

*Tu l'as tant guerroyé d'une sanglante main,
 Qu'il semble qu'en ta fin finisse sa furie.
 Ainsi fust Amoureux du bien de sa patrie
 Celuy qui s'engouffra dans l'abyfme Romain.*

*Courage genereux ! que vostre mort est viue,
 Souslageant le public de l'oppreffe chetifue !
 Ce qui est plus à plaindre en vostre heureux malheur*

*C'est le proche parent, qui par vos playes saigne,
 Tefmoing ton frere, moy, qui en larmes me baigne,
 Et nostre douce mere, & nostre honnefte fœur.*

PLAINCTE SVR LE TRESPAS
 DE DAMOISELLE GENEVIEFVE DE PAPILLON,
 MA SŒVR

A MADAMOISELLE DE MASAIRES

*Heureux ceux-là qui n'aiment rien !
 Ils ne sont subiets aux trauerfes,*

*Aux ennuis, aux peines diuerſes,
Que ſouffrent ceux qui aiment bien.*

*Ceux-là regardent de meſme œil
Les nopces & les funerailles;
Deſſus leur tainct, dans leurs entrailles,
Ils ne logent le triſte dueil.*

*Leurs cœurs ne ſont d'Amour glacez;
Les pleurs ne baignent leur viſage,
Perdiſſent-ils tout leur lignage,
Ils chantent pour les treſpaſſez.*

*Tous les accidens rigoureux
Ne ſont que douceurs gracieuſes
Près de ſes pertes impiteuſes !
Qui n'aime donc eſt bien heureux.*

*Non ! non ! ceſt heur eſt deſaſtré;
Car ſans l'Amour, qui nous enflamme,
On n'a ni cœur, ni ſens, ni ame,
Et d'Amour la mort vient à gré.*

*Accourez donc, rude Atropos,
Pour m'oſter promptement la vie,
Qui a ſouuent eſté ſuyuie
De mille tragiques ſanglots !*

*A quinze ans j'ay porté ſoldat
L'exceſſive peine guerriere,
J'ay conneu Thetis la meurtriere,
Bleſſé, rebleſſé au combat.*

*Je n'ay iamaïs abandonné,
Depuis ce temps, le Dieu de Thrace ;
Je n'ay point esté sans disgrâce,
Nauré, malade, infortuné.*

*Mais le plus outrageux bourreau
Du diuers mal-heur qui m'accable,
C'est de voir ore, miserable,
Mon vnique sœur au tombeau.*

*Ma sœur, chere sœur, mon Amour,
Que j'aimoy d'une amitié sainte,
Où la vertu estoit empreinte,
Qui fust des Graces le seiour,*

*Qui ne fist onc vn ennemy,
Qui ne fist onc vne ennemie,
Que le chaste honneur glorifie,
Comme ayant esté son Amy.*

*Tu le sçay, sage MADAILLAN,
Qui as esté toute ta vie
Son tout, sa plus parfaicte Amie,
Dont tu meurs à Vogadelan.*

*Si les regrets auoyent pouuoir
De faire soudain finir l'homme,
Il est certain que, pris du somme,
Toft, mais bien toft nous l'irions voir.*

SONNET POVR LA MESME

*Pleurez, pleurez, pleurez, mes tristes yeux,
Et de vostre eau rouillez mes riches armes,
Je n'iray plus au foudre des alarmes :
Car i'ay perdu le cœur que i'aimoy mieux.*

*Ne craignez point le mocqueur odieux,
Le grand Achille honneur des preux gens d'armes,
Arrosa bien de ses piteuses larmes
Son Amy mort au tombeau glorieux.*

*Que n'eustes-vous l'ennuy si fauorable
De vous trouuer à sa fin lamentable,
Comme fist Cygne à la mort de ses sœurs ?*

*Mais pour monstrier vostre estrange agonie,
Faiçtes ainsi que la Royne Ægerie,
Puis me noyez au ruisseau de vos pleurs.*

SVR LE TRESPAS DE MARIE PREVOST
MADAMOISELLE DE VAV-BERAULT, MA MERE

*Il faut, c'est la raison, que ie fasse reuiure
Celle qui m'amena au lustre du Soleil,
Ma mere, tout honneur, que l'honneur nonpareil
Glorifioit tousiours d'une gloire deliure.*

*Celle qui me donna & la plume & le liure
Pour courtiſer Pallas, qui luy faisoit accueil ;*

*Celle qui m'a nourry addoucissant mon dueil,
Celle que la vertu defiroit mesme enfuyure.*

*Qui en son beau Prin-temps, Hyuer, Automne, Esté
A, prudente, paru flambeau de Chasteté,
Qu'on visitoit ainsi qu'un miracle celeste.*

*On le di<, on l'a veu, on le sçait en tous lieux.
Que fais-tu donc, LASPHRISE? Aussi ton dueil funeste,
Bornant icy tes vers, te la fait fuyure aux Cieux.*

POVR LA MESME DAMOISELLE

*Si i'ay vescu, ore il faut que ie meure;
Si i'ay parlé, ie manque de propos;
Si i'ay dormy, ie n'ay plus de repos;
Si i'ay chanté, ie souspire à ceste heure!*

*Si i'ay marché, maintenant ie demeure;
Si i'ay vaincu, ie doute les assaux;
Si i'eu des biens, ie n'ay plus que des maux;
Et si i'ay ry, las! il faut que ie pleure!*

*Si i'ay ioué, ie n'ay plus de plaisir;
Si i'ay aimé, ie n'ay plus de desir;
Si i'ay gauffé, à ce coup ie m'ennuye!*

*Si i'esloy sain, ie suis ores perclus;
Si i'ay esté, bons dieux! ie ne suis plus,
Perdant ma mere essence de ma vie!*

SONNET SVR MA BLESSVRE ET MALADIE
AV CAMP DE LA MVRE EN DAVPHINÉ

*Desjà les tristes Sœurs iettoient deuant la Mure
Le fuseau de ma vie au tombeau glorieux,
Et jà desjà au camp tous mes Amis piteux
S'apprestoyent d'honorer ma digne sepulture ;*

*Quand l'on m'enuoya viste, avec soigneuse cure,
A Grenoble la douce, où le ciel gracieux,
Comme pere diuin, par acte merueilleux,
Me guerit de mes maux & de ma grand' blesseure.*

*Il est vray que Minerue au maintien nonpareil
Fauorisa mes yeux du iour de son Soleil,
Consolant ma raison d'une plainte honorable,*

*Si bien que mes beaux sens en furent resiouis ;
C'est l'honneste PRESSINS, l'ornement du país,
Qui, belle, est enuers tous sagement agreable.*

*Vn iour vn caut Chasseur aimant la Venerie
Veid vne belle Biche, & tant la pourfuyuit
Qu'il la mist en ses rets, si bien qu'il la raut,
Et l'eust à son vouloir par lasche tromperie.*

*Vn peu de temps après ce desloyal l'oublie,
La laisse à l'abandon du Loup qui la suyuit ;
De fortune vn Veneur en ce danger la veid,
Dont espris de pitié il luy sauua la vie,*

*La mena dans son parc, où nul n'ose chasser,
Il la nourrist mignonne, il la va caresser ;
Le traistre en desespere, elle luy est hagarde ;*

*Car qui laisse la proye elle n'est plus à luy,
La loy veut qu'elle soit seulement à celui
Qui braue l'a sauée, & qui la contregarde.*

*Ainsi qui prend en guerre vn digne prisonnier,
S'il le laisse au combat & qu'un autre le prenne,
Vn Roy l'adiugera iusement au dernier :
Nul ne merite auoir vn bien s'il le dedaigne.*

*Si pour estre boiteux on ne deuoit baiser,
Ceste mere d'Amour qui anime ton ame
N'eust espousé Vulcain, Dieu de bouillante flamme,
Qu'elle veut pour mary, pour mieux se deguiser.*

*Tu ne deuois donc pas si fort le mespriser,
S'il a senty l'orgueil d'une sanglante alarme,
Son malheur est heureux ; ni pour ton sot vacarme !
Et te baisant c'estoit pour te fauoriser.*

*Ce grandcouluy aduint pour l'honneur de son Prince,
Tais-toy donc, ie te pry' ; que si plus tu le pince,
Je t'enuoy'ray des vers gonflez d'autorité ;*

*Car ie te connoy bien, petite Courtisane,
Ie sçay que tu les veux du Calibre d'un Asne,
Et que tu aime aussi tousiours la nouveauté.*

*As-tu point veu ce fat qui fait du Gentil-homme,
Ce glorieux Monsieur, ce fendeur de naseaux,
Ce coupeur de iarets, dont les actes plus beaux
C'est le sale conquest d'une verolle à Romme ?*

*Il s'escoute parler, il veut qu'on le renomme ;
Aussi l'estime-t'on dedans la place aux Veaux.
Il predit le destin des vieux & des nouveaux,
Et sage il est ami du temps qui tout consume.*

*Il connoist toute chose, & iusqu'au bien d'autrui ;
Mais il ne connoist pas qu'on se mocque de luy,
En qui l'orde avarice extremement abonde.*

*C'est affronteur de femme, à qui l'on fait affront,
Porte, comme l'on dict, les cornes sur le front,
Et toutefois (DASSEZ) il veut morguer le monde.*

*Des bonheurs que le Ciel nous monstre à toutes heures,
Rien, rien ne me plaist tant que la femme aux yeux doux,
Belle, humble, gracieuse, ennemie au courroux.
Les vertus d'un beau corps paroissent les plus seures.*

*Les villotieres sont souvent inferieures,
Leur lettre me desplaist qui finist à tous coups,
D'un : qui fera l'endroit ? d'un : Dieu mercy & vous !
D'un : me recommandant à voz graces meilleures.*

Et puis leur reuerence hastée à cu ouuert

*N'est autrement l'attrait de l'Amoureux expert.
La Noblesse m'aggrée en estant mieux apprise ;*

*Sinon c'est pis que l'autre avec son noble orgueil.
Sans parler, sans mouvoir, sentant bien sa sottise,
Elle entretient de mine & baisse tousiours l'œil.*

PLAINCTE EN ACROSTICHE DOVBLE

<i>Escoute, dompte-dieux</i>	<i>Reurtrier de ma ieunesse,</i>
<i>Si c'est toy qui m'attaque</i>	<i>Animant mon esmoy,</i>
<i>Qu'as tort ; car ie suis</i>	<i>D'enflammé sous ta loy,</i>
<i>En esperant par là</i>	<i>Corrompre ma tristesse.</i>
<i>Regarde ma raison</i>	<i>Deuant plus fiere oppresse,</i>
<i>Descharge ta cholere</i>	<i>Entre les gens sans foy,</i>
<i>Et non au vray Amant</i>	<i>Plein d'honneur comme moy,</i>
<i>Diche des biens que Cypre</i>	<i>Ardentement caresse.</i>
<i>Outrage l'ennemy,</i>	<i>Poursuis-le fierement,</i>
<i>Cheris qui te cherit</i>	<i>Inviolablement,</i>
<i>Hais qui te haïst ;</i>	<i>Don ne te peut offendre.</i>
<i>Exauce, Amour, ma voix</i>	<i>Lumiere de ton los,</i>
<i>Fay-moy retirer franc ;</i>	<i>Oncques ie n'eus repos.</i>
<i>Ou s'il faut que ton feu</i>	<i>Renouvellement m'encendre,</i>
<i>Resuscite ma vie honorant mon effort,</i>	
<i>Quant que comme vn Phenix ie naisse de ma mort.</i>	

*Je regrette d'avoir employé ma ieunesse,
Soldat, courant fortune en mille estranges lieux.
Avec peine, avec maux, avec coups outrageux,
Sans que iamais i'en aye emporté de richesse.*

*Je regrette d'avoir seruy vne Maistresse,
Qui a, pleine d'esprit, vn esprit oublieux ;
Je regrette d'avoir dependu soucieux,
Me promettant (en Cour) d'assez belle promesse.*

*Je regrette d'avoir iuré trop irrité ;
Je regrette d'avoir égaré la santé,
Chose qui sur tout semble estre plus regrettable.*

*Mais ie n'ay tel regret, que d'avoir fait du bien,
Du bien qui est si grand qu'il est incomparable,
A vn Normant ingrat qui enuie or' le mien.*





LE BOUQUET DE COQVETTE

DE L'AN 1581

*Bouquet, Esperance de bien,
Où est le Myrte Paphien,
Les œillets, les lys & les roses
Et mille belles fleurs decloses,
Va-t'en, l'honneur suit l'avanture !
Or, mon mignon, ie te coniure
Par celle pour qui l'on t'a faict,
Que tu ensuiues mon souhait.
Allés-vous-en donc voir la Dame
Qui se nourrist dedans la flamme,
Et qui ne sçauroit viure sans
Sentir le feu iusqu'au dedans.
En cela cette beauté tendre
Tient du sort de la Salamandre,
Fors qu'en fin le grand feu l'occist,
Et cette-cy s'en resioüist.
De quelque ardeur que ce puisse estre,
Fusse d'un varlet où d'un maistre,
D'un gendarme où d'un Aduocat,
D'un habile homme, ou bien d'un fat,
D'un Moine crotté, d'un Ministre,
Le mal-heur ne luy est sinistre ;*

*Car qui monte sur son corps gent
Toufiours luy donne de l'argent,
Et gagnast-elle la verole
Le gain de l'obert la console.
Bref elle gagne avec le Cu
La vie à son mari Cocu
Et celle de tout son mesnage,
Dont l'on prise ce biscotage
Par qui les petits & les grands
Ont esté iusqu'à claque-dents.
On m'a dict mesme qu'un bon Prince
En a delaiissé sa Prouince.
Voyés, Messieurs, quelle vertu
A cette Dame auprès du cu !
Elle fait plus d'Amour ardente
Qu'une armée hautement puissante.
Ce Prince, qui s'en est allé,
Pour un fort camp n'eust reculé,
Et le branslement de Coquette
Luy a tost fait faire retraite.
Mon Dieu ! que tu seras heureux,
O gentil bouquet Amoureux !
Mais pour que ton heur ne te faille,
Mon mignon, il faut que tu aille
Non au matin, mais à my-jour
Qui est employé pour l'Amour.
Auant midy elle ne cesse
D'oûir le Sermon & la Messe ;
Et notte que l'esprit bigot
Plus qu'autre se plaist au doux flot.
Donc ma Dame est bonne papiste,
Aussi le saint Euangeliste*

*Luy a donné vne oraison;
Mais parce qu'il deuient grison
Elle n'en veut plus qu'aux grands festes,
Encores faut-il des ly-tesles
Ou de beaux escus tresbuchans,
Qui sont en Amour allechans.
Et, par l'Amoureuse carriere,
Ma Dame la Coquette espere
De remettre en bien peu de temps
Le deffain de ses bastimens
Et sa maison tant endebtée,
Que, sans qu'elle s'est tant prestée
Et qu'à ce prest on a espoir
De releuer ce qu'on voit choir,
Ma foy le reste du mesnage
S'en fust allé viste en rauage.
Tout eust esté pour l'intérest:
Mais quoy? belle apparence y est.
Coquette a charnelle alliance
Auecques l'illustre opulance,
Qui doit tenir le premier rang.
C'est parce qu'un prestre du sang
L'a par passetemps redamée
Comme parente d'Escumée,
Tu le pourras sçauoir au vray.
Mais, bouquet, ie te suppli'ray
De ne dire que ie t'enuoye,
T'ayant rencontré dans la voye
Où le Varlot t'auoit perdu,
Porte-Poulet mal-entendu.
Tu ne lairras d'estre agreable
Pour ton tardement regrettable.*

On te mettra dedans le fain
Et puis après, le lendemain,
Dans vn boqual emply d'eau fraische.
Monsieur le sot, qui n'est reuesche,
Sans s'enquerir de ton pays,
Ny qui t'a porté au logis,
Lou'ra ta beauté odorante
Te baisant de façon riante,
N'osant en estre blasonneur ;
Car Madame est plus que Monsieur.
Aussi Coquette le merite ;
Elle fait bouillir la marmitte.
Dame Coquette a du renom,
Du renom dis-ie qui n'est bon ;
Mais Coquette ne s'en soucie
Pourueu qu'elle soit enrichie.
Coquette à vn subtil esprit
Et parle aussi bien qu'elle escrit ;
Coquette entend la Rhetorique,
Mais encore mieux la pratique.
Coquette ne porte d'enfans,
Mais bien des hommes qui sont grands ;
Coquette s'y monstre si forte
Que tousiours nuict & iour en porte.
Coquette, par deuotion,
Ioüist de son affection ;
Coquette a esté pellerine
A nostre Dame de la Pine ;
Coquette osa bien voyager
Iusques au pais estrange.
Elle eust des sifflets de S. Claude,
Pour resjouir son humeur chaude ;

Car les bains où Coquette alla,
Où elle auoit tant faict cela,
Ne cicatriferent l'vlcere
Où tousiours l'on ioué à refaire.
Coquette est souuent de banquet
Et sur tous mets prend le poulet;
Car Coquette vint d'une Coque
Qui couue vn grand monde d'Escroque,
Dont le plus riche & le plus fin
Deuiant par Coquette Coquin.
Coquette, grande Coquetiere,
Vend sa marchandise trop chere;
Coquette tousiours la surfaict.
Le plaisir pour plaisir ne faict;
Coquette n'ouure sa Coquille
Sans qu'on luy fouque de la bille.
Coquette Croque de Choquer,
Et dict qu'on ne s'en peut moquer,
Veu que de Coquine affaireuse,
En cocuyfant hazardeuse,
Elle a gagné beaucoup de bien
Sans quoi ore on ne prise rien.
Et quand Coquette encouragée
Deuiendra par le temps aagée,
Ne voulant point changer d'aduis,
Lors, alors, par ses doux deuis
Qui ont fait ceringuer sa playe,
Elle produira d'humeur gaye,
Disant qu'on ne fait rien si beau
Que de faire vn monde nouveau,
Et qu'elle veut faire connoistre
Qu'elle l'a, ça & là, faict croistre.

*Puis Coquette, ioly bouquet,
Te mettra dessus son buffet,
Et de ses pleurs & de sa flamme
Ranimera ta defuncte Ame;
Non pas qu'elle t'aime autrement,
Mais afin que l'honneste Amant,
Ce Prelat bon pilier d'Eglise,
Pense qu'elle est de luy éprise
Voyant ta conseruation;
Et, plus gonflé d'affection,
Incontinent il luy enuoye
Bagues, Carquants, force monnoye,
Afin d'auoir habits nouueaux
Bien qu'elle en aye plusieurs beaux,
Qu'elle en change la matinée
Et quelquefois l'après-dinée,
Differemment, plains de senteurs,
Imitant les grandes grandeurs.
Car, pour vous dire vray, Coquette,
Coquette à face de raquette,
Coquette au jugement d'oison,
Se dict d'une illustre maison
Où il ne pleut point, qu'il ne pleuue.
Bouquet tu n'en feras l'espreuue;
Car Coquette, en faisant l'Amour,
Trotte tousiours & suit la Cour.
Aussi le sire, de sa grace,
Luy donna vn botus de Calce
Lorsqu'elle venoit, dont Putus
S'arma pour desfaire Brutus.*

*Je ne suis comme vn tas d'auares Courtisans ;
Espris d'un sang gaillard mon plaisir me domine,
Je contemple, HAVTEFORT, la troupe de Cyprine,
(Race qui est logée à l'enseigne des vents).*

*J'en voy qui nuit & iour trauaillent leurs Amants ;
L'une n'est qu'une sotte & fait la Paladine,
L'autre fait l'eloquente & n'a qu'une routine,
Ceste-cy ne fait rien qu'avecques beaux presens.*

*La ieune est au combat viuement attentiue,
La vieille au cœur nauré n'y fust iamais retiue,
Toutes ont le cœur braue aux Amoureux effaiés*

*(Encor que l'Antiphile apparoisse fantasque),
Le blanc, le rouge au tainé se void plus que iamais,
Et, pour te dire vray, chacune est belle en masque.*

*J'estime ores heureux quiconque a des Amis,
Que la laide auarice aucunement n'attise ;
J'estime ores heureux qui n'a nulle faintise,
Qui au feu d'Ixion son attente n'a mis.*

*J'estime ores heureux ceux qui sont fauorits
De ces grandes grandeurs que tout le monde prise ;
J'estime ores heureux l'habile qui courtise
Sans dependre le sien au seiour de Paris.*

*J'estime ores heureux qui a de la prudence,
Qui ne dié ce qu'on dié, ni la chose qu'il pense ;*

*L'estime aussi beaucoup vn vieil auantureux,
Qui n'a taché le blanc de sa gloire parfaite;
Mais, PONSONAS, mon cœur, i'estime plus heureux
L'honneste homme qui a vne femme muette.*

SONNET DV NATVREL D'AMOVRE EN DIALOGVE,
PARLANT A LVY

L. *Qui es-tu? d'où viens-tu? d'où sors-tu, si grand maistre,
Difficile à depeindre, ainsi que ie connoy?*

A. *Je suis Amour puissant, Empereur sur tout Roy,
Sans qui, ô monde ingrat, tu ne sçauois pas estre.*

*Je suis promptement vif quand ie commence à naistre;
Je brusle dans la glace hors de crainte & d'effroy,
Je suis vn chaud desir gros d'un estrange esmoy,
Et d'une humeur forcierre on me void apparoiestre.*

*Celuy n'est point, qui n'est à mes douceurs enclin;
Je m'engendre premier du beau corps féminin,
Comme subtile amorce aux Amoureuses flambes.*

*Je suis souuent diuers, haut, bas, triste, ioyeux,
Je suis aueugle encor; ie viens pourtant des yeux,
Et sors ioyeusement par entre les deux iambes.*

LOVANGE DV CHIEN,
AVEC L'EPITAPHE DE MA PETITE CHIENNE

*Pourquoy rend-on abhorrible
Le nom du Chien amiable,
Si necessairement doux,
Qu'il semble que la Nature
L'aye faict avecques cure
Pour ayde commune à tous?*

*L'ancien plein de prudence,
Pour asseurer la fiance,
N'a peu mieux représenter
Ceste bonté qui excelle,
Qu'en forme du Chien fidelle.
Qu'on ne peut trop exalter.*

*Je sçay que diuerse histoire
Rend son amitié notoire,
Capable de bon Amour ;
Si en diray-ie vne estrange,
Qu'un denmo plein de louange
Veid comme moy l'autre iour.*

*Aux Portaux, près Rilletiere,
Vn Loup raut à la mere
Sa fillette de quatre ans.
Elle, surprise, esbahie,
De peur tombe esuanoüye,
Et fust ainsi quelque temps.*

*Son Chien le fuyt à la trace,
Si viftement le pourchaffe
Qu'il l'attrape dans le bois,
En esgorgetant la fille ;
Lors d'hardieffe gentille
Saulte au collet plusieurs fois.*

*Ayant faict quitter la prise,
La mordante guerre esprise
Entonne vn reſonnement,
Par la vuide dent qui craque ;
Deux heures fuſt la bourraſque,
Et l'horrible grondement.*

*Puis le Loup voulut reprendre
La pauvre fillette tendre,
Le Chien eſtoit entre deux,
Mordant d'une trongne affreuſe
Le Loup, qui de peur honteuſe
Laiſſe enfin l'enfant ſaigneux.*

*Ce Chien PISTOLET l'aguette,
Faiſant marcher la fillette
La conduiſt à la maiſon,
Lors la mere, en ioye extrefme,
Et chaque voifin qui l'aime
Se mirent en Oraifon.*

*Mais PISTOLET ne ſeiourne ;
Il ne vient qu'il s'en retourne
Chercher le Loup à l'eſcart ;
On ne ſceut onc ſi bien faire,*

*Siffler, huer, pour l'attirer,
Qu'il reuint, qu'il ne fust tard.*

*J'ay vn Chien & vne Chienne
Qui d'infortune prochains
Donnent aduertissement,
Et quand il vient des gens d'armes;
Car du costé des vacarmes
Ils abboient longuement.*

*Ces beaux œuvres remarquables
Ne sont pas irraisonnables,
Ils sentent l'humanité,
Encor y a-il des hommes,
Au traistre temps où nous sommes,
Qui n'ont telle intégrité.*

*Qu'on ne s'estonne donc ore
Si ie plains, si ie deplore
Vn si gentil animal;
Mais vn qui aimoit ma vie,
Qui en fust si bien servie,
Qui addoucissoit mon mal.*

*Qu'on ne me blasme d'escrire
La douleur que ie souspire,
Pour ma Chienne maintenant,
Je n'ay recepte meilleure
Pour esgarer à toute heure
L'ennuy qui m'oultrage tant.*

S'on me di& plein de folie,

*Disant que ie glorifie
Vn Animal sans raison,
Par ma Muse souhaitable,
Autant comme vn raisonnable.
Qui est sans comparaison :*

*Je respondray que ie prise
Tout ce qui aime LASPHRISE.
Je ne suis ingrat en rien ;
Mais doulx, humain, pitoyable,
Regrettant le regrettable,
Mesme vers qui me fait bien.*

*Helas ! pourquoy ne plaindroy-ie,
Pourquoy ne lamenteroy-ie
Ce qu'on ne peut r'achepter,
Veu que l'on pleure la perte
Qui peut estre recouuerte.
Et qu'on pourroit euitier ?*

*Je plaindray donc ma Mignonne,
ION ION, qui fust belle & bonne,
Qui m'aimoit d'un bel esmoy,
Et ialouse de ma veüe,
Sans elle estoit esperdue,
Voulant estre auprès de moy.*

*Sans moy ne pouuoit pas viure,
Et tousiours me vouloit suyure,
Iamais ne me fist facher ;
Mais las ! c'est bien au contraire ;
Car quand i'esloy en colaire*

Elle me venoit lécher.

*Sautillant diuers passage,
Follaſtrant gaye & vollage
Me defroboit vn baiſer,
Lors i'eſtoy contraint de rire ;
Ion Ion apaiſoit mon ire,
Qu'autre n'eust peu apaiſer.*

*N'ay-ie donc raiſon de craindre,
Et encores plus de plaindre
Pour la perte de ce bien
Qui m'eſtoit ſi profitable ?
Rien ne m'eſt tant dommageable
Que l'ire dont ie ſuis plein.*

*Je ſens abreger ma vie,
Puis que la tienne eſt finie,
Ion Ion, qui m'oſtois l'ennuy !
O qu'à bon droit ie regrette
Ceſte petite Turquette,
Qui ſouuent m'a reſiouy !*

*Oultre la reſiouyſſance,
C'eſtoit ma ſeure defence ;
Car quand i'eſtoy endormy,
Soit le iour ou la nuit ſombre,
Craignant qu'il m'aduint encombre
Elle me ſeruoit d'Amy.*

*Quelque part où ie peuſſe eſtre
Près de moy vouloit paroître,*

*S'y posant si doucement
Qu'elle ne rompoit mon somme ;
Mais s'il approchoit quelque homme
Me resueilloit promptement.*

*ION ION ne fust point friande,
Ni vilaine, ni gourmande,
Plus sobre elle apparoiſſoit,
Si gentille & si aimable,
Si belle & si agreable,
Que chacun la careſſoit.*

*Elle estoit tant aspirée,
Et tant & tant desirée,
Par sa parfaite beauté,
Que ie croy que la fortune
Me l'a prise toute ieune,
N'ayant cest heur merité ;*

*Cest heur que, si par proïesse
Ou par quelque autre richesse
Se pouuoit ore acquerir,
Je n'espargneroy ma terre ;
Ou par valleur, comme en guerre,
Je voudroy vaincre ou mourir.*

*ION ION, tu fus trop iolie,
Pour qu'un Loup se rassasie
De ta delicate peau.
Je feray ta sepulture
En ceste gaye verdure,
Où l'on lira ce tombeau :*

A MOYSY, PRÈS LA MARDELLE,
 DESSOUS VNE MOTTE BELLE,
 GIST LA PETITE ION ION,
 POVR N'AVOIR PEU TROP MIGNARDE,
 DELICATEMENT GAILLARDE,
 RENDRE SON PETIT TENDRON.

*Mignonne, quel orgueil, quelle temerité
 Vous fait accompagner à ma belle aventure ?
 Quoy ! n'au' ous point de honte ? hé ! la mere Nature
 S'esbahist contemplant si parfaite beauté.*

*Vous vsez toutefois de grande verité,
 Vous renommant si haut subtile creature ;
 Car on sçait que mettez des pieces sans couflure
 Miracle industrieux, extrefme habileté !*

*Ce n'est en cela seul que vous faictes merueille,
 Par vous la couleur palle est au combat vermeille,
 Tu fais durcir le mol, & d'une chose un rien.*

*Je n'ay l'esprit si bon, ni l'ame tant accorté ;
 Mais vostre œuvre en tous lieux ie devineray bien ;
 Car ie sçay que tousiours vous faictes bien la morte.*

CONTRE VN POETE MESDISANT DE RABELAIS

*Ta docte Muse, avant que blasmer le doux rire
 Du diuin RABELAIS découplant quelque abus,*

*Ne chantoit enrouée, & croy que c'est Phebus
Qui de l'iniure aigry fesle en ce lieu ta lyre.*

*Tu trouue' en luy mauuais ce qu'en toy tu desire,
Et que par tes beaux vers tu estimes le plus,
Que tu exalte' en d'autre, en honorant Bacchus,
Qui pris modestement n'est subiect au mesdire,*

*Ainsi que RABELAIS l'a modestement pris;
Eust-il escrit, gaillard, tant de doctes escrits
Dont le flux fait couler le temps tristement lasche?*

*Tu t'es doncques trompé, soit luy portant rancueur,
Ou pour plaire aux voillez au vent de la faueur;
Ainsi voulant fascher quelquefois l'on se fasche.*

*IAQVES MARIE, apprens ceste mienne escriture,
(Dont ie t'honore icy addoucissant mon mal)
Puis que Tulle escriuoit à vn sien mareschal,
Je puis bien mieux t'escrire exempt de laide iniure.*

*Toy qui es de long temps ma chere nourriture,
Qui m'as si bien seruy d'un seruice loyal,
Comme Ian Robelet, ce Bourguignon feal,
Que i'ay entretenu iusqu'à la sepulture;*

*Crains Dieu sur toute chose, aime tes bons amis,
Fuy le vergongneux vice, & ne fay d'ennemis,
Vse discrettement & du vin & des femmes.*

*Reuere ma memoire & des miens vertueux ;
Comme loups enragez abhorre mes hayneux,
Ne decelle Eraton, ni mes beaux Anagrammes.*

AV MESME. ANAGRAMME

*Cil QVI SERA AIMÉ
De ma Muse immortelle
Suruiura estimé,
Plein de vertu fidelle.*

*Je maudis à bon droit la guerre iniurieuse,
Qui me tient si long temps en Gascongne arresté,
Ne voyant ma maistresse, Astre d'alme beauté,
Qui rend (diuin RONSARD) ma douleur glorieuse.*

*Et aussi que ta lettre hautement gracieuse
Me r'enflamme au souhait que j'ay tant souhaitté,
Induisant ma Clion à pleine liberté,
Qui pourroit sous ton air voler par tout heureuse.*

*Je voudroy bien partir, mais hélas ! ie ne puis,
Au nauire abordé comparable ie suis,
Qu'on ne peut desancrer sans couper le cordage ;*

*Car ne pouuant auoir congé de mon seigneur
(DV MAINE, ce grand Mars) sans blesser mon honneur,
Je ne sçauroy, RONSARD, faire ce beau voyage.*

*Enflé d'ambition, temeraire importun,
Qui laisses Dieu à part (aussi es-tu Athée,
Comme l'apparence est dessus ton front plantée),
Rauissant au public le moyen opportun;*

*Dy-moy, voleur superbe, ennemy d'un chacun,
Que sert ta passion dans le sang arrestée ?
Peux-tu faire un honneur d'une chose eshontée ?
Car le brigandage est abhorrible au commun.*

*Quoy ! violer, brusler, assassiner le monde,
Defrober, saccager, troubler la terre & l'onde,
Nommes-tu telle horreur un œuvre glorieux ?*

*Il faut pour bon subiect une guerre entreprendre ;
Non, destruisant le monde, vsurpement s'eslendre ;
Cela c'est outrager les hommes & les dieux.*

A MAISTRE GILLES L'VSVRIER,

PROCVREVR A CHARTRES

*Ta qualité & ton nom te font tort,
Le Procureur semble double aduersaire,
Faisant sous-main des traictés qu'on ne doit faire,
Et renaissance au plaidoyant discord.*

*Où toy qui l'es discrettement accord,
Preud'homme entier tu abreges l'affaire ;
Puis vsurier tu n'es point vsuraire,
Ains secourable & des pauvres support.*

*Le nom doit estre indice de la chose,
Nombre infiny sur ce subiect s'expose,
Ainsi Mauors par sa force est nommé.*

*Prens donc vn nom à ton humeur duisable,
Non fay, tu es comme vn grand plus louable,
Qui grand guerrier paisible est estimé.*

*Ce petit Pelerin qui fait si bonne mine
(Aussi a-il, RONSARD, l'esprit & le cœur bon)
Ne se vouë à LIESSE où l'VNIQVE a renom,
Vne autre Nostre Dame eschauffe sa poitrine.*

*Il a deuotion à celle de l'Espine,
Qui esteint doucement le feu de Cupidon,
Il y va bien en-point, garny d'un gros bourdon,
Afin d'honorer mieux ceste image diuine.*

*Aussi tost qu'il sera près de ce digne Autel,
Il pri'ra d'apaiser son bisarre martel,
Tenant chandelle ardente en humilité grande,*

*Et n'aura si tost dict sa briefue oraison,
En ietant l'eau beneiste (après sa belle offrande)
Qu'il n'aye (en se croisant) la douce guerison.*

*Celuy auroit le cœur d'une roche marine,
Qui voyant tes vertus n'en seroit Amoureux,*

*Dont moy galand, affable, honneste, genereux,
L'adore ta beauté, l'image d'Erycine.*

*Or comme vn messager qui longuement chemine
Parmy l'ample campagne & grands bois ombrageux
S'esgare aucunesfois; de mesme auantureux
Le crains quelque destour en chose si diuine.*

*Mais si tu veux, m'Amie, oster ton mal d'esprit,
(Douleur qui par Amour seulement se guerit)
Belle Blaisoise, il faut m'embrasser sans feintise.*

*Comme vn clou chasse l'autre, ainsi mon feu nouveau
Consummera l'ardeur qui gaste ton cerueau,
Et en tes ceps d'Hymen te mettra en franchise.*

*La goutte, rage mondaine,
Où le docte est ignorant,
Horreur de l'alme neufuaine,
M'enflamme d'un feu si grand*

*Que ie ne puis respondre ore
A ces carmes singuliers,
Dont le pere que i'honore
Merite vn rond de Lauriers.*

*Mais si la santé amie,
Thresor de l'extresme bien,
Sans qui vie n'est point vie,
Bande mon Luth Delphien,*

*Et que dispos ie reuiue,
Le refonneray des vers
Qui en sa faueur naïfue
Primeront par l' Vniuers.*

*Or ie vis en esperance
De reuiure encores mieux.
Viure en cruelle souffrance
Ce n'est qu'un viure odieux.*

*Et suis maintenant en doute
Que l'on meure de douleur,
Puis qu'on ne meurt de la goutte,
Plus outrageuse fureur.*



DES-A V E V
DV FLEAV FEMININ

*En ta faueur, ma VIERGINETTE,
En te louant, ma blondelette,
Je veux contrefaire vn grand Roy,
Qui quand il luy plaist se reuoque
Et du vray semble qu'il se mocque
En mettant en doute sa foy.*

*Je me veux donc ores desdire
De tant & tant d'aspre mesdire
(Mesme du Fleau feminin),
Puis qu'en toy ie me voy renaiistre
Et qu'en ton teinct on connoist estre
La beauté qui me fist diuin.*

*Rends donc grace, ô grande & petite,
A ceste perle & fleur d'eslite
Qui fleurist sur toutes les fleurs,
Qui sans art, qui sans artifice
Trompe sans tromper la malice
Du vieil hyuer gros de rigueurs.*

*Je diray donc par toy, Bellonne,
La femme diuinement bonne,
Et sans aucune esgalité;
Car on ne peut voir chose au monde,
Qui la femme en vertu seconde
D'elle en elle est toute bonté.*

*La femme prist de l'homme essence,
Puis l'homme de femme naissance,
Tous deux ne sont qu'un mesme point;
Qui blasme l'un, il blasme l'autre,
Le nostre est sien, le sien est nostre;
C'est un corps double, vnement ioind.*

*Sans ce plaisir que (sans la femme)
On ne peut auoir sans diffame,
On ne sçauroit viure esgayé;
Toute la chere n'est point chere,
Et qui veut auoir ioye entiere,
Il faut donc qu'il soit marié.*

*Hé quoy ? sans le saint Mariage,
Tout ne seroit qu'un Bourdelage;
Nous serions tous incestueux;
Le fils engrossiroit sa mere,
Et l'ignorant battroit son pere,
Tout iroit en desordre haineux.*

*Si toute chose estoit commune,
La confusion importune
Domineroit vilainement,
Comme chaque chien près la lice*

*S'entre-dechire & s'entre-pisse,
Auecque fascheux grondement.*

*Où deffous l'honneste Hymenée,
On void de Paradis l'idée,
L'homme & la femme ne sont qu'un ;
Quand leurs enfants viennent à croistre,
En eux ils se voyent renaistre ;
Y a-il tel bien opportun ?*

*On dira que par femme aimable,
L'homme receut le coup damnable.
Je respons qu'elle a réparé ;
La saluation en est veue,
Par MARIE vne vierge esleue,
Qui porta IESVS-CHRIST sacré.*

*Si tu dis la femme legere,
Toy qui dois estre sa lumiere,
Pourquoy es-tu autant leger ?
Si tu as failli pour la croire,
Pourquoy, toy qui t'en fais accroire,
Te laisses-tu tant engager ?*

*S'elle est plus fine & plus subtile,
Elle est donc plus que l'homme habile ;
L'homme qui la blasme souuent,
Ainsi se declare vne beste,
Qui n'a que du vent dans la teste,
Variable comme le vent.*

Si les femmes ont faict grand's fautes,

*Les hommes en ont faiçt de hautes,
Qui se donnent permission,
Ne baillant aux femmes licence,
Dont l'homme ayant plus d'insolence,
Merite plus punition.*

*Qui voudroit compter les estoilles,
Et sur mer les bouffantes voilles,
Toutes arenes d'alentour,
Il auroit plus tost faiçt d'escrire
L'honneur que la femme souspire,
Par les bon-heurs de son Amour.*

*Mille fois viendroit la Nuiçt noire,
Auant que i'eusse, en ceste histoire,
Pensé aux biens qu'elle conçoit;
CHRIST la conneut si souueraine,
Qu'il voulust, par la MAGDELEINE,
Qu'on sceust premier qu'il reuiuoit.*

*Or c'est assez, mon Amelette,
Ma mignarde Papillonnette,
Le Ciel t'eslongne de l'esmoy,
Vy donques, vy, ma mignottise,
Et apprens ces vers que LASPHRISÉ
Composa pour l'Amour de toy.*

SVR LE BEL ANAGRAMME DE M. P.

(MARGVERITE PAPILLON)

*O que le noble honneur a de puissance bonne !
Il faict reuiure vn mort quand il l'affectionne,
GENTIL PALMIER POVRA me faire incessamment
Par l'Vniuers reluyre, en glorieuse flamme ;
Aussi l'aimay-ie autant que mon cœur & mon ame,
Comme estant le motif de son vif mouuement.*



REGRETS DE PHILASSER

*Soit, que i'aye failly d'une Amoureuse enuie !
Par la grace de Dieu ie t'ay donné la vie,
Et, t'ayant reconnue, image de mes yeux,
Ie t'ay donné mon ame, & mon cueur & mon mieux,
Ie t'ay donné mon bien, & t'ay donné encore
Le beau Nom que ie porte, afin que l'on t'honore;
Car il est renommé du renom de mes vers,
Tant qu'il vole immortel par le grand Vniuers;
Tellement qu'on l'admire, & chacun s'esmerueille
De ma Muse sans art, dicte la nonpareille.
M'Amie, il m'a donc pleu dignement t'estrenner,
Te donnant ce qu'à nul n'eusse voulu donner.
Las ! ie ne le plains point, ie regrette au contraire
Que ie ne puis pour toy dauantage ores faire.
Tu es donc obligée, & d'un iuste deuoir,
A me cherir sur tous & de tout ton pouuoir.
Ie croy que le feras, ie dy si ton courage
Ressemble autant au mien comme fait ton visage;
Mais, ma TOUTE, ie crains de ne voir ce bon-heur
Par le sort maladif qui jà me fait terreur.
Quelle felicité ! quelle gloire deliure !
Si le Ciel me faisoit assez longuement viure,
Tu tiendrois vn beau rang ! Qui oseroit brouiller
De mes biens (dont defunct) on te peut despouiller,*

*Si la foy des féaux deuenoit infidelle,
Ce que ie ne veux point ancrer en ma ceruelle.
Mais toutefois, m'Amour, ie sçay, si ie viuois
Encores plusieurs ans, qu'encor plus tu serois ;
C'est là mon seul desir, car ie ne desire estre
Qu'afin d'auoir moyen de te faire prestre,
Qu'afin d'auoir ce bien chaque iour de te voir,
Te faire vertueuse & faire bien pouruoir.
Voilà, mon cher souhait, tout ce que ie souhaite,
Et ce qu'ores, dolent, dans mon liç ie regrette,
Redisant de rechef que i'ay peur qu'estant mort
(Qu'encore trop ieunette) on ne te fasse tort.
Or si à ceste fois le Ciel m'ensepulture,
Reçois ma volonté, qu'entiere ie te iure,
Honore ma memoire, ayant l'aage discret,
Et çà & là regrette en tout temps mon regret.
Mais, mon doux Aiglelet, ma mignarde Angelette,
Ie te prie & coniure, ô ma chere fillette,
(Non point desesperé, auisant ton espoir
Par ma perte perdu) durement me douloir
Par des souspirs profonds, par larmes catarrheuses,
Par tristes actions, par paroles piteuses,
Plains-moy discrettement, craignant que la fureur
Des plaintiues pitiez ne te fasse douleur :
Car ie te iure Dieu que ta dolente atteinte
(Sur toutes les douleurs) est ma plus grande crainte.
Ie te resuppli'ray par mon affection,
Pour que tu ayes mieux ma bénédiction,
De contenter mon vueil, qu'en ces vers ie t'ordonne,
C'est que tu viues sage, en conscience bonne,
De craindre tousiours Dieu, d'auoir chaste entretien,
Ne hanter que les gens reconnus gens de bien ;*

*Si ne croiray-ie pas, & ne suis heretique,
Qu'on puisse imaginer ioye plus magnifique
Que la veüe entre amis, s'aimans d'integrité
Par l'instinct de Nature & consanguinité,
Mesme après auoir faict si merueilleux voyage,
Qui par la mort nous a separez si long age,
Cette felicité ne se peult exprimer,
Tefmoins m'en soyent ceux-là qui sçauent bien aimer!
Peres & meres doux, hé! quel plaisir seconde
La veüe de ceux-là que l'on a mis au monde,
Les enfans gracieux! Gros de douce douceur,
Cet heur est coëgal à l'inegal bon-heur
Qu'on tient en Paradis, sejour de l'ame saincte,
Dont plus heureux pourrons auoir double aise empreinte.
Combien de saincts baisers, de souspirs naturels,
Combien d'embrasemens cherement paternels,
Combien de iustes pleurs & de larmes benines
Prouueront lors l'ardeur de nos Amours diuines!
Ce bien t'es mouue donc à viure sagement,
Afin que nous ayons ce doux contentement,
Afin que si la Mort (par qui tous déperissent)
A voulu separer ceux qui s'entre-cherissent,
Nous ayons bon espoir d'encore nous reuoir,
Qui est le seul dessein que ie desire auoir.
Tout le bien en mon dueil c'est donques l'esperance
De te reuoir vn iour plein de resiouyssance,
Que tu m'accolleras, que ie t'accolleray,
Que tu me beniras, que ie te beniray,
Et pour n'y faillir point, ie te pry', ne fait faute
De reuerer tousiours la diuinité haute,
Et te souuienne encore, en l'honneur de mon dueil,
Qu'après ta mort tu sois mise dans mon cercueil,*

*Et croyant, ô mes yeux, que me voudrez complaire
Je mourray plus content en ma triste misere !*

*Ainsi dist PHILASSER, regrettant douloureux
De n'avoir grand espoir de viure vigoureux
Et approcher le but de la blanche vieillesse
Pour voir luire le iour de sa douce liesse.*

*Pour me desennuyer ie n'ay qu'un gros Picard,
Qui danse quelquefois d'une grace posée ;
Il amble tout ainsi qu'une ieune espousée,
Et de cadence encor iamaïs ne se despart.*

*Sur le soir, plus dispos il bondit par hazard,
Il tombe doucement comme une tour rasée,
Il souspire à hocquets, il rid de sa risée,
Il est pour un camus amiable paillard.*

*Il est laborieux, il prend bien ceste peine
De boire du meilleur la tasse toute pleine ;
Bref il est merueilleux, c'est un noble Cocu,*

*Qui prononce bien Dieu alors qu'il se courrouce ;
Il a surtout la grace agreablement douce,
Car tousiours, tant est bougre, il va grattant son Cu.*

*Mon Picard n'a qu'un vice en chaque qualité,
Il n'est de ces fringans qui veulent qu'on les loüe ;*

*Tout le plaisir qu'il prend il veut que ie l'aduoüe,
Et dit que c'est d'autant que ie suis attristé.*

*Mais, afin d'euter la molle oyfiueté,
Il dort, ou boit, ou marche, ou paillarde, ou il ioüe;
Contrefaisant le finge il morgue, il fait la moüe;
Il baue, il rotte, il pette en toute honnesteté.*

*Hardy comme vn Renard il ne rougist de honte.
Mon Picard n'en a point, si ce n'est quand il conte
Que sa femme à Paris à chacun tend beau ieu,*

*Qu'il a pour compagnon vn monde magnifique,
Estant plein, son plain-chant surpasse la Musique;
Car il a bonne voix pour bien crier au feu.*

DISCOVRS A LA FRANCE

*FRANCE, qui m'as donné la chere nourriture,
Et dont i'attends aussi la douce sepulture,
Mere, ie te supply' de soustenir ton fils,
Si quelque mesdisant luy vsoit de mespris.
Or ie te veux conter ce qu'on voudra mesdire,
Et ce que iustement tu pourras contredire.
Si quelque Auolé dict que ie cele mon nom
(Volant par l'Vniuers) qui est DE PAPILLON,
Respons-luy au contraire, ains que ie l'éternise;
Mais parce qu'à bon droict l'on m'appelle LASPHRISE
Et que par autre nom ie ne suis renommé,
Qu'on ne me cognoistroit d'un autre nom nommé,*

*Qu'aussi est-ce vn fief de la terre ancienne
De VAVBRAVLT d'où ie suis aux beaux champs de TOVRENE:
Mais MARC est mon nom propre illustre en toutes parts,
Et en son braue honneur i'ay faict beaucoup de MARS.
Ie ne suis donc blasnable alors que ie me louë,
Imitant les plus grands, dont le diuin m'aduouë.
Puis si quelqu'un te dict que mes beaux vers François
N'ont esté faicts sans art, que ie ly quelquefois,
Respons pour m'approuuer que ma Bibliotheque
Est vn ratelier d'arme', où de iour en iour presque
Si le Ciel ne larmoye, & si ie suis dispos,
I'y prens mon escopette & m'exerce à propos,
Que ie regrette fort de n'auoir la nature
(Comme tant de sçauans) encline à la lecture.
S'on te dict que ie prens (moy qui suis retiré)
Le nom de Capitaine ores moins honoré:
N'oublie à repliquer que ce genereux Tiltre
Ne s'esuanouïst pas comme cil d'un belistre,
Que ie ne perdray point (car ses Lauriers sont verds)
Ce beau grade guerrier, l'ornement de mes vers.
Que ie n'ay redouté ni l'onde glaciale,
Ni celle dont l'ardeur d'une autre n'est esgale,
Que l'Afrique, l'Asie & que l'Europe aussi
Ont plusieurs mois conneu ma braue humeur ainfi,
Que la chaude ANCELOTTE ouyt mon harquebuse,
Et la froide Allemagne, où Bellone s'amuse,
Si ie commençay bien, que ie n'acheuay mal,
Ce fust à VIMORY, où l'honneur Martial
Me salua si bien, que sans l'ingratte essence
Mon loyer eust donné à d'autre recompence;
Et mon Genie heureux m'auoit de gloire orné,
Quand il me mena viste au camp à COVRTENÉ.*

*Là ie n'eus le loysir seulement de repaître
Pour aller à la guerre, où mon seigneur, mon maître
N'ayant avecques luy que quarante guerriers
(Gentils-hommes d'honneur, amoureux des lauriers)
Defist, garantissant sa bonne infanterie,
Bon nombre d'ennemis, ennemis de sa vie.
Nous courusmes fortune ensemblement sans peur,
Et fus seulct vne heure auprès de luy vainqueur :
Depuis par son vouloir en trauerse hazardeuse,
J'allay viste à Nancy près son Altesse heureuse,
Retournant indispos ie laissay lors ma Cour,
Et m'en reuins en Beauffe à Moisy mon sejour,
Ayant veu que i'estoy comme vn qui avec peine
Marche alteré bien loin pour boire eau de fontaine,
Et quand il en est près, qu'il tient le verre plein,
Par malheur sans sa faute il luy casse en la main.....
Car si l'artisan a du gain de son ouurage
Et si les beaux effects meritent d'auantage,
Je deuroy aduancé paroistre opulemment,
VOVS M'EN ESTES TESMOINGS RENCONTRE DE DORMANT,
OV IE FVS VEV TVANT, EN POVRPOINT, PESLE-MESLE,
LE VERNAY, VYMORY, FOSSÉ DE LA ROCHELLE,
VOVS MONDE D'ESCARMOVCHE, ASSAVTS DE LVSIGNAN,
DANFRONS, SAINT-LO, BROVAGE ET FONTENAY, MARAN,
SAINCTE, MESLE, LA MEVRE ET VILLES DAVPHINOISES,
LA GASCOGNE ET THETIS, VOVS HONORABLES NOISES,
ET VOVS CENT MILLE HAZARDS PAR MIRACLE PASSEZ,
Qui souuent m'ont fait mettre au rang des trespassez.
Je me puis bien vanter de cecy sans enuie,
N'y ayant butiné que coups & maladie,
Je meurs me souuenant d'auoir à mes despens
Tant couru, tant souffert, perdu mes plus beaux ans.*


*Blasonne qui voudra ma Muse veritable,
Je voudroy me vanter d'honneur plus profitable,
A fin qu'à bon escient on m'appelast vanteur,
Mais ie ne vante, hélas ! que mon hautain mal-heur.
Qui l'enui'ra, ô Dieu, toute grace opportune,
Fay, pour le chastier, qu'il coure ma fortune,
Que ces vers apprendront ; qu'il soit braue & galand,
Errant vingt & vn ans près de Mauors sang'ant,
Que plusieurs coups mortels, les douleurs, les trauerfes,
Les pertes, les trauaux, les passions diuerfes,
Pesle-mesle à toute heure, vn sur l'autre entassé,
L'assaillent comme moy n'estant recompensé,
Et puis, desesperé de la Cour sa ruine,
Seul à part retiré, son malheur il rumine,
AV FRONT DES FEUX GVERRIERS EN CONTINV HAZARD ;
Alors il connoistra si ie me plains par fard.
Vous, ieunes Cheualiers, comme moy d'humour franche,
Ayez bien de mon mal qui vous serue de planche.
Si le sort vous menace après que vostre cœur
En beaucoup de bons lieux aura acquis honneur,
Retirez-vous pluslost, car vous estes trop braues
Pour mendier tousiours, & pour rester esclaves,
Vous aurez beaux peiner, les muguets effrontez
Auront de vos labeurs les biens bien meritez ;
Je voy (si vous n'avez à mon dire creance)
Que vous aurez enfin tardiue repentance.
Plus on est à la pluye, estant mal habillé,
Et plus (mes compagnons) on s'en reuient mouillé !
Tant plus on entre auant aux forests espineuses,
Plus, tant plus on reçoit picqueures doulourcuses,
Et qui plus seruira les ingrates grandeurs,
Plus aura de regrets & plaintiues clameurs.*

ELEGIE

*Puis qu'il faut t'augmenter, mon LIVRE, mon mignon,
Mon tout, mon œil, mon cueur, mon seul, seul compagnon,
Ame de ma pure ame, hé ! i'aurois tort ma vie
Si ie ne renommois ma genealogie.
Je ne veux donc, mon fils, qu'on ignore ton rang,
Ny d'où est procedé le sang de ton cher sang,
Ny ne me veux farder pour me faire paroistre
Plus grand que ie ne suis empruntant plus grand estre.
Bien que le beau sejour qu'ont laissé mes ayeulx
Soit assez reconnu pour estre glorieux,
Il est en place ouuerte au milieu de la France,
Et si seigneurial que son fief s'auance
Iusqu'Amboyse, où plusieurs en tiennent seulement :
Il passe CIRCE & LOYRE, & diray plus vraiment
Que maison du pays n'a tant esté connue
Sans tomber en quenouille & sans estre vendue.
Apprends donc, ô mon LIVRE, enfant de liberté,
Tandis que ton LASPHRISE est au monde arresté,
Que i'ay nom PAPILLON, que ie suis de TOVRaine
Cadet de VAVBERAVLT, maison fort ancienne
Qui est en nostre race il y a trois cens ans ;
Mais les malheurs diuers, les miseres du temps,
Et tant & tant de fois partage sur partage
Ont beaucoup amoindry ce gentil heritage.
Or cestuy-là des miens qui l'honora premier
S'appeloit ARNAVTON renommé bon guerrier,
Qui changea sa GAROSNE à LOYRE près d'AMBOYSE,
Par Hymenée estant à la guerre Françoisse.
La remarque des siens pour confirmer ma voix,*

*Est à BOVRDEAUX, séjour des armes & des loix.
Qu'on voye à PIPOSLIN vn superbe edifice,
On lira PAPILLON graué au frontispice.
De ce preux Capitaine on tient donc descendus
Mes Ayeulx Tourenjaux de l'honneur deffendus,
Qui nobles Conseillers de la Cour souveraine,
Ont seruy de lumiere à la vertu certaine.
Ainsi mon digne Pere esclaira de tels rais,
Et grand Reformateur des eaux & des forests
Au DVCHÉ DE TOVRAINE honorant plus sa vie
Ayant si beau Pouvoir en sa belle patrie.
Alors la pieté ne se marchandoit pas,
On n'achetoit encor ces glorieux estats;
Pernicieux achapt dont l'ame est corrompue,
Car pour se rembourser la Iustice est pollue.
Du costé maternel pour bisayeule i'eu
BLANCHE FVMÉE ardant d'un feu chastement veu,
De race diète illustre, ayant ceste excellence
Que d'icelle est venu vn Chancelier de France.
Mon ayeule auoit nom CHARLOTTE DE GODEAU,
De PRÉ (voisin d'Amboise) vn lieu noblement beau,
D'où sortirent iadis des Cheualiers si braues,
Qu'ils rendirent, vainqueurs, plusieurs Anglois esclaves.
Pource on dict qu'un puisné, au bruiet de son renom,
Fut richement pourueu au terroir bas Breton.
Ma mere au cueur pudique est de PREVOST issue,
De la maison de FORGE au pais reconnue,
Dont le renom ne peut tresbucher de son haut;
Et ne dégénerant l'heureux PLESSIS PREVOST,
Vieil, d'un sens magnanime, en seruant sa patrie
Mourut rendant TOURS forte & l'a fort aggrandie.
Hola, mon LIVRE, hola ! tu as dict autre part*

*Que Capitaine i'ay, au milieu du hazard,
Conquis mille Palmiers, n'ayant à leur ombrage,
Pour le fruit de mes fleurs, qu'un los pour tout fruitage!*





STANCES DE BACCHVS
ET CARESME-PRENANT

composées le mesme iour

PAR LE CAPITAINE LASPHRISE

Et trois Sonnets sur pareil subject

*Si en ce iour gaillard, où chacun fait festin,
Le louë les bontez du delectable vin,
Il ne s'ensuit pourtant que mon sens s'en esgare,
(Consequence mauuaise entre les vertueux)
Tel aime ainsi l'Amour, qui n'est point bourdeleux,
Et tel prise ainsi l'or qui ne fust onc auare.*

*Je sçay qu'és vicieux l'yurcngne est le premier,
Pechant, il scandalise vn monde singulier,
Et si, en s'offençant, Dieu & l'homme il offence.
Le menteur, le iureur ne fait point tort qu'à luy;
Le larron a profit du moyen de l'autrui;
Et, du plaisir, l'yurogne engendre desplaisance.*

*Quelle plus grande horreur faisant extrefme mal?
D'homme, image de Dieu, deuenir fol brutal,
Plus que les Animaux qui sont irraisonnables;
Car l'yurongne occira son pere le flattant.*

*Vn chien rid à son maistre, & fust-ce en le battant ;
N'approchez donc de moy, yurongnes abhorrables.*

*Je ne veux donc icy diffamer le bon vin ;
Je l'honore, au contraire, entre tous biens diuin,
On ne doit accuser la matiere incoulpable ;
L'estoc, nostre defense, ainsi nous occiroit.
Il en faut mespriser le goulafre qui boit,
Et non l'excellent vin de foy plus admirable.*

*Chante donc qui voudra les combats furieux,
Les foudroyans assauts de Mars victorieux,
Mes Lauriers empourprez mon honneur testifient,
Par delà Gilbathar i'en pris Adolescent.
Pour ne renouveler mon mal qui me dueil tant,
Je diray donc les biens qui, plaisans, desennuyent.*

*On dict qu'il fait beau voir vn bataillon armé,
Marcher en ordonnance à la guerre animé,
Mais l'ordre des flacons a bien meilleure mine,
Et plusieurs plats fournis sur la table arrangez :
Or puis que l'on combat pour les biens ombragez,
Messieurs les conquerans triomphent en cuisine.*

*Le braue entreprenant y fonde son project,
Le Monarque plus fier est tousiours son subiect ;
Où la cuisine faut la guerre est abolie,
Sa fumée est Royale, & peut brusler les cœurs
D'Ambition, d'Amour ; c'est la mere aux seigneurs,
Donc l'aimant ie seray d'illustre compagnie.*

Magnanimes seigneurs, de cuisine opulents,

*Qui sembleriez honteux si vous entriez dedans,
Puisque c'est vostre honneur il n'en faut avoir honte ;
On ne doit dedaigner ce qui fait respecter :
La cuisine, par qui on vous va bonneter ;
Car, sans elle, de vous on ne feroit nul conte.*

*Qu'on ne s'estonne donc si le Prince appaslé
Prend de l'autrui par force ombré de pieté ;
L'essence cuisiiniere extresmement profite,
C'est le grand œuure exquis, c'est la blonde toison
Conquestée en Colchos par le braue Iason ;
Mesme Dieu est prié par la bonne marmite.*

*Tout se faict pour la morse ; on a beau estre accort,
Sans cela tout n'est rien, le plus vif semble mort ;
Sus doncques, TERPSICHORE, apprens-nous ta science,
Pour honorer celuy qui t'honore le plus,
Car nous sommes au temps dedié à Bacchus ;
A Carefme-prenant il faut que chacun dance.*

*Voicy le iour festé plus solennellement !
O feste souhaitable ! on n'y void nul tourment ;
On chante, on faulte, on rit ; tout plaisir s'y arreste,
On parle ouuertement, on y trouue tout bon,
Donc i'entonne en ce iour sainct Denys son patron,
Et voudroy tous les iours qu'on célébraist sa feste.*

*N'en desplaise à sainct Ian avec son feu ioyeux,
Et vous saints depriez, ô S. Faustin l'heureux,
Sainct Auit, S. Genou, S. Vif, S. Iust, S. SIRE ;
Vous n'approchez son heur, luy seul est plus que tous ;
Car sa feste est salubre aux sages & aux fous,*

D'un tel saint general grossement on souspire.

*Il est au Carneual, où chacun fait l'Amour
(J'entens l'un portant l'autre à mode de la Cour ;
Je ne veux offencer les oreilles plus tendres),
Plus grand il est chommé & de iour & de nuit,
Ce n'est un maigre saint ; son iour de graisse luit ;
Sa Vigile est charnelle, on s'en degraisse aux Cendres.*

*Hommes, femmes, enfans, mes voisins, mes Amis,
Apportez le Mommon ; ne soyez endormis,
Il me plaist, Saltadin, que toute nuit tu bales,
Aux doux fredonnemens de mes beaux Violons.
Qui voudra dansera rondement aux chansons,
Iò, voicy le iour des gayer Bacchanales !*

*On admire Pallas pour avoir inuenté
La toile blanchissante ; on a ainsi vanté
Ian Guttemberg qui fist la docte Imprimerie ;
L'autre l'or'loge bonne aux hommes trauaillans ;
Et la pouldre Allemande effroyable aux vaillans ;
Et l'hasardeux Typhis qui en mort est en vie.*

*Au prix du vin, c'est peu que ces inuentions ;
Je voy bien Cerès riche avec ses espics blonds,
Par qui l'on faict le pain, qu'à peine l'on façonne ;
Mais en des lieux loingtains on en pestrist de bon,
D'une grosse racine abondante à foison,
Et de speltre, qui est espece nourrissonne.*

*J'entens bien que le vin pris intemperamment
Cause dedans le corps un refroidissement,*

*Et dissipation, mesme generatiue,
Qu'il gaste veines, nerfs, qu'il hebeté les sens ;
Mais pris en modestie, ainsi que ie le prens,
Il est tout bon, sans pair, l'essence d'Amour viue.*

*Pource on dict que Priape est enfant d'Osiris,
Et de Venus la belle aime-dance, aime-ris,
Et dict-on que sans luy elle est bien morfondue.
Puis qu'un prouerbe antique est Oracle diuin,
Pour faire bien l'Amour il faut donc de bon vin ;
L'honneste Dame aussi n'en est pas despourueue.*

*Tant de doctes nombreux i'ensuyuray l'honorant,
En langage François, puisqu'en France il vient grand,
Comment le nommeray-ie ? il a plusieurs patries,
Voulant monstrier par là aux hommes curieux,
Qu'il est certainement un des plus puissans dieux.
On ne peut estre grand sans grandes seigneuries.*

*Vnique, apprends-moy donc ton plus beau nom aimé,
A fin qu'en ce conuy chaque Amy estimé,
T'inuoquant avec moy, aye ta grace entiere !
Nous en porterons mieux nous resiouissans bien ;
Tu en auras l'honneur ; car sans toy tout n'est rien,
Où manque le bon vin l'on ne fait bonne chere.*

*Pour plus excellemment magnifier Bacchus,
Le diray-ie Psyla ou Liber qui est plus,
Hymenean, Noab, Bassar, superbe, agile,
Des Menades le chef, des Tyades, ou Pan,
Vieil enfant, Indien, Thebain, Niçilian,
Cuiffe-né, Silenin, Semelin, franc, vtile ?*

*On te depainct diuers, les vns te font chesnu,
Ceux-cy douillet, sans barbe, & les autres cornu,
Voulant par là monstrier ta corne d'abondance,
Ou bien que tu fais faire en tous lieux des cornus;
Car, en raffasiant tu prouocques Venus,
Pource on dict de tout temps : DE PANCE VIENT LA DANCE.*

*Non, non tu es cornu ! CORNVAV est ton nom,
Non à cause du Bouc, ni de Iupin Hammon,
Mais parce que tu viens plus grand à l'ample vigne,
Que l'on appelle ainsi, dont la sainte liqueur,
L'honneur de VAVBERAVLT, sur toute autre a l'honneur;
Quiconque ment en vin de viure n'est pas digne !*

*Ce plan deuient puissant ; il n'y faut du charmier,
Aussi son vin est prompt, fort, vermeillet, altier,
On luy doit le buuant, la trompette sonnante,
Je veux qu'à chaque fois qu'on en bura, soudain
On die vne chanson qui aura pour refrain :
Gay, gay, viue Bacchus, & cuisine odorante !*

*Mais on ne peut souuent le reconnoistre bon,
La plus-part ne le void que d'un œil de renom,
Regrettable beauté ! qui fait honte à Gascogne,
A Beaune, à Orleans, à Coucy, Bar, Anjou.
Son mal en son bien donc c'est qu'on ne le void prou :
En la grand' rareté on fait mal sa besongne.*

*L'estranger ne le void, les Princes, ni les grands,
Fussent-ils, ô Bacchus, tes illustres enfans !
Par miracle estonnant il est en ma Touraine,
Et en ma terre aussi, au clos Vaubraunien,*

*O suc priant, riant, gaillard, Venerien,
En cueillant le beau Mirthe on esgare la peine !*

*Il faut donc par luy, toy solleillant entre tous,
Garçonner ore assis, debout ou à genoux,
Mettant à ceste fois l'Aretin en lumiere.
Çà, Briare aux cent-mains, brindes en general !
Fy du palle soucy ! viue l'Amour loyal !
Sans la femme on ne peut faire vne chere entiere.*

*Du plus beau nombre sept salüons nos Amours,
Puis leur faisons sept fois, sept planettes, sept iours
Meinent le bal de l'an ; mais nos iours ne retournent.
Employons-les donc bien, tandis que nous viuons.
Hà, hà, hà, c'est bien dict, baisons, chantons, buuons,
Au tenebreux tombeau les plaisirs ne sejourment.*

*Disons le mot, gauffons, non en Courtisans fainds,
Cest honneur reuerend, ce baisement de mains,
Rien, cela me desplait, faisant chere accomplie,
Pinuente vn traict ioyeux ; chacun ait près de luy
Vn verre cristalin, & d'un son resiouy
Demandera à boire en plaisante harmonie.*

*N'oublions nos Amis, tin dins, apporte plein,
Que ie boiue à mon cœur, mon cher VILEGOMBLAIN,
Chef-d'œuvre glorieux, si courtoisement sage !
Puis à VIEFVY nostre ame, où la vertu se plaist,
Puis à nos bons germains ; bref en ce bel apprest
Rappelons le bon temps pour le mettre en vsage.*

Nous salu'rons ceux-cy presque comme presens.

*A souppé ie buray aux intimes absens,
A mon BEAVVAIS-NANGY, gros d'ardeur singuliere,
Puis à mon BOIS-DAVLPHIN, tout Amour, tout honneur,
Et puis à la santé du MAINE, mon seigneur;
On ne songe en buuant à la fortune fiere.*

*En salüant ainsi la santé des Amis,
Ne gastons point la nostre, à nous-mesme ennemis,
Pour l'egayer vn peu, disons le mot pour rire,
Tout n'en ira que mieux; tout est bon maintenant;
Car tout est (comme on dict) de Carefme-prenant,
La Dame biscotée vfa de ce beau dire.*

*O Carefme-prenant ! que tu es vn grand Roy,
Tous les Roys assemblez ne sont si grands que toy,
L'vn rompt l'edit de l'autre, & ta loy n'est defaicté;
Ton regne vniuersel est tous les ans galand,
L'Amour s'y peut embler (priuilege excellent);
Donc la Royale Cour t'est plus humble subiecte.*

*Par toy, buuant, l'on plaist à l'homme qui nous plut,
L'Italien mesdit d'vn si digne salut,
Pris de nos bons Majeurs, d'où vient l'alme science.
Quand l'vn à l'autre boit, c'est signe d'amitié,
L'ennemy mesme en est mieux reconcilié;
Car ce tesmoing vineux ame ine esiouissance.*

*Ie hay ceux-là & vous, ô vous fiers Othomans,
Qui n'osez boire vin, dont estes si friands;
Que vous estes trompez en vostre loy maline !
Vous ne scauriez nier (& sans parler Chrestien)
Que le vin ne soit sang, le plus subtil du bien*

De la terre nourrisse, ainsi qu'asseure Pline.

*Quand vous ne seriez, Turcs, ennemys de IESVS,
Puisque vous mesprisez l'estimable Bacchus,
Plustost mourir que viure en vostre obeissance !
Ton pretexte esgaré, ou ceste antique Loy,
Que tu veux contre Pan faire observer sous toy,
Te perdra sans iouir de si douce excellence.*

*O IAYN-CORNUAV ! essence du bon mot,
O Bacchus cornuau ! l'honneur du saint piot,
Nous te cherissons ore en reuerence honnestes ;
Chacun a du Lierre, & chacun est paré,
Mes Amis, comme moy, t'estiment plus sacré :
Par vin sacrifié le salut se conquesle.*

*Je ne me puis garder de merueille surpris,
D'admirer son effect d'inestimable prix ;
Car, détraquant l'ennuy, l'allegresse il enuoye,
Sans qui le plus grand bien ne sçauroit estre doux ;
Trinquons donc, compagnons, ça, resiouyssons-nous,
Qui en mourant bura en mourant aura ioye.*

*Que le ciel fasse donc qu'en mourant nous humions
De si bonne pianche, afin que ne sentions
Le redoutable orgueil de la Parque bourrelle.
Je t'offence, ô Nectar, puis qu'immortel tu es !
Qui te boira tousiours il ne mourra iamais ;
Car l'immortalité rend la chose immortelle.*

*Buuons doncques tousiours pour viure incessamment,
Et sans nous soucier d'autre medicament ;*

*Les cheueux argentez ne viennent point à table,
Puis que le contraire est du contraire guery,
Le bon vin resjouyst le renfrongné marry;
Car rien n'est si plaisant, si gay, si delectable.*

*Tins, dins, fringue, loyevx! honorant de l'exquis
D'un beau coup larmoyant mon cousin DV PLESSIS,
Dont l'Apollon tonnant les foudroyans estonne,
Il nous fera raison, & de la main du cœur;
DORMES, aussi ROQVILLE; ayons donc du meilleur,
Comme meilleur Amy qui nous affectionne.*

*Si j'ay chanté Bacchus en ces vers ou ailleurs,
Honnestement gaillard de ses gayer fureurs,
Je n'ayme, ô sot caffart, pourtant l'yurongnerie.
Vn sobre monde illustre ainsi l'a esleué,
Qui mesdira de Novs d'eau soit-il abreuvé;
Tant qu'il sente gonflé la froide hydropisie.*

*Veux-tu point que ie pleure, ô grand deuotieux,
En mangeant & buuant les biens delicieux?
Tu veux que le bon viure ainsi soit hayssable?
Son nom tesmoigne vie, & tu es nay en luy,
Par luy tu es viuant, on meurt sans iceluy.
Il est bien malheureux qui est athominable.*

*Si la peine ou le dueil quelque bien nous faisoit,
Et si par la disette on s'emparadisoit
J'eusse esté sainct, tesmoing Neptune & Mars tragique,
Non, passe prudent, non, va, sois tousiours chagrin!
Ne boy le vin riant, chomme sainct Mathurin;
Car l'extresme bigot est fol, melancholique.*

*Bref, boire honnestement c'est delice sans mal,
 L'ame, le corps n'en deult; du vin seigneurial
 La feste aux Roys sacrez chaque an se solennise;
 Dont chacun pour mieux boire a desir d'estre Roy,
 Puis le Roy-boit se chante en tous lieux loing d'esmoy;
 Ainsi le puissant sceptre au flacon sympathise.*

SONNETS

*J'ay assez de Lauriers, ie suis las de la guerre;
 Je veux me resjouir, ie veux faire festin;
 Je veux faire l'Amour, brauant le fier deslin,
 M'encouronnant le chef de Mirthe & de Lierre.*

*Marie Orleannois, emplis donq mon grand verre!
 Voicy le Carneual, l'amy de saint Martin,
 Verse premierement de ce blanc Angeuin,
 Bien qu'il soit de Touraine & du cru de ma terre.*

*Fay voir à mes Amis que j'ay de l'Orleans,
 Beaulne, Coucy, Al & qu'aux banquets friands
 La liqueur Nectarine est plaisante sur toute.*

*Ce vin est saint, pur, net, la larme en vient à l'œil,
 On l'auale sans eau, on n'y en laisse goutte;
 Euohé, on en chante, en enchantant le dueil.*

*Antidote d'ennuis, trompe-dueil, chasse-esmoy,
Puissant Dieu Nisèan, dont i'honore la gloire,
le veux en ta faueur me rebrasser pour boire
A tes discrets mignons, puis qu'ils ont beu à moy.*

*Bien que le Chien celeste en son ardent aboy
Maintenant ne m'esueille à t'auoir en memoire,
Si buray-ie du blanc, à mon cœur, ma victoire,
Mon DASSEZ, près Briare, inuiolable en foy.*

*Puis du vermeil au BOVRG, de mesmes à la FVYE.
Puis à mon PONSONAS, amoureux de ma vie,
A la collation ie buray verre plein*

*A l'intime BLAJAN, puis à mon cher la TOVSCHÉ;
Et puis du cramoisy, qui remplist mieux la bouche,
On salu'ra PERAY, mon Amy souuerain !*


*L'appelle mes bons vins les chansons de merueille !
Ils font chanter, danser, inueuter nouueaux mots,
Qui naissent en la bouche & si bien à propos,
Qu'une diuinité s'y iuge nompareille.*

*Le Paladin qui hume en ma docte bouteille,
Il epilogue, il fait des vers coulamment beaux,
Ils abondent en luy à la foule, à monceaux,
Et fureur sur fureur, coup sur coup s'appareille.*

Le flux Pirenean, qu'on nomme flux diuin,

*C'est vn nom corrompu, c'est le flux du bon vin;
Par luy on Pindarise, on rid, on acquiert gloire,*

*N'en prenant comme moy qu'auec discretion.
Tel qui veut donc furuiure en reputation
De mon sçauant vin noble aille honnestement boire.*



LA
NOUVELLE
TRAGICOMIQUE

ENTREPARLANS

AMBRELIN, laquais.

DOMINICQ, le seigneur.

VOVLY.

GRIFFON, Aduocat.

ARCQVIGVE.

BERGERS.

MAGIS, le sçauant.

CANDELIN, le portier de la ville.

HOSPES, maistre hostelier.

CHICANOVX.

GONOPHAGE, femme de l'Aduocat.

FVRCIFER, le brigand.

SVR LA NOVVELLE TRAGICOMIQUE

De Monsieur de Lasphrise

*Que n'as-tu appris ta science,
Sœur Melpomene, à ce guerrier ?
Il eust des meilleurs le premier
Gagné la Cothurne de France ;*

*Toutesfois sans la connoissance
De ton mystérieux mestier
Il a gaillard auanturier
De ton honneur large abondance.*

*Il a ce que chacun n'a point,
Qu'outre ce que son vers espoinct,
Il force, il enseigne, il anime :*

*Bref fait ainsi en se iouant
Dernier qu'il marche loing deuant
Tous ceux qui t'ont sacré leur rime.*

LE PLESSIS PREVOST.

*Ie n'ensuy en cette œuvre icy,
La façon de l'ardeur antique,
C'est pourquoy ie la nomme aussi
La NOVVELLE tragicomique.*



LA
NOUVELLE
TRAGICOMIQUE

AMBRELIN

*Mal-heureux l'entaché de pesante paresse !
Je doy remercier mon agile vifesse ;
Sans elle i'estoy mort, & si ie n'ose entrer
Dedans ce fort chasteau, craignant la declarer ;
Car, disant mon salut, ie publi'roy la perte,
Qui ne peut estre, hélas ! nullement recouuerte.
Je ne veux qu'on me nomme vn sinistre Corbeau ;
Il n'est pas bien venu qui apporte vn tombeau.*

DOMINICQ

*Qui se deult là dehors ? mon oreille ententive
Se trompe grandement, ou c'est la voix plaintive
Du dispos Ambrelin ; mais sa celerité
Ne me l'eust fait venir en telle hastivité,
S'il n'estoit survenu quelque estrange infortune,
Qui est aux gens de bien en toutes parts commune.*

*Baste ! quiconque soit entre par le guichet ;
 Il n'est point verrouillé, ni fermé qu'au loquet.
 Ho ! ie m'en doutoy bien ; mon Dieu, quelle disgrâce
 Te r'ameine, Ambrelin, si tost en ceste place ?
 Quoy ? tu ne parles pas ; tu trembles & ta peur
 Rend le poil de mon chef herissé de froideur ;
 Puis tes yeux noirs de pleurs & ton tainc iaune palle,
 Presagent quelque orgueil de l'aspre Sœur fatale
 Donteuse des vainqueurs : dy-moy donc hardiment
 Pourquoi defiguré tu viens si vislement ?
 Oste-moy de balance. Il n'est douleur si grande
 Comme le mal d'esprit, où la doute commande.*

AMBRELIN

*Mon seigneur, mon support, mon refuge assuré,
 A qui ie suis fidele & seruiteur iuré,
 Je voudroy bien qu'un autre eust pouuoir de vous dire
 L'object de ma viflesse & de mon fier martire ;
 Desirant entre tout ne vous annoncer rien
 Qui ne vous soit plaisant, duisable à vostre bien ;
 Mais nul que moy ne peut contenter vostre enuie ;
 Car nul que moy n'a veu rougir la tragedie,
 Enuers vostre LOYAL, vostre bon recepueur
 Assassiné de coups, miserable mal-heur,
 Par la main d'un brigand, qui au sang se deleste,
 Et en le massacrant a volé sa malette,
 Où sont deux mille escus qu'il pensoit vous porter,
 Que vostre bon fermier luy venoit de compter !
 Et ce Scythe enragé, que l'horreur mesme abhorre,
 M'a galopé un iour pour me tuer encore ;
 Mais agile i'ay tant nagé, couru, sauté,*

*Que m'en suis maugré luy galamment exempté.
Je ne le connoy point, & ne sçay qu'il peut estre.
Qui a l'aueugle peur ne sçauroit reconnoistre.*

DOMINICQ

*O desastre inhumain ! hà ! quelle cruauté !
Quel malheur ! quel encombre ! hé Dieux ! quelle fierté
De perdre ensemblement le corps & la richesse !
Falloit-il que le Ciel surchargeast ma tristesse ?
N'estoy-ie assez fasché des greslans tourbillons
Qui viennent de gaster l'or blond de mes seillons ?
C'est tout vn pour les biens, la perte en est à plaindre ;
Mais ce mal se repare, hé ! qui pourroit refraindre
La mortelle douleur suruenue à l'Amy,
Mesmement d'une mort par vn traistre ennemy ?
Toutes autres rigueurs ensemblement conjoinctes
N'ont tant que ceste-là de poignantes attainctes.
Quel remede à mon dueil, qui m'égare l'esprit,
Qui fait pleuvoir mes yeux, qui me rend interdict ?
Las ! il n'y en a point ! LOYAL, ma nourriture,
Mon gentil mesnager, ma chere creature,
Par qui seul, par qui seul reluisoit ma maison,
Est mort pour me seruir, est mort en trahison !
Perfide, scelerat, maudict, abhominable,
S'il eust sceu, s'il eust sceu ton dessein detestable,
Qu'il eust peu seulement mettre l'espée en main,
Il t'eust reduict en poudre au premier coup soudain.
Encor si ie pouuoy, pour le dernier office
Que ie doy à LOYAL, pour son loyal seruice,
Connoistre qui tu es, assure-toy, brigand,
Que ce grand Vniuers ne seroit assez grand*

*Pour te sauver des coups de ma iuste vengeance !
 Je ne te feroÿ mettre au haut d'une potence,
 Ni dessus une rouë, ou jeter dans le feu
 Par la main d'un bourreau ; c'est moy qui peu à peu,
 Sans mourir, te feroÿ mourir à toutes heures,
 Les gesnes, les horreurs, les rages les plus dures
 Nourriroyent ta poison ; car ton boire & manger
 Seroit ton sang noirastre & ta puante cher !
 Chaque iour tu serois apporté dans ma chambre,
 D'un ferrement rouillé ie t'osteroy un membre,
 Et, craignant que mon coup ne te fist trespasser,
 Je te feroÿ soudain par un barbier panser ;
 Bref, tu viurois tousiours de ton vilain carnage,
 En langueur miserable, en bouillonnante rage.
 Jamais le mal-heureux, le chetif Ixion,
 N'a receu telle ardeur par son ambition ;
 Jamais telle rigueur n'eust l'alteré Tantale ;
 Car ma douleur rendroit ta douleur inégale.
 Mais ie ne tiens pas, ô traistre assassineur,
 O lasche sanguinaire, ô impiteux voleur !
 J'en suis tout hors de moy, tant que j'en desespere.*

VOVLY

*Tout beau, Monsieur, tout beau, il ne faut ainsi faire ;
 Vous me pensiez plus loing ; ie venoy bellement,
 Vous oyant plaindre un mal si courageusement,
 Que j'y prenoy plaisir encor qu'il me desplaise.
 L'Amy souffre du mal de l'Amy en mal-aise ;
 Mais mal-heur pour mal-heur oncques ne s'addoucit,
 Et douleur sur douleur le dolent ne guerist.
 Si pour se forcener, pour lamenter, pour plaindre,*

*Nous allegions nos maux, qui ne se peuuent faindre,
Il seroit bon, Monsieur, d'euerter ses regrets,
De se desesperer, de plorer tout exprès;
Rien ne seroit si cher que les plainctes depites.
Au contraire tels traicts sont de peu de merite.
Je sçay bien que de front on ne peut s'empescher
Quand vn defastre vient, de soudain se fascher;
Mais il se faut resoudre aux coups de la fortune,
La prendre à son plaisir, soit douce ou importune.
Vn magnanime enflé de reputation
Se fait paroistre estant en grande affliction.
Il faut s'éuertuer & non pas ainsi faire
Que le Chartier versé lequel s'amuse à braire,
A inuoquer le ciel, à tirer ses cheueux,
A se battre soy-mesme avecques mots piteux,
Larmoyant à genoux, dans la voye mal nette,
Au lieu de s'efforcer à leuer sa charrette.
Dieu nous donne l'esprit pour le bien employer,
Et non pour, au besoing, tristement larmoyer.
Reprenez donc vos sens, & rentrez en vous-mesme;
Laissez le desesperoir & la complaincte blefme,
Essayez de tirer vengeance du meffaiet.
Par vengeance on connoist le cœur d'Amour parfait,
C'est ce que desirez; mais desir sans main mise
Est de peu d'efficace, & iamais ne se prise.
Il faut donc entreprendre, & poursuyure en tous lieux,
On dict que la fortune ayde aux audacieux.*

DOMINICQ

*Vouly, tu dis si bien qu'il ne se peut mieux dire;
Mais quel moyen d'auoir raison de mon martyre?*

*Où prendroy-ie le traistre autheur de mon foucy ?
 S'il a voulu aller, il est bien loing d'icy,
 (Chose à mon grand regret, chose trop presumable)
 Voyant l'argent qu'il a & son forfait doutable;
 Mais toutefois, afin que l'on ne croye rien
 Que ie vueille espargner & ma vie & mon bien,
 L'ensuyuray ton aduis estimé des plus doctes.*

VOVLY

*Je ne vous mettray point en des passions fortes,
 En danger de querelle & de vous embrouiller;
 Il ne faut pour cela plus matin s'esueiller
 Pour aller au Palais, pour aller aux alarmes.
 Vn noble au sang voleur souille ses riches armes.*

DOMINICQ

*Si ne voudroy-ie pas employer vn Sergent,
 Ni vn hardy Preuost pour prendre ce meschant,
 Je penseroy tacher ma gloire blanchissante;
 Justice excuseroit ma raison apparente;
 Cest enorme forfait me touche tant au cœur,
 Que ie voudroy moy-mesme en estre punisseur.*

VOVLY

Cela se pourra faire avecque modestie.

DOMINICQ

Diâes-moy donc comment, Vouly, ie vous supplie ?

VOVLY

*Icy près il y a vn homme plus qu'humain,
Qui sçait tout, qui void tout, qui, en vn tour de main,
Vous apprendra le nom de ce traistre homicide,
D'où il vient, où il va, où souuent il reside.
Cest homme non mortel (mais ce Prophete exquis)
N'est gueres loing d'icy, & s'appelle Magis.
Faiâtes venir Griffon, & qu'il aille à ceste heure
Le trouuer promptement; il sçait où il demeure.*

DOMINICQ

*C'est très-bien auisé; va-t'en viste, Ambrelin,
Va-t'en dire à Griffon, Aduocat caut & fin,
Qu'il vienne incontinent, d'autant que sa presence
M'est ores necessaire en chose d'importance.
Ne viens sans l'amener & ne luy dis pourquoy.
N'arreste, cours tousiours, pour m'oster hors d'esmoy.*

ARCQVIGVE

*Cestuy-là qui attend est en peine excessiue;
Il nage entre deux eaux, & si lorsqu'on arriue,
Il n'ose demander, quand c'est pour grand subiect,
S'il aura son desir, ou s'il en est distraict;
Il resue, il se pourmeine, il fait cent mille gestes,
De ses tristes ennuis vrais tesmoins manifestes,
Son cœur bat, bat tousiours, il est & si n'est pas;
Ore il s'estime haut, ore il s'estime bas.
C'est la confusion en mal-heur ineffable,
Que la perplexité d'une attente doutable.*

*Dominicq fust gonflé de ce bisarre ennuy,
Et en voyant Griffon s'en courust viste à luy ;
Dont Griffon esbahy parla de ceste sorte.*

GRIFFON

*Quelle nouvelle affaire à ce coup vous transporte ?
Quelques-vns veulent-ils proceder contre vous ?
Monsieur, ne vous faschez, ie les brouilleray tous,
Encor qu'ils eussent droict, par ma langue diserte ;
A leur honte, leur gain leur sera pure perte.*

DOMINICQ

*Mon Amy, ie voudroy que l'on voulust plaider,
Iusques à me vouloir tout mon bien demander,
Et n'estre point gonflé du dueil qui me tourmente.
On a tué LOYAL, dont ie n'ay nulle attente
D'en auoir la raison, sinon par ton moyen.
Tu connois icy près vn homme, homme de bien,
Qu'on appelle Magis, qui, foudre de science,
Te pourra dire où est ce larron de finance,
Ce guetteur de chemins par qui i'ay tant de mal,
Ayant volé mon bien & massacré mon LOYAL.*

GRIFFON

*Monsieur, si me croyez, vous prendrez autre voye,
Elle est toute illicite ; en elle on se fouruoye.*

DOMINICQ

*On ne s'y peut tromper, car si Magis ne sçait
Qui est ce fier larron, ie quitteray ce faict.*

GRIFFON

*Comment le diroit-il ? c'est vne grosse teste,
Vn homme mal formé qui n'est rien qu'une beste.*

VOVLY

*Ne le prenez pas là ; le sage Socrates
Estoit très-mal marqué, & ses œuvres parfaits
Sont si resplendissans que c'est vne lumiere
D'alme Philosophie, Amour plus singuliere.
Vn peintre contrefait, fait bien vn beau tableau,
Il vient bien de bon vin du fond d'un laid tonneau,
Qui est tout espeigné, tout pertuisé, tout sale.
N'essayons iugement sur vn visage palle
D'un homme mal-basty ; ne regardons l'ouurier,
Mais l'œuvre seulement ; on void l'arbre fruitier,
Bien qu'il soit laid, moussu, porter de bon fruitage.
Ne prenons garde au corps, contemplons son ouvrage.*

DOMINICQ

*Allez donc maintenant voir ce docte Magis,
Parlez-luy de LOYAL, sçachez qui l'a occis.*

GRIFFON

Il vaudroit mieux ietter vne querimonie.

DOMINICQ

Ceste longueur tient trop de la chiquanerie.

*Hé ! que sçait-on où est ce traistre sans pitié ?
Puis il sçait bien qu'il est jà excommunié.*

GRIFFON

Mais il est tantost nuict.

DOMINICQ

*Prends mon cheual d'Espagne,
Tu n'arresteras point de passer la campagne.*

GRIFFON

*Monfieur, ie suis d'aduis que fassiez autrement,
On ne peut à son dire asseoir bon iugement.*

DOMINICQ

*Selon qu'il vous dira, i'ay assez de prudence
Pour gouuerner ce fait sans le mettre en balance
Des voix de la Iustice ; & s'il est esclercy,
Mon bras m'en vengera, n'en ayez donc soucy !*

GRIFFON

I'y vay doncques, Monfieur.

DOMINICQ

Vostre monture est preste.

GRIFFON

*Je suis marry d'aller requerir vne beste ;
Mais puisque le voulez, il n'en faut plus parler.*

DOMINICQ

*Fay ce que ie te dis ; puis, sans le reueler,
Va où dira Magis, où mon espoir s'asseure.
Si la brunette nuict te surprend d'adventure,
Tu ne sçauois si tost venir au pont-leuis
Que tu ne fasse ouurir la porte de Paris.
Qui te refuseroit il seroit mal-habile ;
Tu y es reconnu comme enfant de la ville.*

GRIFFON

*Je m'en vay au galop cependant qu'il est iour,
Craignant le sanglant vol, ou l'ennuieux destour.
En faiçt si chatouilleux il ne faut compagnie.
Je suis ià près du lieu, i'en voy la bergerie.
Pasteurs, qui r'emmenez vos beslantes brebis,
Diçes-moy, mes mignons, trouueray-ie au logis
Le tout sçauant Magis, dont i'ay beaucoup affaire ;
Car il pare les coups de fortune aduersaire.*

BERGERS

*Le voylà dans cest antre auprès de ce vallon,
Où il prend son plaisir d'entretenir Echon,
Qui par le doux murmure des gentilles Naiades
Respond plus plaisamment à ses chansons gaillardes.*

GRIFFON

*Enfans, vous diâtes vray ; c'est luy, ie le connois ;
Mais il me faut haster qu'il n'eslongne le bois.
Holà ! ho ! arrestez, de grace, ie vous prie.*

MAGIS

Ie le veux, qui a-il ?

GRIFFON

*C'est vostre preudhommie,
Et le docte renom, gloire de vostre chef,
Qui m'ameine vers vous, à cause d'un meschef
Venu à un seigneur par une main cruelle,
Qui, volant, a tué son seruiteur fidelle ;
Mais il ne sçait qui c'est, ayant sur tout desir
D'en prendre la vengeance un iour à son plaisir.*

MAGIS

*Vous changez de discours & n'ay changé de teste,
Suis-ie pas malformé ? suis-ie pas une beste ?
Griffon, vous l'avez diâ.*

GRIFFON

Magis, pardonnez-moy.

MAGIS

Vous l'avez diâ deux fois ; mais puisque i'apperçoy

*Vostre desdi& honteux avecque honneste amande,
Je suis content, Griffon, ie feray ta demande.
Il ne faut pour cela inuoquer les Démons,
Je sçay tout quand ie veux sans coniurations;
Je fay trembler la terre à ma seule parole;
Nothus s'en va, s'en vient & le grondant Æole;
Le passé m'est present, le futur i'apprens bien,
Rien ne m'est inconnu; car ie n'ignore rien,
Tu le reconnoistras dès ceste nuit prochaine.
Va à Paris, auprès du petit saint Anthoine,
En vne hostellerie où pend le plat d'estain,
Tu verras Furcifer le meurtrier inhumain;
Car c'est en ce quanton que Venus la secrette
Fait ordinairement sa diuerse retraite:
Deguisée elle y vient iouir de volupté,
Comme estant de Paris l'endroit plus escarté;
Dont, par vn doux exemple, ou belles, ou hideuses,
Les Dames de ce lieu sont tousiours Amoureuses;
En ieunesse elles font le bel Astre iumeau,
Et seruent en vieillesse à tirer le rideau.
Que si sterilité estoit venuë au monde,
En ce champ Anthonin elle seroit seconde.
Qui veut auoir lignée y face quelque vœu,
Y offre sa chandelle, il en aura dans peu,
Nostre Dame d'argent est là qui fait merueille;
Elle est fertilement sur toute nompareille,
Et nul, tant soit-il laid, difforme, au nez tortu,
Riant en saint Medard, glorieux sans vertu,
En ce lieu cul-butant n'aura la porte close;
Il sera bien venu (& si bien dire i'ose)
Que de Pale-frenier il deuiendra seigneur
(I'entens bien riche en bien & bien pauvre en honneur).*

*Tel s'aduançe aujourdhuy & veult faire trophée
 D'y acquerre le bruit de brayette eschauffée.
 Les enfans Leopards conceus furtiuement
 Pourront maffonner là & forger sourdement,
 Et là leur mere là, qui à d'autre est marastre,
 Passant l'an cinquantième engendre le fillastre.
 Cecy (voire au commun) veritable est trouué.
 Or Furcifer, ayant ce doux air esproué,
 Après auoir ioué de l'or du brigandage,
 Il ioindra gayement la belle Gonophage,
 (Femme que tu connois) non par ce nom icy
 Que ie luy ay donné, le meritant ainsi;
 Puis tu te souuiendras, près le liçt deshonneste,
 Que Magis au gros chef n'est rien moins qu'une beste.*

GRIFFON

*Magis, n'y pensez plus, non, ie ne voudroy pas
 Dire cela de vous, dont l'on doit faire cas;
 Et quand ie l'auroy dict, voyez la repentance.*

MAGIS

Tu voudrois curieux n'auoir veu ma science.

GRIFFON

*Mais puisque m'asseurez de trouuer le voleur,
 Ie n'en puis estre qu'aise, esperant vn bon heur:
 Car ce n'est pas, Magis, vne pauure fortune
 De prendre vn tel brigand avec tant de pecune,
 Et si ie te rencontre, assurez-vous, Magis,
 Qu'on vous fera present qui sera de grand prix.*

MAGIS

*Ce que ie vous ay dict sera veu veritable ;
Vous en serez tesmoing & plus qu'autre croyable,
Pour ce beau don rien, rien ie ne refuseray ;
Il sera si subtil que ie ne le verray.*

GRIFFON

*Ne vous messiez point de ma parole vraye ;
Ie ne suis vn gausseur, ni vn donneur de baye.*

MAGIS

Bien, bien, ie n'en ay peur ; i'en suis tout asseuré.

GRIFFON

*Adieu doncques, Magis, ie m'en vay ; ie feray
Selon que m'auez dict.*

MAGIS

*N'arrestez dauantage ;
Car Furcifer demain, monté à l'aduantage,
Après auoir ioué avec l'Amour sans foy,
A ta honte, Griffon, par toy, & maugré toy,
Se pourroit enfuyr, & si pourra encore
Faire enfermer le chef d'Amour qui le dédore.*

GRIFFON

O l'homme non mortel, sur tous biens fortuné !

*Quel esbahissement ! quand il a deviné
Les denigrans propos, l'iniure deshonneste,
Que i'auoy dict de luy, l'appelant vne beste !
Pen ay dans l'estomac le sang encor glacé,
Et le poil en mon chef de merueille herissé;
Mais baste, c'est tout vn ; i'auray tantost la bource,
C'est là où gist mon cœur ; car c'est la viue source.
O qu'ardent de desir i'ay volé par chemin !
Je suis jà près la ville. Ho ! maistre Candelin,
Ouurez viste la porte.*

CANDELIN

Estes vous en la rue.

GRIFFON

Non, non, ie veux entrer.

CANDELIN

Mais il est heure induë.

GRIFFON

Hastez-vous, mon Amy, n'entendez-vous ma voix ?

CANDELIN

*Si fay, Monsieur Griffon ; ores ie vous connois.
Quel heur ou quel mal-heur maintenant vous incite ?
Voilà la porte ouuerte ; entrez & me le diëe.*

*Quoy ? vous estes tout seul, où est vostre valet ?
Vn tel homme que vous ne va iamais seulet,
Mesmement à telle heure, ô dieux ! que pourroit-ce estre ?*

GRIFFON

*Tu le pourras tantost vrayement reconnoistre ;
Viens-t'en avecque moy ; amaine aussi tes gens.*

CANDELIN

J'ay plus six louägers Procureurs & Sergens.

GRIFFON

Que la chauue Déesse ores m'est opportune !

ARCQVIGVE

Pauvre qui ne sçait pas sa prochaine infortune !

GRIFFON

*J'auoy besoin d'amis, mesme d'Huissiers Royaux ;
Sans chercher i'en recouure amortissant mes maux.
Mais hastons-nous pour prendre vn traistre sanguinaire.
La celerité prompte est requise en affaire.
Allons droict chez HOSPES ; mes Amis, suyuez-moy.
Voilà la porte. HOSPES ! ouurez, de par le Roy !*

HOSPES

Holà ! qu'est-ce que j'oy qui tabourde à ma porte,

*Si fort qu'il la romproit si elle n'estoit forte ?
 Seroit-ce point le guet pourfuyuant les Matthois ?
 Non, c'est monsieur Griffon, c'est luy, i'entens sa voix.
 Debout, seruans, debout ! sus, que chacun se leue !
 Comment ! seroit-ce luy ? Peut-estre que ie refue ;
 S'amuseroit-il bien à battre le paué,
 Luy qui est de nouveau sous Hymen esclaué.
 Ayant, comme l'on diét, femme belle & honneste,
 Prou d'affaire chez luy sans qu'ailleurs il en queste,
 Que feroit-il icy ? mesme en l'ombreuse nuit
 Vn tel homme ne va. Mais on faiét vn grand bruit,
 Sçachons la verité ; voyons par la fenestre
 Qui rompt là-bas ma porte.*

GRIFFON

Ouurez vifte, ouurez, maiestre !

HOSPES

*L'on y va ! l'on y va ! quoy ? c'est monsieur Griffon,
 L'Aduocat de la Cour, qui a tant de renom ;
 Que diantre me veut-il ? ie n'ay point fait offence,
 Et puis ce ne seroit à luy la connoissance.*

GRIFFON

*Hospes, ie viens icy avec autorité,
 Afin que me disiez tout haut la verité,
 Deuant les gens du Roy, le bras de la Iustice.
 Ne déguisez donc rien, que l'on ne vous punisse ;
 Dy-moy, as-tu ceans quelque passant caché ?*

HOSPES

*Je ne recelle rien ; mais vn homme est couché
Là haut avec sa femme ; il a bien l'apparence
D'estre vaillant gend'arme, & a force finance ;
Il n'a faict tout le soir que iouer très-beau ieu ;
Il fait litiere d'or, beaucoup luy est vn peu ;
Et gardez-vous d'aller sans compagnie armée
L'attaquer orgueilleux en sa chambre fermée.
Il a le petrinal, postillon de la mort,
Le coutelas tranchant, d'où l'estincelle sort.*

CHICANOVX

*Ce n'est pas nostre estat d'affaillir, de combattre,
Pour n'estre que battus, cela nous fait esbattre ;
Tels coups sont nos moissons ; c'est nostre bien vrgent.
Nous nous faisons frotter pour auoir de l'argent ;
Incitans nos voisins argenteux, choleriques,
Nous n'en sommes que mieux ayant telles pratiques ;
Mais ce fier inconnu, au lieu de nous bourrer,
Nous pourroit pistolant sur l'heure massacrer,
Ou bien nous donneroit vn traict de vieille escrime.
Cancre, il n'y fait pas bon !*

CANDELIN

Mais il feroit vn crime !

CHICANOVX

*Que s'en souciroit-il ; il est prou criminel,
Ayant vollé tant d'or par son meurtre cruel.*

GRIFFON

*Si le laissons sauuer nous en ferions en peine.
Il ne voudra tirer qu'à moy, le Capitaine,
Puis nous le saisirons comme vn traistre ennemy ;
Nous sommes plus de vingt contre vn homme endormy,
Il est croyable, il dort, las du jeu d'Amourette ;
Il fust venu au bruiet.*

CHICANOVX

*Peut-estre il nous aguette.
Il nous veult amorcer bien que soyons beaucoup,
Tant plus aura d'honneur.*

GRIFFON

J'auray le premier coup !

CHICANOVX

*Il pourra s'abuser, tirant en telle approche.
Souuent le Ramier boult qu'on vouloit mettre en broche.*

GRIFFON

*En la riche entreprise on ne blasme iamais
Ceux qui veulent, hardis, faire de beaux effais.*

CHICANOVX

Mais nous ferez-vous part de sa grande finance ?

GRIFFON

Vous en aurez, Messieurs, honneste recompence.

CANDELIN

Hazard, donnez dedans !

GRIFFON

Tout beau, non faites, non !

HOSPES

Contre vn feu canonnant ie sçay vne oraison.

CANDELIN

Estant loing du combat, elle euite l'outrage.

CHICANOVX

Beuons donc du meilleur, pour auoir bon courage.

GRIFFON

Mais les grands banqueteurs ne font pas grand effect.

CHICANOVX

Sommes-nous conquerans ? ce n'est pas nostre fait.

GRIFFON

Nous les conquerrons bien, ou le bien qui leur reste.

CHICANOVX

Ce n'est qu'avec la plume, hors de danger moleste.

GRIFFON

*Messieurs, vous pourriez bien recourir vn festin,
Mais non l'occasion d'un si riche butin.
Que faites-vous tant là ? quelle estrange rustrie ?
Je ne vous amenoy pour la friponnerie.*

CHICANOVX

*Ça ! ça ! c'est prou humé, sus, boutons ! allons tous !
Nous ne craignons plus rien si ce ne sont les coups.
Vous marcherez deuant ; nous irons à vostre ombre
Vostre saint corcelet nous gardera d'encombre,
Et nos estocqs sacrez en pourront faire ainsi.
Ils n'ont iamais tué, ni blessé, Dieu mercy !
Leurs impolutions nous seront fauorables.
Si nous ne les fouillons, nous ne serons coupables,
Parlons superbement ; mais ne degaisnons pas,
Craignans qu'aucun de nous n'encourust le trespas ,
Resolution belle & qui n'est temeraire.*

GRIFFON

Courage donc, allons, nous devons ainsi faire.

*Garçon, tiens mon cheual, qu'il ne faut debrider;
Le l'enuoyray querir sans beaucoup retarder.
Allumons trois ou quatre esclairantes chandelles;
Si ce larron estoit caché dans les ruelles,
Nous le pourrons ainsi plus aisément trouuer,
Sans qu'il faille nos cœurs autrement esprouuer.*

CHICANOVX

Mais si l'huis est fermé !

GRIFFON

Il faut que l'on le rompe !

CHICANOVX

*Non, afin que ce faict par malheur ne nous trompe,
Allons y bellement, & quand serons auprès,
Pour mieux le faire ouurir faisons parler HOSPES.*

GRIFFON

L'approuue cest aduis ; l'inuention est bonne.

HOSPES

*Pour couurir les glaffons de vostre ame poltronne.
Vous estes les plus forts dedans ceste maison ;
Je n'y seruiray point d'ombre de trahison.*

GRIFFON

Ce n'est pas trahison que faire prendre vn traistre.

HOSPES

Mon logis est public, où vn chacun peut estre.

GRIFFON

C'est pour le bien public ; il volle en tout cartier.

HOSPES

*Faiâtes-en donc Iustice ; est-ce à vn hostelier
De s'enquerir du monde allant en sa tauerne ?
Quel il est, d'où il vient, comment il se gouuerne ?
Cela ne se doit faire en vn logis commun,
Pour l'argent, sans s'enquerre, on reçoit vn chacun.*

GRIFFON

Nous dirons que la force a ton ame contrainde.

HOSPES

*Mais ie violeray l'hospitalité sainte ;
Qui me voudroit hanter ? vn chacun a bon droit,
Et mon logis infame on abomineroit.*

GRIFFON

Or sus ! de par le Roy ie vous le baille en garde.

HOSPES

Hé ! liurez-le moy donc, de peur qu'il ne s'euade !

*Mettez-le en mes mains ; ie le garderay bien.
On n'est iamais comptable où l'on ne baille rien.*

CHICANOVX

*Deslogeons ou entrons ; l'heure semble dufable.
La chauue occasion n'est pas tousiours prenable.*

GRIFFON

*Çà ! nous sommes tous près ; nul ne parle que moy.
Holà ! mon compagnon, ouurez de par le Roy.*

GONOPHAGE

*Hé Dieu ! Monsieur, hé Dieu ! ie suis femme perduë !
C'est mon mary qui parle ; il vient pour ma venue
Par malheur ; par hazard on l'a peu aduertir,
L'un pour l'amour de l'autre ores pourra patir,
Ne nous laissons donc point.*

FVRCIFER

Ce que tu dis peut estre.

GONOPHAGE

Ce mot de compagnon se fait assez connoistre.

FVRCIFER

Ou bien il se gendarme.

GRIFFON

Auance-toy d'ouurir !

FURCIFER

Attends que ie m'habille.

CHICANOUX

*Il en feroit mourir ;
La porte enfoncera.... pouf ! la voilà tombée.*

HOSPES

*Si iamais on a veu vne ame perturbée
 Il falloit voir GRIFFON sans combat combattu,
 Voyant sa femme nue auprès l'huis abattu,
 Qui toute decoiffée, à cause des delices
 Qu'elle auoit pris la nuit en si doux exercices,
 A genoux, ioinctes mains, elle a lors supplié
 Son badault de mary qu'il prinst d'elle pitié,
 Qui tremblant, interdit de l'horrible infamie,
 Ne sçauoit s'il estoit ou en mort ou en vie.
 L'œil baissé, taciturne, on eust dict à le voir
 D'une idole sans poux qui ne se peut mouuoir.
 Il n'a plus le desir, en sa pensée auare,
 De prendre Furcifer. Chacun qui se separe,
 D'un desplaisant plaisir se contriste en riant ;
 On est aise & fasché de l'inconuenient.
 Griffon, luy, n'est plus luy ; par l'estrange spectacle,
 Il ne dict, ni ne fait ; car ce triste miracle*

*Closoit la bouche à tous, qui sont sortis de là,
Puis enfin soupirant au traistre ainsi parla :*

GRIFFON

Pourquoy ravissez-vous le cher honneur des Dames ?

FVRCIFER

*Griffon, pour mon argent ie fay l'Amour aux femmes ;
Je ne les prends à force, & si ne m'enquiers pas
Si sont femmes d'Huiffiers, ou femmes d'Aduocats.
Fust-ce vne grand' Princeffe, où la grace s'expose,
Que l'or tout puissant vaine, puisqu'il vaine toute chose,
Qui plus en a plus est ; c'est l'Astre de la Cour,
Je ne me souci'roy de luy faire l'Amour.*

CANDELIN

*Ce disant, s'en alla, sans auoir l'ame esmeuë,
Monter sur le Genet qu'on tenoit en la rue ;
Nul ne s'y opposa ; car chacun escarté
De merueille surpris sembloit espouuanté.
Cest asseuré brigand, si enflé d'artifice,
Courut subitement aduertir la Iustice,
Offrant nombre d'escus, disoit qu'un ruffien
Luy retenoit sa femme & beaucoup de son bien.
Les coursiers souffle-flux ne nous auoyent encôre
Amené le tainct clair de la luisante Aurore,
Qu'il eust plusieurs Sergens, qu'il conduisit soudain
Au logis remarqué qu'on nomme Plat d'estain,
Où il trouua GRIFFON, seulet, les mains croisées,*

*Qu'il mist au Four-l'Euesque augmentant les risées.
Dominicq sceut de moy ceste estrange rumeur,
Et, voyant qu'il auoit malheur dessus malheur,
Perdant son bon cheual, l'eslite de l'Espagne,
Il va dans la prison, où seul ie l'accompagne,
Afin de voir GRIFFON, qui d'un estonnement
(De quoy l'on ne se doit esbahir nullement,
Car toutes femmes sont au jeu d'Amour subjectes)
Auoit laissé sauuer, avec honteuses pertes,
Ce cruel scelerat digne de mille morts.*

DOMINICQ

Qui t'a mis là, Griffon ?

GRIFFON

*Les trahissans efforts
Du meschant Furcifer, qui, sous un faux entendre
Qu'il a faict à Iustice, en ce lieu m'a faict rendre.*

DOMINICQ

Que ne le prenois-tu ? tu auois prou d'amis.

GRIFFON

Je fus surpris, Monsieur.

DOMINICQ

Diés plusost sot pris ;

*Malheureux ! tu avois au bras de ta puissance
Le meurtrier, le larron si chargé de finance,
Le lasche ruffien qui a souillé ton liât,
Qui t'a vilipendé de son sale deliât,
Et qui, comme brauant la fortune hasardeuse,
T'a mis en la prison vilainement hideuse,
Où tu devois le mettre ; ô pauvre entrepreneur,
Tu fais perdre mon bien en perdant ton honneur !*

GRIFFON

L'honneur ne dépend pas des fesses d'une femme !

DOMINICQ

Si tu n'eusses failly, tu n'aurois point de blasme.

GRIFFON

*L'on n'est maître de soy au premier mouuement,
Telle apprehension ne se reigle aisément ;
Vne panique peur m'auoit l'âme occupée,
En vn douteux aduis d'une prosopopée.*

DOMINICQ

Ton espouuementement ne me satisfera.

GRIFFON

*Je vous pay'ray cela que le cheual vaudra ;
Du reste excusez-moy, i'en porte assez la faute.*

DOMINICQ

Je le veux ; mais, GRIFFON, ayez l'âme plus caute.

GRIFFON

*Ces fiers euenemens ne sont pas coustumiers,
Et de garder l'effect des amours iournaliers
(Compagnons feminins) on le tient impossible.
C'est chose naturelle, à la Cour remissible.
Le bruiet est plus péchant que le mesme peché
Qui doit estre tousiours secretement caché.
S'il arriue autrement, là le malheur excède !
En l'extresme malheur il n'y a nul remede.
Qui pourroit faire, ô Dieux ! qu'un faict n'eust point esté ?
Ainsi ie me console en mon aduersité.
Nous sommes tous pécheurs ; la loy ne fauorise
L'homme plus que la femme incontinent esprise.
Plus ie diffameroy ma femme, en mon esmoy,
Je me vergongneroy, ie seroy contre moy.*

DOMINICQ

*Considerations : Tu seras dict sage homme,
Et bon, sur les bons l'ans qu'à Paris on renomme !
Te sens-tu point attainct d'Amour indisposé,
Puis qu'en si grand combat tu parois appaisé ?
Que s'il estoit ainsi i'auou'roy ton beau dire.
Qui fait quester le gueux ? c'est qu'il n'a de quoy frire.*

GRIFFON

Je ne vous respons rien.

DOMINICQ

Qui se tait il consent.

GRIFFON

Adieu, j'ay dict assez.

DOMINICQ

*Hà ! la Cour vous entend.**Je sçay que la gent basse, au monde chicanique,
Est plus active aux plaids qu'au combat Venerique.*

CANDELIN

*Ainsi, sous faux espoir d'avoir quelques escus,
Il s'est fait déclarer Cocu sur tous Cocus !*

DOMINICQ

*Mais d'avoir sottement mesprisé la science
Du sçauant des sçauans, aigres à la vengeance,
Magis, ce grand Magis eust fait prendre autre part
Par GRIFFON, FVRCIFER, detestable pendart.
GRIFFON, au lieu de honte, eust acquis une gloire.
Il ne se faut mocquer des enfans de memoire ;
N'oubliant un meffait qu'un autre eust oublié,
De loing il frappe près, d'un coup si palié
Que l'on ne le void point encor que l'on le sente.*

HOSPES

Or, tandis qu'on menoit GRIFFON en l'ombre lente,

La ieune GONOPHAGE alla chez ses parens.
 On laissa son mary prisonnier quelque temps;
 Car, pour couvrir sa faute, on sema renommée
 Qu'il auoit presque, hélas ! son espouse assommée
 Pour subiect sans subiect, & qu'ils ne vouloyent point
 Endurer qu'on traittast leur parente en tel poinct.
 Ce mary, bon mary, sans cholere oultrageuse,
 Desireux de sortir de la prison ombreuse,
 Iura à pere, à mere, aux parens deormais
 Qu'il la mignoteroit sans l'offencer iamais;
 Qu'au contraire il donnoit la licence à sa femme,
 S'il la tançoit tant peu, ou s'il luy donnoit blasme,
 De se refugier chez son pere benin.
 Pour confirmer son dire il fist vn beau festin;
 Delice sur delice estoit en ceste feste;
 La plaisante Musique, avec la dance honneste.
 Les Dames de la Cour y venoyent pour baler,
 Dont plusieurs grands seigneurs y voulurent aller.
 Vn chacun, pour l'Amour de sa Dame jolie,
 Faisoit quelque beau trait, & chacun à l'enuie
 Le cartel, le deffy, le cimierre nu,
 La perleuse faueur d'un moumou inconnu;
 Bref, l'honneur honora ce double mariage,
 Puis la femme & l'espoux resirent bon menage.

FIN



TABLE DES GAILLARDES POÉSIES

DE LASPHRISE

Notice sur Marc-Papillon, fleur de Lasphrise	<i>page</i>	v
<u>Les Amours de Theophile</u>		9
<u>L'Amour passionnée de Noémie</u>		59
<u>La Delice d'Amour</u>		118
<u>Les Ænigmes</u>		132
<u>L'Allusion</u>		144
<u>Diverses stances d'Amour</u>		167
<u>Le fleau féminin</u>		175
<u>Diverses poésies</u>		189
<u>Stances de Bacchus & Carefme- prenant, & trois Sonnets de mesme subject</u>		262
Nouvelle tragicomique		275

FIN DE LA TABLE

